

**NATIONAL ASSEMBLY OF
SEYCHELLES**

Monday 01st March, 2021

The Assembly met at 9:17am

National Anthem

Moment of Reflection

Mr Speaker in the Chair

MR SPEAKER

Bonzour tou Mann Onorab. Bonzour nou piblik a lekout. Eskize pou sa ti retar, mon konpran nou ti annan en pe problemm avek koneksyon internet pou relye sinyal transmisyon. Ki mon konpran in regle la an se moman, mersi.

Pou nou premye biznes bomaten mon ava demann Madanm Clerk Prezantasyon Papye.

Eskize, wi Onorab Pillay.

HON SEBASTIEN PILLAY

Mersi Mr Speaker. Bonzour Mr Speaker. Bonzour tou koleg Onorab. E bonzour tou dimoun ki a lekout.

Mr Speaker, avek ou permisyon mon le *raise* en *matter of privilege*. E mon le osi anmenn ou latansyon lo *Order 8* nou *Standing Orders*. Akoz i

pertinan avek sa *matter of privilege* ki mon pe al *raise* Mr Speaker.

MR SPEAKER

Lekel *Standing Order* ou dir mwan?

HON SEBASTIEN PILLAY

Order 8 nou *Standing Order* Mr Speaker.

MR SPEAKER

Mersi.

HON SEBASTIEN PILLAY

Mr Speaker, *Order 8* nou *Standing Order* i dir nou "*the Speaker or the Deputy Speaker shall preserve order and decorum in the Assembly and shall decide on points of order and practice*". E "*in deciding on points of order or practice, the Speaker or the Deputy Speaker shall state reasons for their decisions*".

Me sa ki relevan avek *Order 8* se ki i donn en kantite pouwar Speaker oubyen Deputy Speaker pou si ou le kontrol biznes Lasanble. Mon *matter of privilege* i lo lefe ki apre ki mon ti'n lir mon diskour lo Bidze, repons Mr Deputy Speaker Onorab Gervais Henrie, kot i ti komans son repons par dir ki mon pa'n ekrir mon diskour ki mon'n lir.

Me apre pou osi lir en lot diskour ki dapre alegasyon i en diskour ki sorti *from Leader Lopozisyon* ki trouve dan Parlman Lostrali. Sa i fer Mr Speaker ki i *call into question the integrity of the office of the Deputy Speaker*. E par lefe ki Deputy Speaker li menm, ki *Chairman Standing Order!*

In the same breath ki Deputy Speaker pe akiz mwan ki'n mwan mon'n pa'n ekrir mon *speech*, Deputy Speaker in ale e in pran *speech* en lot Manm parlamanter dan en lot Parlman, dan en lot pei, e *word for word* in *translate*, in vin lir devan nou Lasanble!

Mr Speaker, mon krwar sa in afekte privez Lasanble. Par lefe ki *it brings the Assembly to disrepute*, ler enn son Manm - sirtou enn son Manm ki annan en pozisyon pli *senior* dan Lasanble, i servi en *speech* dan en lot konteks pou enfliyans deba dan nou Lasanble.

Mon ti a kontan Mr Speaker pou demann Deputy Speaker pou *apologize* avek nou Lasanble. Par lefe ki *plagiarism* dan okenn liniversite, savedir *copy* travay en lot dimoun, i en lofans grav. E i en lofans ki dan nou Lasanble nou pa devret aksepte.

Par lefe Mr Speaker, osi ki nou Lasanble i en Lasanble ki

byento oubyen dan bann mwan ki pe vini, nou pe osi regard bann Lalwa ki annan pou fe avek *Intellectual Property Rights*.

E lefe ki Deputy Speaker in war li normal pou lir sa *speech*, me i pa'n war li normal pou *translate* dernyen bout sa *speech* ki sa msye in lir.

Mr Speaker mon krwar ki Lasanble i en landrwa kot nou ganny demande pou gard en o nivo lentegrite. Nou ganny demande pou at en standar bokou pli o. E lefe ki *Order 8* i donn sa 2 dimoun ki asiz dan sa sez kot ou pe asize en kantite pouwar, zot osi ganny demande pou gard en o standar.

E par lefe ki sa standar i enn ki tre o, mon ti a kontan Mr Speaker ankore enn fwa *reiterate* ki Deputy Speaker i donn en formal *apology* nou Lasanble. E si tel aksyon i kontinyen, ki i pou bezwen *step down* koman Deputy Speaker, akoz sa i en aksyon ki montre poudir i anmenn nou *House into disrepute!*

E mon le fer kler Mr Speaker, ki par lefe ki Deputy Speaker li menm ki *Chairman Standing Orders Committee*, sa i osi *calls into question* lentegrite sa komite.

E mon ti a kontan Mr Speaker ganny ou *ruling* lo sa size. Mersi Mr Speaker.

MR SPEAKER

Mersi. Onorab Pillay dapre sa ki mon rapel mon pa rapel ki okenn dimoun dan Lasanble in dir ou, ou pa'n ekrir ou *speech*. I annan Manm ki'n dir, mwan mon pe lir *speech* ki mon'n ekrir mwan menm. Be selman permet mwan repas lo *verbatim* Lasanble, e mon a verifye sa pwen egzakteman ki sa ki'n ganny dir. Mon pa rapel, mon pou bezwen repas lo *verbatim*.

Lo ou dezyenm pwen ki konsern *plagiarism*, mon a osi regard *verbatim* Lasanble, e diskour Onorab Deputy Speaker, Onorab Henrie. E mon a regarde si i annan en ka pou fer ladan. Mersi. *LGB* ou le adres lo sa size? Wi.

HON BERNARD GEORGES

Mersi Mr Speaker. Bonzour Mr Speaker. Bonzour tou bann Manm. Mr Speaker, i pa normal e *Standing Orders* pa permet en Manm koz lo en *matter of privilege* apard sa Manm ki pe *raise sa matter of privilege*.

Me mon'n demann laparol bomaten pou 2 rezon selman. Premyerman, se ki en Manm ki anv *raise en matter of privilege* i bezwen avan tou enform ou.

Unless ki sa matter of privilege parey Order 40 i dir, i arise during the proceedings of the Assembly.

Si Onorab Leader Lopoziyon pa'n enform ou avan ki i pe al *raise sa matter of privilege*, li menm li i pe abiz privez Lasanble. E i pe kas son *Standing Orders* ki li menm li in site ozordi. Mon pa konnen si in anons ou, i paret ki i pa'n. Akoz i paret ki ou pe ganny sa en pti pe *au desprovi* bomaten.

Dezyenm keksoz ki fodre nou remarke, se ki le moman ki en Manm in *raise en matter of privilege*, i pa dan provens sa Manm pou demande ki sanksyon pou bezwen ganny pran. Oubyen ki ou, ou devret fer koman Speaker. Sa se pa son rol ditou. I *raise son matter of privilege*, e ou Mr Speaker, anba *Order 40 suborder 4*, ou sel desizyon se si sa i en *matter of privilege or not*. Se tou ki ou bezwen fer ou. Si ou decide ki i en *matter of privilege*, la sa Manm prezan i ava anmenn en Mosyon pou debat sa *matter of privilege*.

I pa fer parey Onorab Pillay in fer bomaten. Kot in anmenn son *matter of privilege*, e li menm li in debat, e li menm li in *call for* sanksyon apropiye. *That is not the way of dealing with a matter of privilege*. Mon ti

anvi zis aport sa a ou latansyon Mr Speaker. Mersi.

HON SEBASTIEN PILLAY

(Off-Mic)

MR SPEAKER

Mersi. Onorab Pillay mon krwar nou'n al ase lo la. Mon pou etidye pwen ki ou'n met devan. *Standing Orders* ki konsernen, e pwen ki *Leader Government Business* in fer lo *Standing Orders*.

Si ou permet mwan nou a *move* lo nou biznes. Mersi. Mersi Onorab Pillay. Mersi i ase pou sa.

Madanm Clerk nou a pas lo dokiman silvouple.

MADAM CLERK

Mersi Mr Speaker. Bonzour Mr Speaker. Bonzour tou bann Manm e tou dimoun ki a lekout. Bann papye ki pe prezante i *comme swivan*.

The Annual Report of the Ombudsman for the year ending 31st of December, 2021.

S.I. 10 of 2021 Privileges and Immunities of Dignitaries Order, 2021.

S.I. 11 of 2021 Public Health (Infectious Disease) (Mandatory Wearing of Face Masks) (Amendment) Regulations, 2021.

S.I. 12 of 2021 Public Health (Infectious Disease) (Amendment) Regulations, 2021.

S.I. 13 of 2021 Public Health (Fixed Penalties) Regulations, 2021.

S.I. 14 of 2021 Public Health (Emergency Use Authorisation of Vaccines and Medical Products) Regulations, 2021.

Mersi Mr Speaker.

MR SPEAKER

Mersi Madanm Clerk. Prezan nou a pas dan Staz Komite, e nou ava apel bann zofisye pou konsiderasyon *Appropriation Bill*.

Wi Onorab Pillay?

HON SEBASTIEN PILLAY

Mersi Mr Speaker. Mon le *raise en point of order* akoz mon santi poudir in annan en *imputation as to* mwan menm mwan *infringe* lo nou *Standing Orders*.

Mr Speaker, en kantite travay dan Lasanble pe ganny fer par presedans *and practice*. E sa i en koutim ki ganny byen etabli. Pratik lepase ki mwan mon'n vwar e mon pe swiv, i se ki *Leader* Lopoziyon ki ti la avan mwan, Onorab Wavel Ramkalawan, ki ozordi i Prezidan Larepublik, in toultan

anmenn bann *matters of privilege*.

Parfwa kot in ekrir Speaker, me parfwa osi kot in fer li parey mon'n fer li. Me parey mon'n fer li mon'n demann permisyon Speaker pou fer li.

Mon ti a kontan ki sa pa ganny *misinterpreted* ki mwan mon'n *infringe* lo *Standing Orders* nou Lasanble. Mersi Mr Speaker.

MR SPEAKER

Mersi. Les mon a *remind* Onorab Pillay ki mon konpran lenportans, presedans lenportans *practice* ki'n etabli. Me selman sa Lasanble i lib li menm. E mwan mon lib mon menm pou enterpret *Standing Orders* mannyer mon santi i ganny bezwen e pou *rule accordingly*. Mersi.

DEPARTMENT OF FISHERIES

MR SPEAKER

Byenveni bann zofisye ki'n zwenn nou lo deliberasyon lo Bidze. E nou annan avek nou Minis Dezinyen Jean-Francois Ferrari ki osi responsab pou Lapes e *Blue Economy*. PS Damien Thesee, PS pou Finans. E Madanm Astride Tamatave ki *Deputy Comptroller General* dan Departman Finans.

E pou sa sesyon premye bomaten ki lo Departman Lapes. Nou annan osi Mr Jude Talma, (Sekreter Prensipal) pou Lapes. Mr Roy Clarisse *Special Advisor* pou sa Departman.

Alor nou pe pran Bidze pou Departman Lapes, ki lo paz 61 ziskan 65. Pou en Bidze R10 milyon. Mon ava envit Minis Dezinyen pou entrodwir sa size.

DESIGNATED MINISTER JEAN-FRANCOIS FERRARI

Mersi Mr Speaker. Mersi tou dimoun ki a lekout. Bonzour bann Manm Onorab. Mr Speaker mon ti a kontan zis o moman ki mon fer en pti lentrodiksyon, zis korize lefe ki akote mwan i annan Mr Jude Talma ki finalman i ti PS pou Lapes ziska yer. E ozordi in volonterman vin ed nou isi dan Lasanble pou reponn nou bann kestyon bann Manm.

E PS Talma pe al pran en lot responsabilite *Maurice* byento. Nou remersye li pou son servis pou pei. E i en gran plezir pou mwan anonse ki Prezidan in rekomande ki nouvo PS pou Lapes se Mr Roy Clarisse ki la a kote. Bann lanons pe al fer ozordi, e apwentman i efektiv ozordi. Mersi Mr Speaker.

MR SPEAKER

Mersi Minis.

DESIGNATED MINISTER
JEAN-FRANCOIS FERRARI

Mr Speaker, Minister Lapes ek Lekonomi Ble i 2 sektor ki Prezidan in met bokou lanfaz lo la. E bomaten nou pou pran premye Minister Lapes. Kot mon ti a kontan dir avek bann Manm ki i enn bann pli pti Minister an-term larzan, an-term Bidze. E osi an-term *staffing*.

Pli gro responsabilite dan Lapes i lo, i tonm lo *SFA - Seychelles Fishing Authority*. Kot i annan en group travayer vremen kapab, devoue, ki pe fer en kantite travay. E zot Bidze i separe.

An sa ki konsern Bidze pou Minis Dezinyen, mon ti a kontan dir avek Lasanble ki mon'n aksepte sa responsabilite. Me selman sa departman oubyen sa tit i pa vin avek okenn depans parey ti ete dan lepase. I zis en tit koumsanmenm. Napa sekretarya, napa bann depans ekstra. Alors nou pa pou bezwen. Mon krwar si zot annan enn de kestyon klarifikasyon pou pran lo la.

An sa ki konsern Lapes Mr Speaker, mon kontan pou dir ki nou pe travay lo en Bidze ki vremen *tight* e nou pe fer bokou lenplimantasyon bann proze. E

pou sa nou pe fer en gran kolaborasyon avek *FSA*. E nou fer sir ki sa bann proze i ganny delivre o servis e a kalite ki Lepep Seselwa pe espekte.

Alors nou nivo lapes artizanal se bann travay ki pe ganny fer dan distrik. Devlopman sa bann proze parey mon'n dir. Ki deza zot ava vwar in komans akselere, e pe al byen.

O nivo lapes endistriyel Mr Speaker, bokou lenvestisman, bokou nou zefor dan sa Minister i lo devlopman bann servis e bann fasilite *onshore*. Bann fasilite *value addition e processing*. E i annan bokou koze ki'n ganny fer lo la. I annan bokou aksyon osi ki pe ganny pran lo la. Alors i annan, nou pe espekte ki sa sektor i ava pran en plas bokou pli enportan dan lekonomi nou pei a lavenir.

Donk, avek sa detrwa pwen, mon ti a kontan envit zot bann Manm si zot annan okenn kestyon ki zot annan lo bann *figures*, bann sif ki devan zot, silvouple demann nou, e mon bann *Advisors* ek Mr Thesee ki la dan bor nou i ava ed nou pou nou klarifye tou bann pwen ki zot bezwen. Mersi Mr Speaker.

MR SPEAKER

Mersi. Nou a pas lo kestyon. Onorab Esparon.

HON REGINA ESPARON

Mersi Mr Speaker. Bonzour Minis ek ou delegasyon, tou dimoun a lekout. Mr Speaker premye keston ki mon ti a kontan demann Minis. Si dan sa Bidze eski i annan alokasyon pou termin proze peser dan distrik Glacis ki'n fini komanse? E si sa i en proze ki pe ganny finanse par Gouvernman, oubyen i en proze ki pe ganny fer anba *Grant* ki *FSA* i gannyen?

E dezyenman, dan '*current challenges*' Minis, dan ou *current challenges* anba Departman Lapes, i fer resorti ki demann pou pwason dan Sekter Touris in desann par 40 pousan. E egalman lokalman par 50pousan lo marse enternasyonal.

Eski ou Minister pe fer en zefor, oubyen in fer en zefor pou antre dan bann lezot *market* sirtou aletranze, pou sirmont sa defayans? E par lefe ki manda sa departman se pou amelyor *value chain* sirtou kot i konsern *bycatch*? Vi ki zot pe ankouraz bann investiser etranze sirtou Sid Afrik pou antre dan lenportasyon *bycatch*, eski i pou napa en lenpak lo bann *fish processor* Sesel e afekte zot biznes? Mersi Mr Speaker.

MR SPEAKER

Mersi Onorab. Minis.

**DESIGNATED MINISTER
JEAN-FRANCOIS FERRARI**

Mersi Mr Speaker. Mr Speaker mon ava pran 2 premye pwen e apre mon ava les *PS* reponn lo nou Polisi *bycatch*.

Mr Speaker proze Glacis i form parti en seri proze dan bann distrik e sa pe ganny kordinen par *FSA*. E bann finansman pe sorti dan sa ki nou apel *Sectoral Support Fund*, ki apepre lanmwatye bann kontribisyon ki Linyon Eropen i fer sak lannen avek Gouvernman Sesel pou permisyon pou li lapes dan nou delo.

Donk i annan 2 pwen, zot ava koriz mwan, me i annan €2.8milyon sak lannen ki al dan sa bann proze. E pou mwan evite ki bokou lezot Manm i demann bann keston spesifik lo bann proze dan zot distrik, mon ava dir an zeneral.

Bann proze pe al plito byen e pe ganny fer dan laplipar distrik. I annan ki'n komanse e ki nou pou, parey Bel Ombre, La Retraite, bann landrwa koumsa ki pe al byen. Glacis kot bann lenfrastruktir pe ganny fer, bann lenfrastruktir lour pe ganny konplete. Kas lapas, refer en pe *rock armoring*. Donk tou

sa bann pou Praslin, pou La Digue zot pe deroul plito byen.

Tou sa bann proze i tonm anba finansman *Sectoral Support Fund*. E nou annan en plan pou nou kapab termin sa bann proze ver lafen lannen. Byensir *COVID* pa ed nou. Me selman nou krwar nou pou kapab fer laplipar sa bann proze. I enportan ki nou fer akoz i nesese ki bann peser artizanal i santi ki zot osi zot pe ganny valorize dan sa Bidze. Donk sa sonm Onorab ou pa pou war li dan sa Bidze la. Sa sonm i pou dan Bidze *SFA*. E sa bann sonm pou kouver tou bann lezot proze o nivo distrik.

Lo ou dezyenm kestyon lo difikilte pou bann peser ganny en *market* pou zot pwason la a sa moman. I kler, i kler e bann peser i konnen. E nou'n ganny bokou diskisyon lo la, ki tan ki lekonomi touris pa rebran, nou pou annan difikilte pou nou vann, pou nou bann peser vann pwason ki zot lapes.

Se pou sa rezon ki depi ler mon'n pran responsabilite sa Minister, mon'n fer tou pou mwan ankouraz devlopman leksportasyon. I annan plizyer biznessmenn ki pe aktivman debrouye ki pe devlop bann marse ki reisi deblok bann marse. Sirtou dan larezyon, kot pa ti pe fer bokou leksportasyon

parey *Maurice* ek dan bann pei *Gulf*.

Donk sa bann travay pe ganny fer. Bomaten menm mon'n koz avek en antreprenner ki aktyelman *Maurice* ki pe konsolid sa bann marse. E donk antretan ki Lendistri Tourism i rebran, i vre ki i pou difisil. E mwan mon lans en lapel avek bann peser pou zot kalkil byen, get byen ki kantite pwason *market* i kapab abzorbe. E tenir ki sityasyon pou amelyore.

E nou, nou pe fer tou keksoz pou nou fer sir ki sa bann pwason ki ganny lapes pa gate. I ganny, finalman i ganny trouve en *market*. Mon satisfè pou mwan dir ki pou lemoman i annan peser ki'n ganny difikilte pou zot kapab vann zot prodwi. Me selman a lafen lazournen zot in kapab defalke, e in pa osi grav ki mon ti per i kapab vini.

Lo kestyon *bycatch* kekfwa *PS Talma* ti a kontan dir en mo. Mersi.

MR SPEAKER

Wi. *PS*.

PS JUDE TALMA

Bonzour tou dimoun a lekout. Bonzour tou Manm. Bonzour Mr Speaker. Avan mon al lo *bycatch* mon zis anvi *reiterate*

en keksoz lo sa kestyon ki ou'n leve lo *marketing*. Annefe aktyelman la Minister nou pe *recruit* en Konsiltan atraver proze *Swiofish 3* ki finanse par *World Bank*, pou nou annan en konsiltan pou devlop en *marketing strategy for the Fisheries Sector*. Akoz nou napa sa, parey tourism in toultan annan en *marketing strategy tourism*. Lapes ki ganny konsidere koman dezyenm pilye lekonomi, nou'n napa sa.

E an se moman lanfaz, lanfaz rekritman pou en konsiltan pou fer sa. Sa konsiltan ki i pou fer sa, i pou devlop sa devlop sa stratezi. I pa zis pou devlop en stratezi apre pou donn nou lo papye apre li i pou ale. I pou reste avek Minister, i pou travay pou en serten letan e ede enplimant sa stratezi *marketing* pou Sekter Lapes.

Kot konsernan Polisi lo *bycatch*: boner 2018 zis koman mon ti fek pran lofis, ti annan en Polisi *bycatch* ki ti ganny aprouve par *Cabinet*. Me ki nou ti vwar letan nou pe devlop sa Polisi *bycatch*, ti annan en sityasyon kot ou pa kapab aplik li. *Why?* Akoz sa Polisi ti dir *ok*, tou *bycatch* ki sa bann sener i lapes i devret ganny debarke Sesel.

Nou kapab dir sa avek nou bato Seselwa. Me nou pa kapab dir sa avek bato Linyon Eropeen, akoz sa bann bato, menm nou bato Seselwa osi, zot pa lapes zis Sesel, zot lapes high sea, zot lapes *Maurice*, zot lapes *Tanzania, Kenya*. E sa ki zot lapes *Tanzania ek Kenya, Kenya, Tanzania* ou *Maurice* i kapab dir mon osi met mon *bycatch* se mwan.

So i en Polisi ki ti en pti pe vag, me nou'n pran e lot desizyon se ki, dan nou bann negosyasyon avek bann agreman avek Linyon Eropeen. E pli enportan ankor avek nou bann prop bato Seselwa, ki annefe nou fek komans lans negosyasyon pou annan en agreman avek nou bann prop bato Seselwa, ki dan lepase nou pa'n zanmen annan.

E dan sa Lagreman ki nou pe propoze avek sa bann bato Seselwa se ki, tou pwason ouswa *bycatch* li menm bann lendistri Sesel i ganny *the first choice of refusal*. *Ok?* Savedir bann pou lendistri Sesel i ganny *the first choice of refusal*, si zot pa le pran *then they sell it* avek lezot pei, lezot konpanni.

E sa i *still* ankor an negosyasyon. I en Lagreman pa ankor ganny fini finalize. E se sa ki mon annan pou dir lo Polisi *bycatch*.

MR SPEAKER

Mersi *PS*. Nou a pas lo lot, Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Bonzour Minis, delegasyon. Dabor mon ti a kontan felisit Mr Clarisse dan son pozisyon ki pou al okipe byento. En *homme* tre kapab e mon konnen i pou delivre. En dimoun ki nou'n travay ansanm pou en pe letan.

An dizan sa Mr Speaker, mon ti a kontan sitye en pti pe mon kestyon avan mon demann sa kestyon. Mr Speaker Sekter Lapes i enn, en sekter ki tre enportan. E sa in ganny fer resorti souvandfwa dan bann diferan diskour diskisyon ki nou'n gannyen. Petet pou bokou rezon, petet mon a nonm 2 rezon:

Enn se ki son potansyel ki in annan pou anmenn *foreign exchange* pou nou pei. Pou li vin en pilye osi enportan ki *Tourism*. Dezyenm Mr Speaker, i en sekter ki anploy en kantite Seselwa. En kantite Seselwa swa formelman ouswa enformelman. I benefisye avek Lendistri Lapes li menm an zeneral.

So sa Bidze pou mwan malgre i pa en Bidze

lenplimantasyon. I en Bidze ki dil avek bann zafer Polisi, bann gran laliny, mon war li i enportan akoz i *set sa scene* pou fer li sir ki lenplimantasyon bann proze i ganny fer byen e *on time*. So Mr Speaker, mwan mon krwar sa i en Bidze enportan, i en Bidze ki mon pou donn, mon pou aport mon sipor. I enportan mon dir inisyelman akoz i benefisye en kantite, kantite Seselwa isi deor. En kantite fanmir.

An dizan sa Mr Speaker, mon annan en kestyon pou Minis e i bord en pti pe lo kestyon Onorab (Alcindor), *sorry* Esparon pardon eskiz mwan Onorab. Konsernan *marketing*, mon war dan ou bann '*current challenges*' sa *issue marketing* in leve e i en keksoz ki serye. En kantite bann peser pe ganny afekte.

Mon war dan ou *strategic priorities* osi ou koz lo pou devlop en *marketing unit*. Me parkont dan ou bann '*new spending proposals*' mon war i dil prensipalman avek '*enhance fisheries intelligence, IOTC Headquarters*, apre mon war en zafer *COVID freeze replacement*.

Konmsi dan sa '*new spending*' mon pa pe war kote sa zafer *marketing* i antre. *Marketing* i vreman, vreman enportan pou nou bann peser

ozordi la ater. Akoz zot pe war zot difisil pou zot kapab defalke zot bann pwason.

So si Minis ouswa son bann teknisyen i kapab dir nou kote egzaktman sa zafer *marketing* i antre? Akoz i pou enportan *going forward*. Mersi Mr Speaker.

MR SPEAKER

Mersi Onorab. Minis.

DESIGNATED MINISTER
JEAN-FRANCOIS FERRARI

Mersi Mr Speaker. Mr Speaker mon ti a kontan reasir Manm Onorab ki nou'n fer provizyon pou *spending* lo sa laliny. E tousala pou ganny fer anba proze *Swiofish*. Parey mon'n dir zot nou'n anv i kapab servi tou bann resours ki nou annan otour Minister Lapes. Ki pa ti direktman e travay pou Minister Lapes. Pou nou ganny konsiltan pou fer sa travay.

Alors *Swiofish* pou pey en saler, pou pey sa travay, e pou pey lanplwa sa konsiltan pou kapab delivre lo son *marketing plan*. E la mon ti a kontan dir, reasir Onorab ki pou nou zisteman montre ki nou anv i ariv lo menm nivo ki Minister Touris, nou'n al rod en dimoun ki annan en leksperyans enorm dan *tourism marketing*.

Pou nou fer sir ki nou donn li sa menm lenportans e nou donn li sa menm zouti travay pou li kapab delivre. Alors tou finansman pou *marketing*, anfen laplipar finansman pou *marketing* i tonm anba, zot pou war li la. Non, zot pa pou war li, zot pou war li taler ler nou pou vini pou Lekonomi Ble anba proze *Swiofish*. Mersi Mr Speaker.

MR SPEAKER

Mersi Minis. Onorab Monthy.

HON PHILIP MONTHY

Mersi Mr Speaker. Bonzour Mr Speaker. Bonzour Minis ek ou delegasyon. Bonzour tou Manm Onorab. Mr Speaker mon kestyon ti dan menm laliny lo kote *fisheries*, ki Onorab Regina Esparon in demande. Me mon pa'n tann Minis nonm proze Cascade, mon prezimen i ladan.

Mon ti a zis kontan i donn mwan en pti *update* kan proze pou rebran. Mon konnen in dir lafen lannen i sipoze terminen. Me zis dir nou pou peser Cascade kan i sipoze rebran? Akoz proze ti'n komanse apre zis in *stuck* lanmenm. *Ok?*

E apre lezot kestyon i lo *Blue Economy*. Mon krwar mon a pran apre Mr Speaker. Mersi.

MR SPEAKER

Mersi Onorab. Minis.

DESIGNATED MINISTER
JEAN-FRANCOIS FERRARI

Onorab ki ou'n dir dernyen fwa sa ki ou'n dir, mon'n pa'n sezi ou? Mon ti pe koz avek Mr Clarisse.

HON PHILIP MONTHY

Mon ti le zis konnen kan proze Por Lapes tradisyonnèl Cascade pou rebran? Vi ki en proze ki'n komanse me in zis ganny kit koumsanmenm la. Donk bann peser Cascade i en pe konsernen. Zot anvi konnen kan pou rebran.

Me mon'n tann ou dir lafen lannen i sipoze konplete. Mon ti a zis konnen kan dimoun pou *move* lo *site* pou nou revwar sa proze e re demare? Mersi.

MR SPEAKER

Mersi.

DESIGNATED MINISTER
JEAN-FRANCOIS FERRARI

Ok, mersi Onorab. Onorab i annan bann fasilite. Parey ou konnen son baz li menm in fini konplete. Prezan i annan son fasilite pou nou met an plas. Nouvo bazar, nouvo *gear store* avek bann *pontoon*. Plan i kot *Planning* pou finaliz nouvo

bazar. Nou retournen, nou'n re diskrit avek bann peser egzaktèman kote zot santi i devret ganny plase. E kit zistans avek semen. Ki *Land Transport* i satisfè, bann peser i satisfè.

Akoz enn bann keksoz ki nou anvi fer, se fer sir ki ler nou fer en fasilite peser i servi. Akoz dan lepase parey zot konnen Gouvernman in fer en ta fasilite pa'n diskrit ase avek peser, e peser finalman pa'n servi sa bann fasilite. Nou pa anvi sa i arive.

Donk ver disi Septanm, bann *pontoon* i *on order*. Bann plan parey mon'n dir pe ganny finalize. Pa bezwen trakase. Peser Cascade i konnen poudir i annan en bon *MNA* ki pe lager pou zot e zot pou gannyen zot bann fasilite. Mersi.

MR SPEAKER

Mersi Minis. Onorab Mondon.

HON TERENCE MONDON

Mersi Mr Speaker. Bonzour Minis Dezinyen avek ou delegasyon. Mon kestyon mon vwar ki '*office building rent*' in sorti, in redwir *actually*. Sorti 4 milyon 820 mil pou vin 3 milyon 404 mil. En rediksyon R1.4 milyon. Kwa ki'n fer sa rediksyon?

E mon vwar osi ki zot *basic pay*. Mon krwar in sorti 255 mil pou vin 1 milyon 190 mil. En ogmantasyon 235 mil pou *basic pay* anba '*wages and salaries*.' E Minis in dir nou ki lo kote *staff* zot pli ou mwen ankor parey. Akoz sa logmantasyon?

E mon dernyen kestyon Mr Speaker se, mon konnen Minis in koz en kantite lo bann proze ki zot anvi fer. In eksplik nou about sa *Sectoral Support Fund* ki zot pou fer sa bann proze. Eski Minis i santi ki par lefe ki *SFA* i otononm, i pa depan lo Bidze Nasyonal, eski *SFA* i solid finansyerman pou li kapab antreprann tou sa bann proze ki zot pe anvizaze pou sa lannen? Mersi.

MR SPEAKER

Mersi Onorab. Minis.

DESIGNATED MINISTER
JEAN-FRANCOIS FERRARI

PS Talma.

MR SPEAKER

Yes.

PS JUDE TALMA

Ou kapab zis repet ou premye kestyon silvouple. Premye kestyon.

HON TERENCE MONDON

Mon premye kestyon i adres sa size '*office building rent*.' In redwir par 1.4milyon. Mersi.

MR SPEAKER

Mersi. PS.

PS JUDE TALMA

Mersi bokou. *Regarding 'office building rent.'* Parey zot in tann Prezidan Larepublik koze. I ti'n demann nou pou negosye avek nou bann *owners* bann *building* ki nou pe *rent* nou lofis avek. Pou ki i annan en rediksyon *maximum of 25 percent*. Ok, sa nou pa ankor komans sa diskisyon me selman nou pou lans sa diskisyon byento dan sa mwan ki pe vini.

So i reflekte en rediksyon. Be si, i pou tou depan si sa *owner of the building* i aksepte. Si i pa aksepte nou bezwen re *come back* avek en Bidze pou aranz sa defisit.

Regarding basic pay, en keksoz nou bezwen konpran byen, dan lepase *the Budget* ti napa en Bidze pou Departman Lapes. I annan en Bidze pou Minister Lapes ek Lagrikiltir. Sa lannen i premye fwa ki nou annan en Bidze spesifik pou Departman Lapes.

Ki Minister Finans se ki ler zot in fer zot *Revised Budget*, sa ki la se *Revised Budget*. Ok. Sa *SP 1* ki la anler ki ou pe fer

referans avek sa i *Office of the Minister*. Ok? E sa 2555 i reflekte *the Revised Budget*. Ki *in fact the initial Budget was 2.2* pou Lofis Minis pou 2020.

E i aparan ki i annan en lerer la, akoz letan mon'n koz avek Minister Finans se ki sa 255 i sipoze akoz letan in ariv sa separasyon Minister Lapes avek Lagrikiltir. I annan *staff* ki'n sorti dan Minister Lapes ek Lagrikiltir i al *merge* avek Lanvironnman.

Me anefer Minister Departman, *sorry SP 1* ki Lofis Minis i pa sipoze ganny afekte. Akoz lakantite *staff* i parey. Se dan *SP2* ki sipoze sa i ganny reflekte, sa dekalaz. *So si ou get dan SP2 i sipoze annan sa dekalaz dan SP2*. Ki dan *SP 2*, ki dan *SP2* i napa. Akoz in annan apepre, nou ti annan nou apepre 25 travayer ansanm avek lagrikiltir ek lapes, Departman Lapes ek Lagrikiltir.

I annan zis 6 ki'n *switch over* in al *join* Minister Lanvironnman avek *Marine Park* eksetera. E sa ki fer sa diferans. Me selman si ou gete i pli ba ki Bidze 2020. Sorti 2.2 pou ariv 1.19 milyon.

MR SPEAKER

Mersi PS. Onorab Gabriel.

DESIGNATED MINISTER JEAN-FRANCOIS FERRARI

Mon ti a kontan *PS Clarisse* i kapab zis dir en pti mo lo solidite bann fon *SFA*, e son kapasite pou li delivre lo bann proze. Mersi.

PS ROY CLARISSE

Mersi Minis. Bonzour Mr Speaker. Bonzour tou Manm Onorab. Onorab lo kote larzan ki *SFA* i annan pou proze pou sa lannen, *SFA* in Bidze li 83.6 milyon pou proze. Ki ladan i enkli osi tou sa R57milyon ekivalan R2.8milyon anba fon *Sectoral Support* pou bann proze kominoter. Tou bann proze kapital ki i annan. Mersi.

MR SPEAKER

Mersi PS. Onorab Gabriel.

HON CONRAD GABRIEL

Mersi Mr Speaker. Dabor *welcome* Minis ek ou delegasyon. Premyerman mon pou koz en pti pe de lapar nou bann peser Point Larue. Vi ki i annan proze Cascade ek Anse Au Pins. Mon prezimen nou bann peser pou servi fasilite *either* Cascade kot in ganny demarke. Nou annan en pti group peser, lefe ki nou lendistri in ganny en pe detri *in the past*.

Nou annan en bazar ki parey en moniman. So, mon pe zis demann Minis ki i annan dan plan pou peser Point Larue? E osi i annan bokou zenn osi ti a kontan *involve* dan lapas li menm. Eski nou pou *flow* avek proze Cascade espere, oubyen i annan gro proze Anse Aux Pins ki pe vini Ile Soleil? Mon ti a kontan demann Minis pou eklersi zabitan Point Larue en pti gin spesyalman bann peser.

Aprè lo kote kordinasyon pwason li menm. Eski ou Gouvernman pe fer, ki pe fer pou lev nivo leksportasyon? Transport pwason dan bann diferan prodwir pou eksportasyon avek lokalman? Mersi.

MR SPEAKER

Mersi Onorab. Minis.

DESIGNATED MINISTER JEAN-FRANCOIS FERRARI

Mersin Mr Speaker. Wi Onorab Point Larue i sipoze pe partner avek Cascade. Ti en desizyon ki ti ganny pran par ladministrasyon oparavan. E nou nou'n war poudir i fer sans. Ki Cascade i akeyir Point Larue.

Donk pou annan bann fasilite Cascade pou rezerve pou sa detrwa peser Point Larue, pou zot kapab zot osi ganny en

par dan sa gato. So zot pa bezwen trakase.

Lo sa keston azout valere transform pwason, i en lanbisyon Gouvernman pou fer sa marse. I annan en kantite travay ki'n ganny fer ziska prezan. Nou'n lans bann lapel pou rod lentere bann dimoun. Nou'n ganny lentere ekstraordiner dan devlopman bann lenfrastruktir. Dan devlopman bann lizin.

E demen apre midi nou pe al fer premye travay pas dan sa bann laplikasyon pou nou *shortlist*. Pou nou gete lekel bann ki pli avanse, ki pli pare pou demare. Lekel bann ki pli adapte avek nou sityasyon. E *hopefully* tre byento nou ava kapab *allocate* later. E Labank Devlopman i a kapab *release* larzan pou sa bann proze.

Mon ti a kontan dir osi ki parey zot konnen *Cabinet* in adopte en *memorandum* lo, en *Cabinet Paper* pou *designate* en bout later pou sa *purpose* ki ou pe dir, pou sa bann travay lo *zone* 14. E sa i vedir ki si i annan serten later ki'n ganny donner oubyen ki'n ganny *allocate* ki sa bann dimoun pa'n fer naryen avek, sa bann later pou ganny remet dan sa *pool*, remet dan sa balans pou li ganny re partaze.

I annan bann ki'n pran en pe plis ki zot ti sipoze pran. Parey *IDC* ki pe refer son *Headquarters* laba, in pran en bout en pe tro gro. E semenn pase in agree pou li rann, pou li rann en bout. So i annan en kantite travay ki pe ganny fer an preparasyon pou akeyir sa bann nouvo biznes.

E mon krwar ou ti a kontan tande Onorab ki priyorite pou donn donner a bann lenvestiser e bann devloper Seselwa! Mersi.

MR SPEAKER

Mersi Minis. Onorab Phillip Arissol.

HON PHILIP ARISSOL

Mersi Mr Speaker. Bonzour Minis avek ou delegasyon. Minis an referans avek kestyon Onorab Esparon konsernan bann proze pou bann peser artizanal dan bann rezyon, eski Minis i kapab dir nou ki bann peser Anse La Mouche e Anse Boileau i espekte gannyen dan sa bann proze?

E Minis mon war dan '*major achievements in 2019/2020*,' lansman plan konpreansiv 2019 a 2022. Dan sa plan tou endividi ki angaze dan lapes komersyal e bann bato osi i sipoze pey en *license*. Eski Minis i kapab dir nou

konbyen zot in kolekte an traver sa bann *license*? Mersi.

MR SPEAKER

Mersi Onorab.

**DESIGNATED MINISTER
JEAN-FRANCOIS FERRARI**

Mon ava reponn sa premye bout lo...

MR SPEAKER

Cascade. Lo rezyon ...

**DESIGNATED MINISTER
JEAN-FRANCOIS FERRARI**

Lo proze. Onorab mon konnen ki ou pe rod 2 bwe. 2 menm ou pe rode oubyen 3? Mon krwar 2 bwe ou pe rode, en bon pe letan ou pe rod sa fasilite. E nou pou fer ou gannyen sa fasilite. I pa en keksoz ki tre difisil.

Me selman avek ki mannyer *SMSA* pe organiz son lekor, e ki mannyer nou pe travay nou Minister Lapes, *SFA*, *Port Authority* avek *SMSA*, nou pe sey travay dan en fason kordinen. Vreman kot nou konsilte kanmarad, nou pa mars lo lipye kanmarad.

E sa i en lapros ki mwan mon'n ensiste bokou lo la. E mon konnen ki Minis Derjacques in ensite bokou lo la. Alors sa kordinasyon pe marse, e nou le zis fer sir ki ler nou ganny sa fasilite i ganny

mete dan *right place*, dan en fason ki apropriye. Sa i enn bann keksoz. Mon mazine poudir Minister Lagrikiltir ti promet ou en bazar. E mon mazine poudir ou pou gannye sa. Kekwa avek sa bazar i ava annan osi sa fasilite pou bann peser. Sa i dan diskisyon e nou ava kontinyen angaze avek ou pou nou ganny en solisyon.

Lo sa dezyenm pwen *license fees* pou bann bato lokal, mon ava les PS reponn.

MR SPEAKER

Mersi. PS san en komod ou, lev nivo ou lavwa en pti gin silvouple.

PS JUDE TALMA

Mersi Mr Speaker. Onorab kot konsernan *license fees*, wi bann bato ki lapes komersyal i pey en *license*. Be selman fodre ou konpran i annan bato ki fer *recreational* avek *subsistence fisheries*, pou lemoman zot pa pe pey en *license*. Be selman dapre nou *Comprehensive Plan* dan lavenir zot pou bezwen pey en *permit*. Ok.

Me selman mon kapab fer ou ganny lenformasyon lakantite larzan ki'n anmase atraver *licensing* pou 2020 osi, 2019/2020. *Thank you*.

MR SPEAKER

Mersi PS. Onorab Samynadin.

HON KELLY SAMYNADIN

Mersi Mr Chair. Mr Chair atraver ou, mon konnen ki SFA in dezormen e Lotorite ki otonom. Me selman i reste en antite ki ed bokou *drive* Minister Lapes. Vi ki *building* kot sa Lotorite i baze pe fer fas avek en problem *fungus*. Mon ti'n a kontan konnen si i dan plan pou konstriksiyon en nouvo *building* oubyen kwa ki pe ganny fer pou *sort out* sa sityasyon? Mersi.

MR SPEAKER

Mersi. Minis.

DESIGNATED MINISTER JEAN-FRANCOIS FERRARI

Mon ava, mon ti anvi reponn ou, ou premye bout lo lotonomi SFA. Wi, SFA i zer son Bidze li menm. E in fer provizyon pou revwar son *building* mannyer in ete, dil avek sa problem *fungus*. E mon a fer PS Clarisse donn nou en pti pe plis detay. Mersi.

MR SPEAKER

Mersi. PS.

PS ROY CLARISSE

Mersi Minis. Bonzour Onorab. Onorab dan *capital expenditure*

SFA in Bidze larzan pou li fer renovasyon lo son Bidze *current*. Lo son *building current, the Headquarters* ki anba renovasyon anvi sa sityasyon *fungus*.

Anvi sityasyon ekonomik osi tou ki nou ladan, *SFA* ti pe al komans travay lo son nouvo batiman osi tou ki parey nou konnen Sekter Lapes i en sekter enportan e *SFA* in vwar nesese ki i annan en *iconic building* ki reprezant osi sa sekter.

Me an vi sityasyon ekonomik *SFA* in deside pou li *defer* konstriksyon sa nouvo *building*, pou preferableman lannen prosen, lannen swivan. Letan sityasyon ekonomik i amelyore. So ki resours la an se moman i ganny mete dan bann landrwa ki pli enportan. Ki a ed kominote osi tou ed sekter. Mersi Onorab.

MR SPEAKER

Mersi PS. Onorab Lemiel.

HON SYLVANNE LEMIEL

Mersi Mr Chair. Bonzour Minis avek ou delegasyon. Permet mwan Mr Chair zis pou mwan *remind* Minis nou ti a kontan ou vizit Anse Royale osi en kou Minis. Akoz mon vwar ou, ou'n pas en pti pe partou.

Dan bann lezot distrik ou'n ariv Praslin/ La Digue me

pas en pti moman Anse Royale osi akoz ti deza annan *as you know* bann lezot proze. Anse Royale i annan en gro Kominote Peser. E petet nou osi nou ti a kontan dan sa R2.8milyon anba *Sectoral Support Fund* ki sa bann proze *long outstanding* i ganny konsidere.

Mon kestyon pou Minis i tonm anba program 1 e *subprogram 2, Fisheries Program* kot zot pe dir ki zot pe ranplas serten bann *absolute Policies* e *alongside* sa pou zot kapab fer bann devlopman pou zot kapab *achieve* sa. Zot annan bann proze ki *aim at providing support* sa Polisi *implementation*.

Minis petet mon ti a kontan ou sit en pe sa bann proze ki pou ed ou kapab arive pour enplimant sa bann proze. Nonm nou enn de sa bann proze ki zot pe mazine pou fer? Mersi.

MR SPEAKER

Mersi Onorab. Minis.

DESIGNATED MINISTER **JEAN-FRANCOIS FERRARI**

Mersi Onorab. Mersi premyerman pou ou lenvitasyon. Mon'n pase Anse Royale me selman mon'n pas an koudvan e mon konnen poudir i annan en Kominote Peser ki

vreman dinamik e enn bann keksoz ki paret enteresan se ki ler ou'n lans nou *fish processing zone* Ile Du Port, nou'n ganny en pe reaksyon sorti kot bann peser zot menm dan rezyon Anse Royale, ki dir be aköz ou pa fer sa bann pti *zone* dan kote kot nou laba?

Sa i a vreman, vreman en bon nide. I annan deza bann dimoun ki pe *operate* dan sa landrwa ki pe fer en pti pe transformasyon e kekfwa nou devret, pa kekfwa me mon asire ki nou devret rod fasilite pou nou ed zot pou sa distrik kapab devlope. E avek ou sipor e nou la pou travay avek ou lo sa bann nide, nou ava fer sa rev ki toultan nou'n annan ki Anse Royale i vin dezyenm lavil.

Finalman i ava vini en zour kekfwa. So sa i mon pozisyon lo la. Lo bann *support projects* kekfwa PS Talma ou ava oule dir en pti keksoz?

MR SPEAKER

PS.

PS JUDE TALMA

Mersi Minis. Mersi Mr Speaker. Onorab mon a nonm ou enn de bann *Policy decision* ki'n ganny pran pou ki bann poze i ganny, ki lye avek bann diferan proze. Parey si ou gete dan enn dan nou bann *achievements* i annan

sa *Fishing Satellite Account*, be sa *satellite account* li i annan en *first phase* ki'n ganny fer.

I annan en finansman ki pe vini atraver *Swiofish* menm pou sa *second phase*. Pou son premye faz li nou ti get plizoumwenn bann keksoz ki asosye avek dan *tuna fisheries*. Me nou ti annan osi bann *data* ki nou ti anmase *regarding* bann *local fisheries*. Solman nou pa ti tro al an detay dan sa *second phase* i pou al for an detay dan *local fisheries*. Ok, anefe sa proze in tre benefisyè pou nou, nou annan en nide dan *real GDP figure* ki *GDP contribution* pou lapès dan Sesel.

E an menm tan nou annan en *Seychelles accounting matrix* ki pe ganny travay lo la, sa *Seychelles accounting matrix* i pe get lenpak sosyoekonomik dan Sekter Lapès. Ok, ki li osi li i pou *add to the satellite account* osi, ok? Apre i annan en lot travay ki pe ganny fer se pou, nou pe fer en *study* lo *employment in a fisheries sector*. Taler ti annan en onorab ki ti mansyonn ki ti annan bann dimoun dan *informal sector*. Sa *study* osi li i pe get bann dimoun dan *informal sector*, ok. Aköz i annan en *figure* la deor ki pe ganny sirkile par *Employment*

ki sa *figure* i pa realis avek la kantite dimoun ki *employ*.

Mon krwar sa *figure* i zis *IOT* ki pe anploy plis dimoun ki sa *figure* ek Minister *Employment* pe donnen. So sa i pou donn ou *the real figure of* dimoun ki pe anploye dan Sekter Lapes enkli dan en lanplwa enformel.

Nou pe osi review, nou annan en *Insurance Policy* pou bann peser e nou pe *review* sa *Insurance Policy*. Me selman sa ki pou mwan sa ki pli enportan osi la, se ki sa ki mon koz lo la depi bomaten se sa ki *Cabinet* in aprouve pour annan sa *Fish Processing Unit*. E nou Polisi lo la se ki pou annan plis lespas, plis later *available* pou *fish processing*. Ok? E sa i plizoumwèn dan kote *tuna industrial fisheries* ki plizoumwèn *tuna*.

E osi i annan *Board Development* ki pe travay ansanm avek Minister responsab pou Por. I annan 2 nouvo Por ki pou ganny konstrir avek finansman sekter prive. E i annan sa *extension IPHS*, epi i annan sa ki nou apel *net repair quay* sa osi i annan en *extension* ki pou ganny fer.

Rezon deryer sa se ki pou nou kapab kit pour plis pou bann *purse seiners* epi nou anvi atrakte bann *longline*. Akoz

nou annan detrwa lannen i annan bann investiser ki anvi fer *fish processing from fish* sorti dan *longline industry*, e zot enterese pou fer sa. E si zot enterese savedir zot pou anmenn *longline vessel* Sesel.

E se sanmenm dimoun ki plizoumwèn annan *shares*, oubyen zot *own* sa bann *longline vessels*. Fodre ou mazine ki Sesel nou annan nou 60 *longline vessel*, *industrial longline vessel* ki anrezistre Sesel, me zot rarman ganny *call to port* akoz napa sa bann fasilite. An kre n sa bann fasilite *processing, fish processing* avek en port dedye pou *longline*, pou nou pou kapab atrakte zot.

Ok i pa kestyon zot pa anvi vini. Mwan mon'n ganny konversasyon endividyel avek sa bann dimoun, sa bann *owners* mon konn zot tre byen e zot anvi vini Sesel. Zis fasilite ki napa. E se plizoumwèn sa, i annan bann lezot keksoz selman sa 5 ki la bann keksoz pli mazer.

MR SPEAKER

Mersi *PS*. Onorab John Hoareau.

HON JOHN HOAREAU

Mersi Mr Chair. Bonzour Mr Chair, Bonzour Minis ek ou

lekip. Minis anba ou ‘*local consultancies*’ mon war in monte sorti 25mil par lannen presedan pou vin 461mil. Mon ti a kontan konnen akoz sa *increase*? E osi mon pa war okenn *foreign consultancy fees* anba ou’ *goods and services*. ‘

Mon ti a kontan konnen osi ki pe arive avek sa *Aqua Culture Contract* ki ti a en valer \$4.2 milyon, ki ti ganny anonse par ou predeseser lannen pase? Dezyenmman mon ti ava kontan konnen si Beau Vallon pou ganny enkli dan sa *Sectoral Support Fund* pou sa *slipway* ki nou'n demande en bon pe letan pase. E ziska prezan toultan in ganny anvoye pour demen tanto pan zanmen gannyen?

Trwazyenm kestyon final Minis, mon ti ava kontan konnen ki pe arive avek sa lanons, ki pou annan en fasilite pou *export* pwason ki pou ganny mete lo *Airport*. Mon krwar en *storage* ki Minis Finans i anonse, akoz mon pa konnen si in ganny konsewar dan sa Bidze, mon ti a kontan ou fer en serten deklarasyon lo la. Mersi.

MR SPEAKER

Mersi Onorab. Minis.

DESIGNATED MINISTER
JEAN-FRANCOIS FERRARI

Ok mon ava pran sa de dernyen bout Onorab. Onorab Beau Vallon mon krwar nou tou nou dakor i prensipalman touristik. E nou konman en Gouvernman nou pa anvi retrouv nou dan en sityasyon, kot nou pe fer plezir tou dimoun. Savedir en lasose dan tou distrik. En klinik dan tou distrik. Nou pa anvi antre dan sa sityasyon koumsa.

Akoz finalman nou riske pe gat resours ki deza i difisil pou nou gannyen. Se pou sa ki ler mon'n reponn kestyon Onorab sorti Point Larue, mon'n eksplik li ki Point Larue pou ganny deservi atraver Cascade.

Pou Beau Vallon mon pa vwar okenn fasilite *maintenance*, oubyen bann keksoz koumsa. Nou'n devlop en zoli pti Por Lapes Bel Ombre. I vreman en zoli Por Lapes e nou kapab fer li bokou pli zoli ancor ki sa. Ok? I annan en kantite potansyel. E bokou bann peser Beau Vallon pe servi Bel Ombre.

E nou pa ancor fini devlop li, pou nou kapab donn en pas tou bann dimoun ki enportan. Sirtou Beau Vallon se bann dimoun ki dan en lot Sekter Lekonomi Ble, ki bann *charter boats* avek touristik. Zot in ganny en *designated area*. Be

selman nou anvi fer en pe plis pou zot.

Alors pa perdi sonmey lo la. Mon pa pe promet ou naryen lo sa bout la. Selman mon pe promet ou ki Gouvernman i anvi war Beau Vallon vreman devlope dan son *asset* prensipal ki tourizm. *Ok PS Talma.*

MR SPEAKER

Yes.

PS JUDE TALMA

Mersi Onorab. Konsernan *consultancy* sa *increase* i annan pou fer avek nou *strategic plan for the Ministry* in terminen depi 2020 - 31 Desanm 2020. E nou bezwen re fer nou *strategic plan for the next two, three years*, e nou'n pli ou mwen rezerv en larzan apepre R150mil pou sa *consultancy* kapab en pti pe pli o.

E larestan larzan i pou osi kouver *consultancy* pou *Fisheries Economic Intelligence Division*. Akoz inisyman ti annan en louvraz *consultancy* ki ti ganny fer, me nou pa ti vreman satisfè ki i annan serten louvraz ki pa ti ganny konplete. E nou pli ou mwen pe rod en *consultancy* pou konplet sa louvraz ki ti'n ganny fer dan lepase.

E i osi enkli lekipman parey en *server* avek bann lezot *office equipment*, bann *IT equipment* pou sa *unit also*. *Thank you.*

MR SPEAKER

I annan en trwazyenm bout. Wi Minis.

DESIGNATED MINISTER JEAN-FRANCOIS FERRARI

Mon ti a kontan Mr Speaker, osi dir avek Lasanble ki enn bann keksoz ki nou'n fer se ki, nou'n sey rod en kantite sinerzi ant Lapes, Lekonomi Ble ek SFA. I annan en kantite *cross-cutting* travay ki ganny fer. Mon ava donn zot enn, de bann *areas*. Parey dan kominikasyon, ki mannyer nou travay *close* avek SFA pou fer bann kominikasyon. Ki mannyer bann zafer legal, se SFA ki *lead* lo la, me selman nou travay dan en fason tre pros.

Ou konnen, mon anvi dir sa e mon konnen ki Onorab Cosgrow pou rekonnèt sa. *Well* kekfwa si i ti retourn dan lapes la, i pa ti pou rekonnèt en kantite keksoz.

Akoz ler mwan mon'n ariv Minis avek sa bann *portfolio*, mon'n dekouver ki Lapes avek SFA ti dan en lager. Ti dan en *warfare*. Ti pe lager ek kanmarad, pa ti pe koz ek

kanmarad. Ti annan en - konmsi ti vremen parey en Lager Mondyal konmsi ki pe arive laba.

Ki nou ler nou'n arive nou'n dir be si nou pou fer benefis avek larzan piblik, annou fer sir ki nou travay ansanm. Annou fer sir ki si nou annan en resours nou met ansanm. E la ozordi mon vremen annan gran fyer pou dir ki nou'n rekonstri sa bann pon ki ti'n kase. Ki bann pon ki kekfwa Onorab Cosgrow ti'n konstri, me apre son sikseser in kase.

Me selman zis pou mwan dir li poudir sa bann pon in ganny rekonstri, e nou pe fer en kantite travay pou nou *save* larzan Gouvernman. Mersi.

MR SPEAKER

Mersi. Eski i annan pwen ki pa'n ganny adrese Onorab Hoareau? Silvouple fer li vitman.

HON JOHN HOAREAU

Wi, pwen lo *Aquaculture Consultancy* \$4.2 milyon. Apre lo kote fasilite lo *Airport*. Mersi.

MR SPEAKER

PS. Minis wi ou le premye?

DESIGNATED MINISTER
JEAN-FRANCOIS FERRARI

Les mwan reponn Mr Speaker. Premyerman lo fasilite lo *Airport*. Definitivman nou'n fini angaz nou dan en konversasyon avek SCAA. SCAA in ofer nou lespas, ni ofer nou a en serten moman pou konstri en fasilite.

Me in ofer nou an atandan ki devlopman *l'aeroport*, ki keksoz ki pe arive. Ki mannyer pe amenaze. Si nou kapab ganny nou en *refrigerated container* ki kapab, ki *Airport* i ava *manage*. I ava pey bann fre, i ava kapab tenir bann pwason, bann pake, bann bwat ki'n arive. An atandan ki avyon i ale, zot pa pe asize dan soley lo tarmak. Me selman zot dan en landrwa ki en *chill room* ki zot kalite i ganny prezerve.

Lo kestyon *Aquaculture* Onorab, parey zot in tann mwan toultan, in en pe mon fristrasyon aköz monn santi poudir sa \$4.2milyon in anmenn en pe benefis. Me selman in anmenn plis benefis pou bann konsiltan Sid Afriken. Zot in byen pase sa bann boug lo la.

E si zot ti kapab kontinyen pou ankor 10an lo la, zot ti pou ris lo sa proze *Aquaculture*. E mwan pou mwan mon pa santi poudir larzan piblik i devret ganny zere koumsa.

Alors sa dezyenm faz i lo en *standby* pou lemoman. Mwan mon nide koman Minis responsab pou Lapes, se tre vitman ouver sa sekter avek bann dimoun ki enterese, pou fer devlopman komersyal.

Nou'n fer, nou annan en bon pe *data*. Nou'n fer en kantite *experiments*, en kantite resers syantifik. E sa bann syantis ki laba zot in vreman fer en zoli travay. Prezan annou pas dan laplikasyon. Annou pas dan la pratik prezan. Nou pa kapab reste liniversite tou nou lavi.

So mwan mon pe gete ki tre byento, nou ava gete si i annan lentere swa lokal swa etranze pou antre dan *Aquaculture* dan en fason komersyal. Akoz nou pare pou nou fer sa. *So, let's move on.* Mersi.

MR SPEAKER

Mersi Minis. Onorab Georges.

HON BERNARD GEORGES

Mersi bokou Mr Chair. Bonzour Minis. Bonzour ou delegasyon. Mr Chair mon keston i relye avek enn bann *challenges* ki Minister i pe fer fas avek. Annefe senkyenm *challenge* lo paz 61, e sa se devlopman *zone* 14 isi Ile Du Port.

Annefe lefe ki sa *zone* pa'n ganny devlope, mon krwar sa se zot *challenge*. E mon ti'n a kontan repons *PS* Talma ki'n al en pe dan sa direksyon. E lesplikasyon ki nou'n gannyen lo lespri devlopman sa *zone* kot bann *longliners* pe ganny *well attract* pou zot kapab desarz en pe zot pwason isi. Transform li.

Mon ti a kontan *focus* lo son *onshore facilities*. Minis depi en pe letan parol deor se ki, ki in ganny fini oubyen i pou ganny fini, Me bann *onshore processing facilities* in ankor an retar. E sa i met retar dan tou sa sekter kot nou'n ganny dir dan Bidze Minis Finans ki enn bann priyorite Sekter Lapes se transformasyon *value added*, eksetera.

Eski i vre, ou plito eksplik nou en pti pe Minis ki mannyer in arive sa dekalaz, kot en bout sa fasilite in pare me en lot bout pa ankor pare? Dapre sa ki mon konpran - non, selman son fasilite pa pare, me sistenm tretman bann dese eksetera ki al avek, i 4, 5an an aryer. E ki pou met nou en kantite retar.

Premyerman, ki mannyer sa in arive Minis? E dezyenmman ki ou Minister pou fer dan en bref letan, dan en pli bref letan pou *catch up* avek sa defayans, pou anmenn nou la kot Minis Finans in dir

nou i anvi arive e kot mon konnen ki ou osi ou anvi anmenn sa sekter? Mersi Mr Chair.

MR SPEAKER

Mersi. Minis.

DESIGNATED MINISTER
JEAN-FRANCOIS FERRARI

Mersi Mr Speaker. Onorab enn bann sityasyon ki mon'n dekouver ler mon'n pran sa responsabilite, se ki Spor Nasyonal parey mon kontan dir i pa foutbol ni domino. E ki manner ou kapab pran en bout later. Konmsi sa ti Spor Nasyonal sa, bann dimoun ti pe *grab land* e asiz lo sa later pa fer naryen pou zot kapab vann apre. E pou zot kapab fer en profi lo la.

E sa in fer ki bokou later in ganny donner, me naryen pa'n ganny fer lo la. Sa se en size ki mon'n adrese pli boner, pou dir ki i annan serten bout ki pe ganny rebran, pou nou kapab *allocate* zot lendistri transformasyon dan lapas.

Dezyenm keksoz se ki nou pa'n kekfwa ase ankouraz bann investiser Seselwa pou vin ansanm, pou zot kapab kre bann gro konpanyen ki kapab investir. Akoz sa se bann investisman lour. Bann *quay*, bann lasose, bann *waste water*

treatment plant, bann lizin, se bann gro lenvestisman. E i pou preski enposib pou en sel konpanyen fer sa zis li menm. Sa se bann dimoun ki vin ansanm. E nou bezwen ankouraz zot pou al dan sa direksyon.

Alors se pou sa ki nou'n devlop sa plan. Ki parey mon'n dir zot i pa zis en plan. I deza annan bann laplikasyon e bann demann pou fer sa travay. I en kestyon prezan pou gete ki manner nou partner avek Sekter Prive pou fer sir ki Gouvernman osi i ganny son par ladan. Nou pa anvi fer bann devlopman kot i zis pou zis sekter prive, e Gouvernman pa anmas *tax*, pa anmas naryen.

Alors sa plan i pou apel tou bann dimoun ki nou'n kit ater dan lepase. E bann dimoun ki'n degoute. Mon krwar Onorab ou konnen ti annan en konpanyen ki ti'n anvi fer delwil *Omega Five or Omega Three e collagen* tou sa bann keksoz koman en buy product pou lendistri ton. Zot in dekouraze, zot in kite zot in ale.

Me selman *it is not all doom and gloom*. I annan serten keksoz ki pe bouze. Sa *cold store* ki la i en gro lenvestisman. I pou ede, definitivman i pou ede dan devlopman lapas. Mon felisit

bann ki'n antreprann sa proze. E mon remersye zot, akòz ti annan en kantite dimoun la ater ki ti anvi *destroy* sa proze. Ki pa ti anvi sa proze. E finalman in arive, e mon santi poudir i pou donn nou en zoli lenfrastruktir pou nou kapab bouze.

Donk Mr Speaker pou reponn kekyon Onorab Georges, volonte politik i la. Travay in ganny fer pou nou idantifye bann investiser. Bann kondisyon pe ganny met ater pou zot kapab komans zot devlopman o pli vit posib sa lannen. Mwan prosen si fodre.

I annan serten ki pe deza mobiliz zot larzan. *This is how*, se dan sa direksyon ki nou pe ale. E mon santi poudir nou pou reisi *turnaround* sa sekter, e ganny keksoz pou nou, en lot lipye pou nou debout lo la. Mersi.

MR SPEAKER

Mersi Minis. Onorab Aglae.

HON EGBERT AGLAE

Mersi Mr Speaker. Bonzour Minis ek ou delegasyon. Minis premyerman mon ti a kontan demann ou pou sa *Comprehensive Plan 2019* ziskan 2022, an vi sityasyon ekonomik ki nou ladan, eski Minister, ou Minister ouswa

Gouvernman pe anvizaze pou gard sa *timeframe* ki'n ganny set? Eski nou lo bon semen pou nou sa bann *achievement* ki zot in mete dan sa plan? Sa i enn.

Dezyenmman Minis, enn bann mon krwar ou *baby* osi, vi ki ou ti dan Lasanble, konsern sa Lagreman Lapes avek Linyon Eropeen, eski nou pe war en louvertir ki Gouvernman pou al petet re negosye pou ganny en pti pe plis parey ou'n touzour demande?

E mon dernyen kekyon Minis. Mon war *PS Talma* i ankor la, vi ki Port Glaud osi ti annan serten demann konsern plis ki 2an pase, kot i konsern fasilite stokaz e *pontoon* pou peser osi kapab fer zot bann reparasyon bato, Eski i pou lo plan e eski osi ou pou kapab donn nou en pti vizit kourtwazi Minis dan Port Glaud a lavenir? Mersi.

MR SPEAKER

Mersi Onorab. Minis.

**DESIGNATED MINISTER
JEAN-FRANCOIS FERRARI**

Mersi. Onorab fer mwan mazin ou premye kekyon?

HON EGBERT AGLAE

Konsernan sa *Comprehensive Plan*. Mersi.

DESIGNATED MINISTER
JEAN-FRANCOIS FERRARI

Mersi Onorab. Lo sa *Fisheries Comprehensive Plan* an zeneral mwan mon santi poudir i annan bokou bon keksoz ladan. I annan en keksoz ki definitivman, e se sa ki'n fer li, se sa ki'n fer li pa avanse, se ki Ladministrasyon avan ti anvi retourn nou dan lepok *SMB fish, FIDECO, SADECO*. Kot Gouvernman pou ansarz tou *ice plant*, tou lasose, tou *marketing*, tou aste, tou *processing*, tou revann, e sa nou, nou ti dir non.

E sa i en keksoz ki, ki pou apel *Seyfish* mon krwar. Sa i en keksoz ki ti, mon krwar mon'n koz avek bokou dimoun lo kote Lopozisyon e menm zot, zot pa dakor avek sa. So sa nou'n fini zete. Me selman nou pe kit bokou keksoz ki vreman bon. E mon santi poudir i donn nou en bon semen pou nou kapab avanse. O fir a mezir nou ava fer bann lazisteman lo sa plan.

Lo Lagreman avek Linyon Eropeen kekfwa mon ti a kapab dir ki mon pa anvi *impute improper motive*, be selman mon krwar poudir ler Ladministrasyon pa ti anvi ki nou *involve* dan negosyasyon, zot in osi fer sir ki apre ki Lagreman i ganny sinyen i annan en *Clause* ladan ki fer sir

ki menm si nou anvi sanz keksoz, pa fasil pou nou sanze!

Alors fodre, on the *main Agreement* fodre dan 6an ki sa i ganny re negosye. Me antretan i annan bann *Joint Commission* ki fer tou le lannen. I annan enn ki pou ganny fer sanmenm sa mwan, lafen di mwan.

E nou'n fini koz avek nou bann partner, pou nou demande ki nou komans diskrit en pe bann nouvo lide, lo ki mannyer nou kapab benefisye en pe plis atraver sa Lakor Lapes. E lo ki mannyer nou kapab ganny en e plis valer pou ou pwason.

I pou difisil dan sa difisil dan sa moman pandemik, me selman nou determinen pou nou travay dan sa direksyon. E pou nou fer sir ki nenport pti bout ki nou kapab gannyen, nou gannyen.

Me la mon ti a kontan dir ki ler ou koz lo re negosye, i pa zis sa Lagreman li menm. I annan tou sa ki otour sa Lagreman. Tou bann depans ki bann, ki Linyon Eropeen i fer dan nou Por. Bann servis ki nou vann. I annan bann servis ki nou pe ofer zot ki son pri pa'n ganny sanze 10an, 15an nou ankor pe pey zis en pti zafer. En pti, mannyer nou dir sa pti zafer la? En pti mwenz.

E i sertenman pa akseptab. I annan bokou sa bann keksoz ki nou pe met lo latab, pou fer sir ki an atandan ki sa ban i vini ki nou annan nou en, ki nou krwar en meyer Lakor. Nou ava kapab fer en pti pe progre.

Lo reparasyon bato, Onorab mon konnen poudir in annan koze lo serten fasilite Port Glaud. Me mon ava dir ou onnetman, napa en gran progre ki'n ganny fer. Akoz bokou zefor in ganny mete lo alokasyon. Lo zone 20 pou 6 plot later pou bann dimoun ki anvi fer *maintenance* ek reparasyon bato.

Mon konpran ki sorti Port Glaud pou al Providence i pa fer sans. I lwen e i annan fasilite ki nou devret pe gete dan sa rezyon. Alors mon evit ou, enn se zour pou nou zwenn pou nou gete ki mannyer nou kapab avek sa resours ki nou annan. Gete ki mannyer nou kapab fer en pti travay pou bann peser port Glaud, ki bann dimoun enportan osi. Mersi.

MR SPEAKER

Mersi Minis. Onorab Romain.

HON GEORGE ROMAIN

Mersi Mr Chair. Bonzour Minis ek ou lekip. Mon ti a profite pou dir Minis mersi bokou ankor

enn fwa pou sa bon travay ki'n ganny fer La Retraite Anse Etoile. E bokou nou ban peser pe benefisyé, e mon espere sa pa fini la, i annan lezot landrwa ki nou kapab kontinyen devlope dan Anse Etoile. Mersi bokou pou sa.

Mon kestyon pou Minis i trouve lo kote *'building office rent*. Mon vwar ki, mon konnen taler PS Talma in fer re sorti sa 3.4milyon. Sa i sipoze en *discount* ki zot pe koz lo la, be pa ankor konfirmen. Alors mon ti a kontan demann Minis dan le fitir ki i panse pou zot fer zot prop *building*? Akoz mon war sa ki bokou larzan ki ti a prefere invest dan zot prop *building*. Sa i enn.

Apré dezyenman, mon lot kestyon i trouve sa gran limero ki annan lo bann pti bato. Sa gran limero, mon krwar i annan pou fer ek zot *license*. Ler mon'n koz ek detrwa peser Anse Etoile zot in vremen konplent en bon pe *about* sa gran limero akoz sa limero i vremen long. Si en bato i perdi pou idantifye sa gran limero dan ou latet, i enposib.

Apré zot dir koumsa i kout zot bokou. Tou le lannen zot bezwen penn zot bato pou remet sa gran limero lo la ki kout zot en pe larzan. E i dir sa ti ganny fer dan

ladministrasyon avan. Alors mon pe mazinen kekfwa ti a pli bon. Kekfwa en kat limero, en senk limero. Sa zot ki konnen.

Akoz ler nou get parey mon konnen parey en loto i annan 4 limero, 5 limero, 6 limero e sa i reste la *forever*. Zis ou pey ou *license* tou le lannen. Alors mon ti'n a kontan ganny pwennvi Minis lo la. Mersi.

MR SPEAKER

Mersi Onorab. Minis.

DESIGNATED MINISTER
JEAN-FRANCOIS FERRARI

Mersi Onorab. Lo sa dezyenm pwen *SFA* pe *review* sa sityasyon. Mon pa tro konnen ki mannyer nou'n ariv laba dan sa kantite limero. Mon war poudir vreman i. Anse Aux Pins kot Onorab Andre i annan en bato ki *park opposite Katiolo* tou le bomaten mon get li. Sa limero i pli long ki sa bato. So i annan en pe progre pou fer ladan.

Pou La Retraite Onorab, mon ti a kontan dir ou, e la mon'n repete partou, *SFA* avek Minister Lapes in fer en zoli fasilite, mon krwar tou dimoun i dakor. Prezan i depan lo zot. *SFA* pa pou la tou son lavi pou li get zot. I depan lo zot rezidan, e bann peser, e bann

biznesmenn dan sa landrwa pou zot *improve* sa.

Konmsi mon pe vreman, vreman ensiste ki nou pou bezwen ler nou, nou fer en keksoz apre nou pas responsabilite lo zot. Pou zot mentenir sa landrwa. Pou zot kit li zoli. Akoz i danzere sa lapant ki ou pe pran, ou pe dir i zoli, i zoli, i zoli. Be *we will keep you to your word*.

E nou pou fer sir ki demen nou pa retrouv nou dan en sityasyon, kot nou dir nou ti'n donn zot en zoli keksoz, get sa ki zot in fer avek. I pou mal pou ou, i pou mal pou Anse Etoile.

So sa i en mesaz ki mon anvi anvoye pou tou dimoun dan tou sekter. Gouvernman i fer bokou keksoz. Me selman pran *ownership* sa keksoz. Pa fer parey sa dimoun ki pe met dife dan en bin, ler ou dir li be akfer ou fer sa, i dir ou pa pou li sa pou Gouvernman. Konmsi Gouvernman pa li. Konpran?

Tou sa ki la, tou sa bann lenvestisman se Gouvernman. Se nou, se nou ki Gouvernman. Lontan ki Gouvernman ti la nou ti per li. La ozordi se nou ki Gouvernman. Alors nou pran sarz nou pei e nou protez bann keksoz ki pou nou. Mersi.

MR SPEAKER

Mersi Minis. Onorab Vidot.

HON AUDREY VIDOT

Mersi Mr Chair. Bonzour Minis ek ou delegasyon. Tou Manm Onorab e tou dimoun ki'n a lekout. Minis tou senserite mon apresye ou bann lapros ki ou pe pran lo Sekter Lapes. Akoz i fer mwan mazin parey Prezidan Michel ti kontan dir “kot i mal nou aranze, kot i byen nou kontinyen anbelir”. I byen ki ou war i annan keksoz ki pozitiv dan sa bann plan pou Sekter Lapes ki kapab kontinyen anbelir.

Alors mon kestyon i pou ankor demann Gouvernman sa travay ki zot ti komanse avek bann peser Roche Caiman pou fer zot get, an traver negosyasyon avek *Eden Island* pou kapab annan en bazar, e osi en *ice plant*. Petet atraver ou bann program dan zot Bidze. Si zot kapab kontiny sa bann sipor avek lasosyasyon peser Roche Caiman. Akoz zot annan zot *ice plant* i ankor la. Me selman i annan problemm avek. Petet si zot kapab lyez avek sa lorganizasyon prive. Vwar ki manner i kapab donn sipor pou aranz zot *ice plant*.

Aprè osi zot landrwa kot zot vann zot prodwir pwason. I annan serten vandalizm ki zot pe eksperyansè resaman. Zot pe ganny pa mal problemm. E

zot pe demande ki zot ganny sipor pou kapab annan en *proper fencing* pou *secure* zot landrwa.

Petet nou konnen wi Gouvernman petet pou napa ase pou rezourd zot problemm. Me an term negosyasyon avek sa partner prive, vwar ki manner Gouvernman i kapab aport sipor an term donn zot sa lankourazman e ganny sa finansman pou zot kapab *secure* zot landrwa.

Aprè mon lot kestyon pou Mr Clarisse. Mon'n tan ou mansyonnen ki zot in met *on hold* zot proze nouvo *building*. E zot pe, akoz problemm finansyel, e zot pe fer serten renovasyon avek zot *existing building* ki la. Mon mazine SFA parey i annan serten Manm in fer sorti.

I annan sa bann *issue* bann defayans ki pa permet zot kapab kontinyelman servi sa fasilite. Petet mon a demann zot eski kan ki zot anvizaze petet baze lo zot resours ki zot pou annan pou kapab konplet. Konbyen dele letan pou zot repar *building* SFA pou adres bann defayans?

E nou ti a kontan osi konnen lekel ki propriyeter sa *building* kot zot, kot mon'n tann Mr Talma pe mansyonnen zot

pe al an negosyasyon pou revwar zot *rent*? Mersi.

MR SPEAKER

Mersi Onorab. Minis ou le komanse?

DESIGNATED MINISTER
JEAN-FRANCOIS FERRARI

Wi mon le zis dir en pti mo lo sa fasilite Roche Caiman. Onorab monn vizit Roche Caiman, monn koze avek lasosyasyon peser. E i en group dimoun vreman responsab, vreman enteresan. Ki anvi war en bon devlopman dan sa landrwa.

E pou lemoman mon - *I stand to be corrected*, me mon krwar ki i annan lo *order* en masin *ice* pou Roche Caiman. Me solman *I still stand to be corrected*. Akoz nou anvi sa fasilite i marse. Me selman nou anvi fer li an kolaborasyon avek Eden Island.

E *Eden Island* li i kler i pa anvi en vilen keksoz dan bor li. So i pou ed nou li. I pou ed nou akoz tou fason nou annan en *memorandum*. Nou annan en lakor pou nou devlop sa landrwa en pe pli byen.

Me selman enn bann keksoz ki mon kapab dir se ki, ziska prezan ou a krwar konmsi nou'n depan en pe tro bokou lo *Eden Island*. Konmsi zot ki pou, konmsi tou keksoz *Eden Island*

ki pou fer. Mwan mon pou rod plis ki mon kapab gannyen avek *Eden Island* pou donn peser Roche Caiman. Selman parey mon'n dir pli boner, responsabilite i pou lo sa kominote.

Wi nou anvi fer, nou annan plan pou nou met en *fencing* otour sa landrwa. Pou nou anpese ki dimoun i vi dormi la, fer bann keksoz ki pa zoli la dan aswar. Nou pou fer sa, nou pou fer nou bout nou. Eden island pou fer son bout. Prezan peser Roche Caiman avek bann lotorite ki annan, zot osi zot ava fer zot bout. E mon asire ki nou pou kapab ganny en keksoz ki vreman zoli. PS Clarisse i ava koz en pe.

MR SPEAKER

Wi. PS.

PS ROY CLARISSE

Mersi Mr Speaker. Mersi Onorab. Lenformasyon ki mon annan from *SFA*, akoz sa i en proze ki pe antreprann direkteman par *SFA*. Mon krwar zot anvizaze konplete ver milye lannen ou trwazyenm kar lannen. Mersi.

MR SPEAKER

Mersi. PS Talma wi.

PS JUDE TALMA

Mon a reponn sa bout lo *owner building*. Si ou permet mwan Mr Speaker. Ti annan en kestyon kot Onorab sorti Anse Etoile mon ti'n manke reponn li taler. Lo menm size. *Owner building se Pension Fund. Ok?*

Regarding kestyon Onorab sorti Anse Etoile, *regarding* si nou anvizaze fer nou prop *building*. Non, rezon ki sa se ki ladministrasyon oparavan ti annan plan pou fer en *Government House*. E en *Government House* ti pou *house* tou bann Minister Gouvernman laplipar. E mon pa konnen si sa proze i *still on* avek nouvo ladministrasyon. Me sa rezon akoz nou pa ti pe rod en landrwa pou nou prop Minister. *Thank you.*

MR SPEAKER

Mersi PS. Monn prolonz sa peryod akoz nou'n komans an retar, nou'n komans pre 9.30. Selman nou bezwen terminen. Ofer bann kestyon bref e mon ti a demann delegasyon osi nou a fer bann repons osi en pe bref.

Mon'n ariv kot Onorab Labonte. *Sorry* eskiz mwan mon'n sote. Monn met Onorab Roucou avan.

HON MICHEL ROUCOU

Mersi Mr Speaker. Minis bonzour ek ou delegasyon.

Minis dapre konpran napa nouvo *staff* ki'n ganny anploye, me selman nou war poudir anba *Minister Secretariat basic salary* in sorti R534 mil in mont R1.9milyon.

Aprè anba program 2, *Fishing ... Development*. La osi tou *basically* in monte par R800 mil. Anba '*other use and goods*,' i annan 315 pou sekirite avek *enforcement*. Ou kapab dir mwan silvouple.

MR SPEAKER

Mersi. Wi Minis.

DESIGNATED MINISTER JEAN-FRANCOIS FERRARI

Wi mon krwar PS Talma in reponn en pe, be selman mon ava redonn li laparol pou li klarifye briyevman sa bann pwen.

PS JUDE TALMA

Mersi. Onorab mon ti adrese sa *issue* bomaten. *Sorry* pli boner. Rezon pou sa se ki sa i reprezant *the Revised Budget* sa ki ou pe gete. Me selman Bidze 2020 annefe i ti pli o ki sa. I ti 2.2 milyon anba *SP 1* pou 2020. Be sa *Revised Budget* parey mon ti dir taler, mon plizoumwen krwar ki Minister Finans in mal kalkile.

Akoz Lofis Minister i pe reste parey li. Napa dimoun ki

pe, ki'n vin an plis ouswa an mwens. E i sipoze reflekte sa dan SP2. Sa dekalaz. E se sa rezon pou sa. *Ok?*

MR SPEAKER

Ou'n terminen *PS?* Nou pase? *Ok.* Onorab Pillay.

HON SEBASTIEN PILLAY

Mersi Mr Speaker. Bonzour Mr Speaker. Bonzour Minis Dezinyen avek ou delegasyon. E bonzour tou dimoun ki a lekout. Mr Speaker, zis pou rebran kestyon ki Onorab in demande avan, eski nou kapab ganny klarifikasyon from Minister Finans en pti pe pli kler lo aköz i annan sa *discrepancy* dan sa *2 heads*.

Sirtou anba *allowances excluding*, anba *basic pay* nou vwar i sorti 533 to vin 1.8 milyon. Eski ou kapab klarifye *PS* Thesee si ou kapab permet li lo nivo Finans i ava kapab klarifye.

Pou Minis Ferrari mon byen kontan tann son bann larepons ki in dir, e lefe ki zot pe fer *IDC* rann en morso sa later. Mon ti a kontan demann Minis Ferrari si anba bann program ek bann konsiltasyon ki zot pe fer, e larzan ki pe mete dan fon *consultancy*, eski sa i enkli pou travay avek *IDC* oubyen fer *IDC* revwar serten

fonksyonman lo bann zil? Pou anmenn en pe plis aktivite lapes lo bann zil parey ti annan lontan?

E servi bann zil koman bann, parey deor, parey dan bann lezot pei i annan. Bann pwen depar pou annan menm kabann. Aköz ou kapab annan *fish processing* lo serten nou bann zil kot i permet.

Enn bann problem ki'n kontinyen *plague* bann peser pandan plizyer lannen, se sa zafer *claiming for fuel allowance*. E lefe ki mannyer *SFA* i *submit* sa bann *claims*. Eski Ferrari *regarding* la fason ki departman Lapes pe restriktire anski konsern bann *claims for fuel allowance* ki bann peser i gannyen, eski zot pe met an plas en sistenm pou fer sir ki i annan pli bon *monitoring?* E osi fer sir ki peser i ganny sa *claim* dan en dele letan apropiye? E non pa pe al partou pe demande pou dimoun *call SRC regarding* sa size?

Mon konnen sa i en size ki tonm anba *SFA*, be i en size Polisi enportan. Aköz i en striktir sipor ki peser i gannyen atraver Gouvernman, e *SFA* ki sipoze pe *manage* son sa.

Mon lot bout kestyon ki mon ti le demann ou Minis Ferrari se lefe ki ou'n koz lo

annan plis *longline vessels* antre dan Sekter Lapes. Eski zot pe ankouraze ki sa i plito *from local-based investors rather* ki bann investiser etranze?

E si nou pe ankouraz pli bokou investiser etranze, eski sa pa pou met nou lendistri lapes dan lanmen bann dimoun sorti aletranze? Mersi Mr Speaker.

MR SPEAKER

Mersi Onorab. Minis.

**DESIGNATED MINISTER
JEAN-FRANCOIS FERRARI**

Mersi Mr Speaker, ase briyevman. Lo nou relasyon avek lentansyon Gouvernman pou ouver zil pou fer en pe plis lapes: aktivite lye avek lapes. Mr Speaker mon ti a kontan dir, nou, *IDC* i en lorganizasyon ki egziste ki *manage* bann zil. Ziska prezan, nou, nou'n avanse dan sa direksyon dan nou relasyon avek *IDC* pou fer sir ki tou keksoz i kler. E tou bann fasilite i kler.

Nou bann zil se nou bann zil. Lontan si ti apel sa bann zil *IDC*. Prezan la nou pou apel li bann zil Sesel! *Managed by IDC*.

(APPLAUSE)

**DESIGNATED MINISTER
JEAN-FRANCOIS FERRARI**

E ki si i annan en aktivite lo sa bann zil pou fer avek Lapes, Minis Lapes i ava annan keksoz pou fer avek. Si i annan keksoz pou fer avek lagrikiltir, Minis Lagrikiltir i ava annan keksoz pou fer avek.

Donk i form parti nou teritwar e mon krwar poudir i en bon *move* pou nou avans dan sa direksyon. I annan en kestyon lo *fuel allowance*. Mr Speaker mon pa pou kasyet. Dan lepase in annan labi. E mon krwar Onorab i rekonnet poudir in annan labi, vi ki i pe demann en kestyon lo *better monitoring, better management*.

Sertenman mon'n demande, e *SFA* pe fer en re organizasyon son sistenm, pou fer sir ki i annan *better Management* sa fon. Nou pe osi angaz bann Lasosyasyon Peser pou zot osi annan en par responsabilite dan *management* sa fon.

Mwan sa ki mon ti a kontan dir avek bann dimoun ki benefisye dan sa *fuel allowance*, dan lepase Gouvernman in met an mwayenn apepre R20milyon par an. Me selman ler nou'n ariv lafen lannen, nou'n war poudir nou dan 35, 36 milyon.

mon krwar lannen pase ti 36 milyon.

Sa i pa reflekte en bon pratik *management*. I reflekte en lese ale. E mwan mon mon'n dir ki vi ki *fuel allowance* pou kontinyen, en sonm pe ganny *allocate* pou sa. Mon krwar i reste R20milyon. Ler nou'n ariv R20 milyon, en 'f i 'fi' - ni -ni'. Nou bezwen a en serten moman fer sir ki nou responsab e ki nou servi sa bann keksoz byen.

E ler nou war serten dimoun pe mal servi, pe abize, pe fer frod, nou bezwen koze. Mon pa pe dir personn vin gard mon. Mon pe dir zis dimoun antre bann *stakeholders* antre zot dir be, annou *manage* sa en pe pli byen. Annou fer sir ki nou pa les sa fon ganny abize.

Lo kestyon bann *longliners* Mr Speaker, laplipar zot ki dan losean Endyen pou lemoman. Dan sa swasantenn la ki'n anrezistre Sesel. Laplipar, gran mazorite i etranze. Mon krwar i annan detrwa ladan ki annan serten kapital ladan, *ownership* i en pe Seselwa. Me selman mazorite etranze.

Me selman, i pa en kestyon ki nou anvi, nou premye letap la se pou fer sir ki sa bann bato ki'n anrezistre Sesel zot antre dan nou Por. Zot servi nou Por, zot aste en pe

manze dan nou Por isi, zot aste en pe dyezel lo Por isi. Zot depans en pe larzan dan Por Victoria. E ki Sesel i benefisye.

Pou lemoman sel keksoz ki nou pe benefisye se en *license*. En *license* toulezan. E nou napa menm sa fasilite pou nou dir zot be kantmenm en fwa vini vin koste en kou kantmenm en fwa par an, oubyen 2 fwa par an.

La pou lemoman mon krwar i annan zis en verifikasyon ki zot fer en fwa tou le lannen. Non PS? Me nou ti a kontan war zot fer sa en pti pe pli souvan. Donk sa prezan Onorab ou ava dir mwan lekel bann kestyon ki mon pa'n reponn. Mersi.

MR SPEAKER

Mersi. Wi ti annan sa kestyon pou PS Thesee. Si ou ti a kontan adrese. PS.

PS DAMIEN THESEE

Mersi Mr Chair, bonzour. E bonzour tou Manm Onorab. Parey nou konnen 2020 nou ti annan Minister Lapes ek Lagrikiltir. Sa ti en Minister e i ti annan 2 departman. E sa Minister ti annan bann *shared services mostly* bann *staff* administrativ.

E nou ler nou ti fer revizyon Bidze 2020, nou ti'n

assume ki sa bann *staff* ti pe al avek Minister Lagrikiltir, me anefe in reste avek Departman Lapes. Savedir i zis en re alokasyon. Nou pou war menm *issue* dan Bidze Minister Lagrikiltir ler i vini. Ki pou li aktyelman son lokasyon *revised* 2020 in desann pou 2021. Mersi.

MR SPEAKER

Mersi *PS*. Nou ava al vitman avek sa Onorab Pillay, si ou annan en pti plan klarifikasyon vitman *please*.

HON SEBASTIEN PILLAY

Mersi Mr Speaker. Mr Speaker si mon pa fer sa i pa ti pou byen. En pti klarifikasyon Minis, e sa dan ou pouvwar pou reponn. An relasyon ek sa size *market* ki ou'n koz lo la vizavi pou bann peser vann zot pwason e mezir ki Departman Lapes pe pran, i osi annan sa mezir ki Minis Hassan ti anonse dan son *speech* Bidze. Eski ou annan okenn lenformasyon adisyonnèl pou donn nou aköz ler mon pe koz ek ou la, i annan peser ki pe anvoy lenformasyon pe dir zot in antre zot annan pwason zot napa landrwa pou vann.

Eski ou annan okenn lenformasyon adisyonnèl an relasyon ek sa mezir ki Gouvernman pe pran? Dan

konbyen letan apepre Gouvernman pe espekte zot pou kapab met sa lo lipye pou bann peser kapab ganny sa bann *market*? Mersi Mr Speaker.

MR SPEAKER

Mersi. Minis silvouple.

DESIGNATED MINISTER JEAN-FRANCOIS FERRARI

Mr Speaker, mon krwar mon'n dir pli boner ki nou dan en moman difisil. Nou pe espekte ki pei i reouver pou lendistri touris tre byento. Mon mazine dan Avril/ Me, bann touris i ava'n komans retournen. Bann lotel i ava reouver.

E lotel i konsonm plis ki sa 40 pousan bann pwason artizanal ki nou lapes. E sa i ava ganny abzorb lokalman. Me selman, an menm tan nou pe ankouraz tou dimoun pou ale pou al fer bann demars pou zot ouver bann nouvo *market*. E sa konsiltan pa ankor komans travay.

Me enn bann keksoz ki nou pou fer se pou nou program nou pou nou prepar nou pou nou pa tonm dan menm sityasyon ankor. La nou dan en sityasyon la nou, nou annan zis en kote lipye nou ti pe debout lo la, se *Tourism* e nou

dan sa sityasyon. Alors nou pe ankouraze.

E i annan bann dimoun ki pe debrouye, ki pe rod bann *market*, ki pe *export* atraver bann nouvo metod. Bann pwason artizanal konzele dan *container*. Ki i en kantite. Kantmenm napa avyon i annan bann dimoun ki pe debrouye. Alors mwan mon ti a kontan ki tou bann peser e bann biznesmenn dan lapas artizanal, i rekonnet poudir nou dan en sityasyon difisil. Zot tyek byen *market*, zot gete konbyen zot kapab vann. Ki posibilite.

Akoz i annan en maximum ki Gouvernman i kapab abzorb. I annan en *maximum* ki pe i kapab abzorb. Si i vin plis ki sa i pa pou dan faver bann peser zot menm. Alors responsabilite i tou lede kote.

I pa zis - Onorab konmsi mon ti a kontan tann ou pe vin avek en nouvo *narrative*. Konmsi ou osi pe akonpany mwan dan sa travay pou dir avek bann dimoun, nou pa - nou nepli dan en sityasyon la kot nou zis nou ale nou al lapas, apre nou vini nou dir Gouvernman "be nou napa *market*, nou napa naryen pou vann."

Ou osi ou devret dir bann dimoun be nou bezwen kalkil byen avan nou sorti. Avan nou kit sa por, avan nou kit lasose la nou bezwen kalkil byen, nou bezwen konnen ki nou pe fer. Akoz i nepli, mon rapel sa letan kot Gouvernman ti aste pwason ti met dan *container* lasose apre ti bezwen zete. Ni fer manze lisyen avek nou pa ti kapab. Me nou pa pe ale dan sa domenn.

Tou dimoun i pran son responsabilite. Nou dan Minister Lapas nou pe fer en gran zefor. *SFA* pe fer en gran zefor li osi pou li fer avanse keksoz, nou osi annan nou koman bann Onorab, annou nou, nou tou en diskour ki kale, ki siport sa lanbisyon e siport sa program pou nou reisi! Mersi.

MR SPEAKER

Mersi. Mon a pran dernyen kestyon avek Onorab Labonte. E mon regrete ki mon bezwen siprim 3 dimoun ki'n lev lanmen.

HON ANDY LABONTE

Mersi Mr Chairman. Bonzour *Minister*, *PS Thesee*, avek ou delegasyon. Bon *Minister* mon kestyonn parey mon konnen poudir mon'n tann ou dir poudir bann lenfrastruktir plizoumwenn i annan serten

keksoz ki *Sectorial Support Fund* ki sipoze pe finanse.

Me parey ou konnen poudir Larivyer Anglez osi i annan en kominote peser. E partikilyerman zabitan Larivyer Anglez e bann peser in dir avek mwan poudir zot in toultan apresye. Zot ti a swete zot ti a ganny en *MNA* parey ou dan lepase.

Me malerezman la vi ki ou Minis pou Lapes, zot pe demande ki petet *regarding* zot bazar ki pou en pe letan zot tim a swete gannyen. E osi parey ou konnen poudir letan mare ba zot ganny difikilte pou zot kapab al lapses oubyen antre. Zot ti a voudre ganny petet en lesplikasyon. Menm petet pa sa lannen menm lot lannen si zot ti a kapab ganny konsidere pou kree sa bann fasilite pou zot. Akoz nou konnen poudir sa i enn ou bann manda.

E dezyenman, parey mon'n war poudir kot bann '*challenges.*' Ou pe ganny difikilte pou atrakte e retenir bann *staff*. Petet ki ou Minister pe mazine pou kapab retenir sa bann *staff* e kit zot bann *staff* kalifye pou kapab pli zer ou departman, ou Minister?

E dernyerman en pti leklersisman kot program 2. Kot '*other users of goods and services.*' Kot '*other services*

Agreement.' Mon'n war poudir an 2020 i ti zero, be selman pou 2021 mon'n war en sonm ki'n ganny *allocate* 414 mil. Petet ou ti kapab donn en pti klarifikasyon vreman pou sa. Mersi *Minister*.

MR SPEAKER

Mersi Onorab. Minis.

DESIGNATED MINISTER **JEAN-FRANCOIS FERRARI**

Wi briyevman Onorab. Mwan mon krwar poudir dimoun Larivyer Anglez in ganny en pli bon *MNA* ki mwan. Ou pe lager for. Alors mon ti a kontan dir ou pas sa masaz avek zot, form zot lasosyasyon, vin war mwan. Akoz i pas atraver en lasosyasyon. Dan kantite dimoun ki vin ansanm ki fer lafors e ki fer ki ou pou apiye ou pou ganny ou proze. Alors form zot lasosyasyon vini vin war mwan oubyen vin war *CEO SFA* e keksoz i ava avans byen.

Lo kekyon bann travayer dan Minister e dan *SFA*, tou nou bann travayer i ankor la. Nou pe ankouraz zot pou zot reste, nou pe donn zot bann nouvo responsabilite. I annan detrwa ki'n swazir, ki'n ganny apele pou bann lezot responsabilite. Nou kontan, mwan ler mon war en dimoun pe ganny en loportinite pou li

anvole, ale al anvole mon frer, ale al anvole mon ser. Donk tou bann dimoun ki la, santi zot alez annou travay akoz nou'n ganny en manda pou nou fe marse sa lendistri.

Lo dernyen pwen mon krwar sa R414mil. Mon krwar se sa *Service Agreement* ki pou sa konsiltan. Wi pou 2 *consultancy* Onorab. Me mon krwar *anyway* mon kapab donn ou bann detay apre. Me selman letan pa dan nou faver alors Mersi Onorab.

MR SPEAKER

Mersi. Avek sa nou ava termin deba lo sa Bidze. Nou ava pran vot lo Bidze pou Departman Lapes. *Department of Fisheries* lo paz 61 ziskan 65 pou en Bidze R10 milyon.

Manm ki aprouve les lanmen silvouple? Okenn ki kont?

Mersi Madanm Clerk. Bidze pou *Department of Fisheries* paz 61 a 65, pou en Bidze R10milyon in ganny 29 vot pour, 0 vot kont, e 0 abstansyon.

Alor mon deklare ki sa Bidze in ganny aprouve par Lasanble. Mersi.

Nou ava *adjourn* e nou'n a rebran 11.30 silvouple. E mon a remersye bann zofisye ki pa pou

ek nou apre *break* e mon a dir zot bonn zournen. Mersi.

(BREAK)

DEPARTMENT OF BLUE ECONOMY

MR SPEAKER

Nou rebran lo *Appropriation Bill* e nou annan Bidze Departman Lekonomi Ble. *Department of Blue Economy*, lo paz 66 ziskan 71. Pou en Bidze R144milyon 627mil. Minis permet mwan rekonnnet bann zofisye ki dan lasal avek ou avan ou komanse.

E pou Departman Lekonomi Ble nou annan Mr Philippe Michaud *Special Advisor* dan sa departman. Mr Kenneth Racombo Sekreter Prensipal. E Mr Marcus William *Accountant*. Mersi. Minis ou a prosede. En enstan. Onorab Gill ou annan *point of order*? Ou pe zis met ou non pou kestyon? Ok mersi. Minis silvouple.

DESIGNATED MINISTER **JEAN-FRANCOIS FERRARI**

Mersi Mr Speaker. Mr Speaker Departman Lekonomi Ble in zwenn avek Departman *Fisheries* e sa i permet donn nou en vizyon lo ki mannyer nou pou pli byen develop nou Lendistri Lapes. Tout an prenon kont bann rekomandasyon e

bann mezir ki esansyel pou protez nou pei, nou lanvironnman e nou bann resours.

Donk Lekonomi Ble se sa ki i aporte. Bokou dimoun i demande ki son rol. I permet ki devlopman dan sa sekter i ganny fer dan en fason byen apropiye e an armoni avek lanatir. Dan sa Bidze zot pou vwar i en Bidze konsekan, me sa i akoz i annan plizyer sonm ladan, ki konsern bann proze. E bann sonm ki'n ganny resevwar par Gouvernman Sesel pou lenvestisman dan sa sekter.

E bann sonm ki souvan pa pe ganny zere par Departman Lekonomi Ble li menm, me pe ganny zere par bann labank, tel Labank Devlopman pou ed devlopman dan sa sekter.

Alors zis avan mon pas laparol mon ava koriz ankor Mr Speaker. Apartir ozordi Mr Philippe Michaud i pa en *Special Advisor* akoz parey ou konnen sa *post* in ganny aboli. Me i en konsiltan ki ti ziskan prezan inikman avek Lekonomi Ble, ki prezan i en konsiltan dan Minister Lapes ek Lekonomi Ble. So nou'n fer sa sinerzi e nou pe swete ki nou pou ganny en bon *output* avek Mr Michaud.

Vwala Mr Speaker zis pou klarifye sa pwen e prezan mon

ti a kontan pran bann kestyon bann Manm. Mersi.

MR SPEAKER

Mersi Minis. Nou a pran bann kestyon. Onorab Gill.

HON CHURCHILL GILL

Mersi Mr Chair. Mon premye kestyon. Ki sours sa alokasyon? Mon dezyenm kestyon, ki fason sa larzan pou ganny zere? E mon trwazyenm kestyon, ki retonbe pei i espekte benefisy e avek en tel alokasyon? Mersi.

MR SPEAKER

Mersi Onorab. Minis.

**DESIGNATED MINISTER
JEAN-FRANCOIS FERRARI**

Onorab ler ou dir ki sours sa alokasyon, konmsi tou sa larzan ki dan Bidze Ekonomi Ble?

MR SPEAKER

Wi Onorab eksplike.

HON CHURCHILL GILL

Sa sonm ki pou ganny servi spesifikman pou lekonomi. Akoz ou'n mansyonn labank. So mon mazine pou annan serten sonm ki pou ganny met ek labank. Mersi.

MR SPEAKER

Mersi. Minis.

DESIGNATED MINISTER
JEAN-FRANCOIS FERRARI

Ok mon krwar fason pli senp pou nou prosede, se ki mon ava demann avek *PS* dir nou lekel bann sonm ki pou bann proze e ki pe ganny zere apard lezot lorganizasyon apard nou departman? Mersi.

MR SPEAKER

Mersi Minis. *PS* ou a adrese.

PS KENNETH RACOMBO

Mersi Mr Speaker. Mersi Minis, Bonzour tou bann Onorab. Dan nou Bidze ou pou war nou'n ganny en fasilite *from World Bank* savedir the *Blue Investment Fund*. E li i annan 2 konponan. Dan sa lannen nou pe demann, *well* nou pe met \$2 milyon ki pou ganny zere par Labank Devlopman.

E sa dapre Lagreman ki nou annan avek *World Bank* nou pou bezwen kredi li le 30 Zen 2021. E i pou fer en total ki nou pou annan avek Labank Devlopman 8milyon *US Dollars*. Epi dapre Lagreman menm nou donn \$500 mil *SeyCCat*.

Epi anba nou *PSIP* i annan en sonm \$324mil ki sa i pas par Departman Finans kot nou pe fer en letid lo idantifye bann potansyel lo Sekter *Marine bioechnology*. Mersi.

MR SPEAKER

Mersi *PS*.

DESIGNATED MINISTER
JEAN-FRANCOIS FERRARI

E larestan Onorab. Se pou *management* departman li menm. Mersi.

MR SPEAKER

Wi Onorab Gill.

HON CHURCHILL GILL

Mon dernyen kestyon sete, ki bann retonbe pei i espekte benefisye avek? Mersi.

MR SPEAKER

Mersi Onorab. Minis.

DESIGNATED MINISTER
JEAN-FRANCOIS FERRARI

Mersi. Briyevman Onorab. Sa bann sonm se pou nou *loan out*. E i annan menm e pe ki bann *Grants*. So bann sonm ki'n pas atraver *SeyCCat*. I annan, ou a koriz mwan si mon mal *PS*. Se bann pti *Grants* ki sa lorganizasyon i fer pou devlopman dan Sekter Lekonomi Ble, dan resers, dan bann letid e bann proze similar.

Donk sa i devret *translate* dan *actions on the ground*. Bann proze ed zot devlope dan *Aquakiltir*, dan tou sa bann keksoz se nou, nou vin en sours

finansman pou sa bann antreprenner. Mersi.

MR SPEAKER

Mersi. Onorab Naddy Zialor.

HON NADDY ZIALOR

Mersi Mr Speaker. Dan konteks bann proze ki Lekonomi Ble pe koz lo la. Mon ti anvi petet demann avek Minis ek *panel*, apard ki sirtou lo bann zil. Apard ki elevaz kanmaron eski zot pe regard bann lezot potansyel dan sa laliny pou bann lezot zil elwanye?

Epi mon pa konnen si sa pou lyez avek zot oubyen si *SFA*. Apart proze labatwar dan distrik Grand Anse Mahe ti osi annan en proze pilot pou *Aquaculture*. Eski i ankor lo latab? Mersi.

MR SPEAKER

Mersi Onorab. Minis.

**DESIGNATED MINISTER
JEAN-FRANCOIS FERRARI**

Onorab ou premye kestyon sete enn ki konsern devlopman lo bann zil, se sa? Nou pe ankouraz tou kalite devlopman ki relye avek Lekonomi Ble. E Lekonomi Ble i pa zis lapas, me i touris, i transpor lo lanmer. I tou sa bann keksoz ki relye avek losean. E alors lo ban zil elwannyen, nou pou osi pran en

par aktiv dan ankouraz bann devlopman ki i annan pou fer dan tou sa bann sekter.

E deza *IDC* pe relans en pti proze *Aquaculture* Coetivy. I annan mon krwar 3 sa bann basen ki zot in remet an mars. E nou anvi tre byento ouver lespas pou bann lezot dimoun ki anvi, si i annan bann proze ki lye avek Lekonomi Ble, pou zot kapab antre e fer bann devlopman.

I en sekter ki *vast*. E i annan bokou konponan ladan e mon santi ki Gouvernman a lekout nenport proze. Nou ava sey gid sa bann devloper pou fer sir ki zot kapab reisi. Mersi.

MR SPEAKER

Mersi Onorab. Mersi Minis. Onorab Cosgrow.

HON WALLACE COSGROW

Mersi Mr Speaker. *Welcome* tou bann nouvo manm ki'n vini avek Minis bomaten. Mr Speaker, *Blue Economy* in ganny refer koman the *new frontier*. Mon en pti pe dezapwente lefe ki *Blue Economy* i ganny met anba Minister Lapes.

Pou mwan *Blue Economy* parey Minis on dir i pa zis lapas. I annan tou sa ki pou fer avek losean. *Management of* losean, biznes loportinite dan losean.

So *anyway* in ariv anba Minister Lapes, pou lemoman i la nou bezwen fer li marse.

Lenportans *Blue Economy* pou Sesel e bann pri zil osi parey Sesel, i enn ki tre o. Akoz nou bann pti zil me selman nou bann gran leta losean.

Mr Speaker, an dizan sa mon ti a kontan konnen ki manner *PS or* Minister Departman pou *operate* la avek lefe ki zot retrouv zot dan en Minister, dan plas asiz anler parey i ti ete avan anba Biro Vis- Prezidan. E kot ti annan en *over view of sa, the cross-cutting nature of Blue Economy*.

Ki manner zot pou kapab resitye zot? E ki manner zot kontiny sa bann sinerzi ki ti annan avek bann lezot lazans Minister ki direktman annan lyen avek Lekonomi Ble? Sa i mon kestyon Mr Speaker. Mersi.

MR SPEAKER

Mersi Onorab. Minis ou a komanse oubyen ...?

DESIGNATED MINISTER **JEAN-FRANCOIS FERRARI**

Wi mersi Mr Speaker. Mr Speaker mon ti a kontan koriz Onorab. Personnelman mwan mon pa krwar poudir i ti pe mars pli byen avan. Wi i ti anba Vis-Prezidan. Me selman dapre

manner mon konpran sityasyon se ki Vis-Prezidan ti annan telman keksoz pou li fer ki Lekonomi Ble ti zis en zoli departman, en zoli tit la me selman napa bokou keksoz ki'n ganny fer.

Ti annan en komite, en *High Level* Komite lo *Blue Economy*. Finalman apre nou war in aret fonksyonnen. Ki nou, nou krwar dan sa ladministrasyon se ki tou keksoz i bezwen annan en laplikasyon. Savedir i bezwen antre dan en keksoz ki konkret.

Parey mon'n dir toultan, lagrikiltir pa devret per lanvironnman. Lanvironnman pou ed lagrikiltir devlope dan en bon fason. *Tourism* pa devret per Lanvironnman. *Tourism* i devret devlope, lanvironnman i devret montre li ki manner pou devlop byen.

Lekonomi Ble osi i parey. Vi ki i annan pou fer avek losean. E bokou bann devlopman ki pe ganny fer otour e dan losean. E *on the seabed*, i annan pou fer avek lapes.

Donk pou mwan i en maryaz en pe ideal. Me selman enn pa pe detri lot. Lekonomi Ble i donn nou sa fason fer, e i ankouraz sa Lendistri Lapes. E se sa ki mwan mon anvi war. E mon kontan pou raporte ki

bann spesyalis bann administrater, bann teknisyen dan Departman Lekonomi Ble pe al dan sa direksyon.

Dan direksyon annan en laplikasyon konkret dan larealite nou lavi. Pou ki Lekonomi Ble pa zis reste en keksoz ki ou al koze dan en gran konferans laba deor. Pou fer en gran *speech*, apre tou dimoun ler ou tournen, dimoun i demande, “be ki in dir laba deor?”

Non, non. Larealite lo teren nou aplik li byen, nou fer sir ki tou keksoz i mars dan en fason kordinen. Mersi.

MR SPEAKER

Mersi Minis. Onorab Esparon.

HON REGINA ESPARON

Mersi Mr Chairman. Mr Chairman, Minis mon’n remarke ki dan ou Bidze i annan *Grant* ki zot in ganny ek *ADB*. Eski i annan ankor bann lezot lasistans ki zot in gannyen ki pa pe reflekte dan sa Bidze avek lezot bann *donors* enternasyonal?

Si wi. Lekel bann lot *donors*? Akoz i pa pe reflekte dan sa Bidze? E dan ki fason zot anvizaze servi sa *Grant*?

Dezyenmman, *office rent* in desann, eski sa i akoz zot in redwir lakantite lofis ki zot pe

servi? En pti pe leksplikasyon silvouple.

MR SPEAKER

Mersi Onorab. PS.

PS KENNETH RACOMBO

Mersi Onorab. Onorab annefe wi nou’n ganny enn de lasistans dan lannen 2020 avek bann *International Cooperating Partners*. Si mon pou nonm en pe, par egzanp nou annan *Indian Ocean Rim Association* ki zot, zot in ed nou pou met *ocean literacy* dan *school curriculum S1 to S4. The science curriculum.*

Nou'n osi ganny lasistans avek *European Union*. Zot, zot in ed nou *formulate and monitoring and evaluation framework*. E sa *basically* ki i fer, i idantifye tou bann aktivite ki annan dan Lekonomi Ble. E i osi endik bann *MDAs* kwa ki zot rol pou zot *pursue* sa bann *respective* aktivite.

E osi avek Linyon Eropéen zot in ed nou pou nou revwar nou *communication plan*. Nou'n osi ganny led avek *Commonwealth* pou zot *review* nou bann *base points*, avek *base lines*. Nou'n fini fer sa legzersis, me selman ou bezwen en lorganizasyon enternasyonal pou zot *vet*.

UNDP i pe ed nou avek nou *GMA Project*. Nou osi annan en striktir resers devlopman sa *through* Gouvernman Franse. E zot, zot pe nou pou prodwir en seri dokimanter lo bann laspe kle pou *Blue Economy*.

Nou annan *US* ki zot, zot pe - *US meaning United States*, zot, zot pe ed nou pou konplimant sa proze *Marine Biotech*. E osi nou annan *UNICA* ki parey ou konnen nou annan *Blue Economy* i annan li en *roadmap*. Zot, zot in *translate that to an action plan*. So nou ti ganny sa lasistans lannen pase. E pou lemoman se tou. Mersi.

MR SPEAKER

Wi Onorab Esparon ou ti annan en lot bout kestyon?

HON REGINA ESPARON

Wi Mr Chairman. Lo kote *rent* ki mon'n dir zot mon'n war i desann, si zot in redwir kantite lofis. Epi en kestyon lo sa ki *PS* in dir nou, aköz ki sa pa'n reflekte dan zot Bidze? Eski aköz zot pa ankor garanti zot pe al gannyen oubyen zot lo petet ek sa bann *Grant*? En pti lesplikasyon silvouple. Mersi.

MR SPEAKER

Mersi. *PS* ou a kontinyen.

PS KENNETH RACOMBO

Ok. par egzanp i annan ki i a direkteman reflekte dan nou Bidze. Mon a donn ou en legzanp, parey pou Linyon Eropeen li i pou reflekte anba Bidze '*Trade*', kantmenm nou ki'n negosye. Aköz Linyon Eropeen in donn nou sa pou *facilitate* lakor partenarya ekonomik.

E ou pou *agree* ek mwan ki *Blue Economy* i en *key* sekter, so nou sa finansman i reflekte anba Bidze '*Trade*.'

Lo kote *rent*. Vi ki nou'n bouz ansanm avek Departman Lapes anba en sel Minister, so nou'n fer en *saving* kot nou'n *move from Oliaji Building to Maison Collet*. E sa i vin en rediksyon sibstansyel lo nou *rent*. Me selman nou annan en biro ki nou pe lwe Providence, e sa i *host* detrwa, *well* 3 sekretarya enternasyonal ki tonm anba nou ziridiksyon. Mersi.

MR SPEAKER

Mersi *PS*. Onorab Monthy.

HON PHILIP MONTHY

Mr Speaker, tou le trwa mon kestyon in ganny demande. Mersi bokou.

MR SPEAKER

Tre byen mon kontan, mon apresye. Onorab Bistoquet.

HON ROSIE BISTOQUET

Mersi Mr Speaker. Bonzour Minis ek ou delegasyon. An traver ou Mr Speaker, Minis mon remarke ou Bidze program (1) i annan en gran diferans konpare avek lannen 2020. Kot i annan apepre *R54 thousand million*, ki mon war i an plis, petet akoz sa?

Aprè dezyenm dan ou ‘*constrains.*’ Mon remarke ki ou met sa enn dernyen *there is a problem in regards to ‘unconducive investment landscape.’* Prezan mwan mon ti a kontan demann ou Minis, ki fason ou ti kapab vir sa sityasyon, pou fer li vin en pli gran loportinite pou Sesel? Mersi.

MR SPEAKER

Mersi. Minis ou pare?

DESIGNATED MINISTER JEAN-FRANCOIS FERRARI

Yes, mon ava pran sa dezyenm bout, ‘*loans not conducive.*’ Mr Speaker enn bann difikilte ki nou'n fer fas avek. Se ki menm si nou'n ganny bokou finansman ziska prezan en bon pe sa bann finansman pa'n kapab ganny *disburse.* E i annan menm en pli gran laliny

finansman, mon krwar se *Blue Finance*, pli gran laliny finansman ki li okenn proze pa'n ganny finanse anba sa laliny. E larzan i ankor la. E sa pou mwan i vremen en domaz. E nou'n pran tou bann mezir pou akseler sa bann *disbursement.*

E enn bann keksoz se ki nou'n re negosye bann *term* e kondisyon ki bann *borrowers* potansyel ti war poudir i en pe tro o. I en pe tro difisil, to lenter, *grace periods.* Nou'n re negosye sa, e la nou war, nou komans war en pe lenter ki pe rekomanse. E nou konfidan ki anba sa program *Fish Processing Zone*, pou annan bann *disbursement* ki pou ganny fer dan sa bann fon.

I vre ki lanvironnman pa ti tro apropiye akoz parey zot konnen bann fon enternasyonal ki, fason ki ou dil avek i vremen par ler tre, tre konplike. E bann kondisyon i ase sever. E i *ok.* Akoz i anpes koripsyon, i anpes labi. Me selman si i pa pou ganny donner ditou, plito nou pa gannyen. Akoz nou, nou ganny sa bann fon pou nou ed bann investiser.

Alors nou'n aziste avek lakor Labank Mondyal. Nou'n aziste sa bann kondisyon e nou santi ki la keksoz pe al debreye ase vitman.

MR SPEAKER

PS ou pou adrese?

PS KENNETH RACOMBO

Onorab si mon'n konpran byen ou premye bout kestyon, akoz sa *increase* sibstansyel anba program 1. Ou konnen sa bann larzan ki nou gannyen i vin an *forex*, e i vin an *US Dollars*. E ler ou *convert* li lannen pase avek, konmsi lannen pase i ti antre 2 milyon li. Me selman sa *rate* ki nou ti servi lannen pase i ti bokou pli ba ki sa *rate* ki nou'n servi sa lannen.

E osi i bon note ki ou'n demann mwan akoz anba *program 1*. I akoz sa bann aktivite ki reflekte anba *program 1*, ki *more or less* zer sa larzan. Mersi.

MR SPEAKER

Ok. Mersi. Onorab Samynadin.

HON KELLY SAMYNADIN

Mersi Mr Chair. Minis enn parmi zot bann priyore stratezik 2021/2023, se pou asir lentegrasyon apropiye pou bann zenn dan Gouvernman *Blue Economy*. Eski Minis i kapab elabor lo sa size, pou benefis bann zenn ki alekout. E pli prensipalman pou bann ki

annan en lentere partikilye dan sa domenn. Mersi.

MR SPEAKER

Mersi Onorab. PS.

PS KENNETH RACOMBO

Mersi Mr Speaker. Onorab ler nou ti negosye pou fer sa program *Marine Biotechnology* kot nou'n ganny sa larzan avek *ADB*, enn bann kondisyon ki nou'n ti met devan, i ki zenn i benefisye. Zenn avek madanm. *Ok*.

Dan sa program i pou *train* 100 dimoun ki potansyelman anvi investir dan sa sekter. E nou'n fer sir ki ladan 50poursan i enkli zenn ek madanm. Epi nou'n adres sa problem *to the, well 'sensitization of what is the Blue Economy to the core.'*

Nou'n demann lasistans *IORA* parey mon'n dir avan, pou enkli *ocean literacy* dan sa *science program* pou *S1* ziskan *S4*. *Ok*. Epi ki nou'n fer, nou ti en pe entansif lo nou program *sensitization*, me selman 2020 in en *challenge* pou nou kapab al *on the field, let's say*.

Me selman ki nou'n fer, nou'n kree en group zenn ki dan governans *Blue Economy*, e ki zot, zot kapab *lead* bann program ki al direkteman ver bann zenn. Mersi.

MR SPEAKER

Mersi *PS*. Onorab Mondon.
Ou'n pare?

HON TERENCE MONDON

Mersi Mr Speaker. Mon premye kestyon. Minis mon war en ogmantasyon dan zot '*other uses of goods and services*. pou *other service agreement*' sorti 426 mil pou vin 720mil. Si ou kapab eksplik nou akoz sa logmantasyon? E ki kalite Lagreman ki tonm anba la?

Mon dezyenm kestyon i lo sa bann *loan*. Mon konnen nou'n ganny *Grant* anba *Blue Economy* apre i annan sa bann *loan*. E i ale ziska 83milyon. Ki kondisyon sa bann *loan*? Kan nou sipoze komans re peye sa bann *loan*?

E mon trwazyenm kestyon i baze, par lefe ki sekretarya *Fisheries Transparency* i Sesel, eski sa i pe ganny siporte anba nou Bidze? Si se menm ki *fund* sa sekretarya?

Epi sipoze annan en rapor *first quarter* sa lannen lo *transparency*. Ki mon konnen Minis dan son *interview* osi in koz lo la, sa *Fisheries Transparency* ki enportan pou soustenabilite lapas. Eski sa rapor pe pare parey zot ti'n planifye pou sa premye *quarter* sa lannen? Mersi.

MR SPEAKER

Mersi Onorab. Minis.

**DESIGNATED MINISTER
JEAN-FRANCOIS FERRARI**

Mr Speaker mon ava demann Mr Michaud pou koz lo sa dernyen bout ki vreman enportan. E apre *PS* i ava *takeover*. Mersi.

MR SPEAKER

Tre byen.

**CONSULTANT PHILIPPE
MICHAUD**

Bonzour Mr Chairman. Bonzour Onorab. E mersi bokou pou sa kestyon. Konsernan *FiTI*, son *Headquarters* i baze Sesel. E Gouvernman i furni 2 biro epi enn *administration assistant*. Epi i donn diferan sipor. Me selman pa sipor neseserman finansye.

E tou son bann lezot *staff* i ganny finanse par bann fon totalman eksteryer, bann fon totalman eksteryer, bann don totalman eksteryer ki sa lorganizasyon i negosye. Sa *FiTI* in travay ek en konsiltan Seselwa, e in travay lo en rapor ki apel *Seychelles FiTI Report*. Ki'n ganny prezante devan bann *stakeholders*. Bann manm sa lorganizasyon Sesel ki

apel *National Multi-stakeholder Group*.

E zot in, la in *start* ou kapab dir son *final draft*. In annan enn de ankor pti modifikasyon pou fer, e zot in vin osi ek bann rekomandasyon. Akoz lenportans pou sa se ki i annan Gouvernman, i annan lendistri, epi i annan sosyete sivil, ki ansanm zot get tou sa bann lenformasyon.

Akoz i annan en kantite lenformasyon ki Gouvernman i bezwen fourni. E souvan sa bann lenformasyon i pa fasilman aksesib. I annan detwa lenformasyon ki pa egziste. E i annan bann retar osi, e annandler lenformasyon i en pe difisil pou konpran.

Donk sa rapor pou ganny terminen disi lafen Mars. E pou ganny prezante an Avril pou en *big launching* sa rapor. Mersi.

MR SPEAKER

Mersi.

DESIGNATED MINISTER JEAN-FRANCOIS FERRARI

Mr Speaker, mon anvi zis azoute ki pou nou sa i en keksoz enportan akoz nou anvi ki lemonn antye i konnen poudir nou napa naryen pou nou kasyet. *FiTI* se *Fisheries Transparency Initiative*. Nou pa

anvi kasyet naryen dan lapes nou. Kote pwason i sorti, lekel ki lapes li, ki kalite lasenn nou servi, ki mannyer i desann.

Nou anvi en lapes ki konpletman transparan. E parey mon'n dir toultan, sanmenm swa nou'n *welcome FiTI* pou li pou annan son baz Sesel. E nou anvi prezan dir avek larestan lemonn ki pe dir nou ki nou pe mal lapes, nou pe tro lapes, pou nou dir nou, omwen nou montre zot, nou ouver nou montre zot tou keksoz. Al en kou laba Iran, annou al en kou dan Pakistan, dan Lenn, dan nor laba partou. Al gete si ou pou gannyen sa bann lenformasyon.

Kot nou ou gannyen. E i enportan ki nou kontinyen travay dan transparans, lo tou sa ki annan pou fer avek Lekonomi Ble. Mersi.

MR SPEAKER

PS ou ti pou adres en bout?

PS KENNETH RACOMBO

Onorab pou reponn ou bann premye bout ou kestyon. Parey ou kapab okouran nou anmas bokou data lo bann resers ki ganny fer dan nou losean. *Ok*, nou annan bann sistenm, bann lekipman *quite* sofistike ki nou'n gannyen avek *UNDP*. Me selman malerezman nou napa

bann zofisye oubyen bann teknisyen, kalifye dan departman pou kapab read sa bann data.

E noun fer en *request* pou nou *recruit through consultancy, meaning through service agreement*, pou nou kapab rod kekfw a en *expert or de* pou get sa bann data e analize e sey donn nou en lendikasyon kwa ki nou annan dan nou losean.

E pou ou dezyenm kestyon. Nou ti *raise en Bond on the capital market*. E i matir an 2028. Savedir an 2028 nou pou pey 5 million 2029, another 5, and then, 2030 another 5. Pou lemoman nou pe zis pey son *interest* lo la. Mersi.

MR SPEAKER

Mersi PS. Onorab Lemiel.

HON SYLVANNE LEMIEL

Mersi Mr Chair. Bonzour Minis ankor enn fwa ek ou delegasyon. Ler mon pe regard zot bann *challenges*. *Bullet point number 1*, Minis in tous en pti pe lo la li. Lo kote '*disbursement of Blue Investment Fund*, lo kote bann finansman ki zot gannyen anba *Blue Finance*.

Mwan mon kestyon se ki mon ti le en pti pe plis lenformasyon lo kote sa bann *challenges* ki zot ti pe gannyen.

Me parey mon'n dir Minis in tous enn de. Me si ti annan ankor detrwa pou fer nou konnen.

Apré osi mon vwar osi ki zot dir ki i annan en problem lo kote *limited knowledge* ek *awareness* par bann dimoun lokal. Lo kote petet *Blue Economy* li menm. E petet i kapab osi lo sa bann *funds* ki pe ganny donner. Ki mannyer zot pou *access*. En pti pe lo la, ki petet zot ou pe fer? Or dan sa Bidze, eski pe annan provizyon pou ed zot pou zot kapab travay or annan bann *sensitization program*?

Either lo televizyon mon pa konnen si zot pou zwenn avek bann dimoun lo nivo distrik. Mon konnen ki zot in deza zwenn e partisipasyon ti vremen pti git. Ki zot pe mazin en pou zot fer?

E PS ou'n tous lo, mon ti pe vin demann zot kantite *staff* ki zot annan. Parkont mon'n tann ou dir atraver *consultancy* zot pou sey al *recruit* enn oubyen 2 dimoun pou ed zot. Me eski sa bann *staff* ki zot annan la i pou ase pou ed zot pou zot kapab *sort out* en pe sa bann *challenges* ki zot e dir zot annan? Mersi.

MR SPEAKER

Mersi Onorab. PS.

PS KENNETH RACOMBO

Mersi Mr Speaker. Onorab ou premye kestyon bann *challenges* pou akse sa fon. Parey avan pou en biznes kapab *make use of* sa fon, i ti pou bezwen annan li 2an loperasyon. So nou'n re negosye avek *World Bank*, sa in nepli. Ok avan pou ou kapab akse sa fon ou ti bezwen met ou 20 poursan kontribisyon. Sa osi i nepli.

E osi avan nou ti annan en bon pe demann pou *working capital*. Ok? Me selman Lagreman ki nou ti annan pa ti *facilitate* oubyen pa ti'n *allowed* pou donn *working capital*. La *working capital is on the table*, e ou kapab demann *working capital* pou sa fon *up to* R3 milyon. At en lentere 2 poursan. E nou fek finaliz sa bann nouvo kondisyon avek *World Bank end of January* sa lannen.

Ou dezyenm kestyon, wi Onorab mon pou admet ki oparavan ler nou pe get kominikasyon, nou ti pe tant pou kekfwa en *challenge from* nou *end* nou ti pe adres plis bann *academia rather than* popilasyon an zeneral.

Me ki nou'n fer ler nou'n *merge* avek Departman *Fisheries*, nou'n pran tou nou bann zofisye ki dil avek

kominikasyon e nou'n fer en komite. E revwar ki mannyer nou dil avek kominikasyon dan, konmsi pou *the general public*. E parey ou dir wi nou ti pase dan bann rezyon pou nou donn en *talk* lo ki mannyer pou servi *Blue Finance*, me selman i pa ti, i ti napa sa lenpak.

Me selman parey mon pli krwar i ti relye avek bann kondisyon, ki ti annan then rather than avek lenpak ki sa fon i atrakte. Akoz si ou pou get lo sa *component Grant* nou'n *disburse* konmsi demann i bokou plis ki fon ki *available* lo sa *component rent*, ki ganny *manage* anba *SeyCCat*.

E dan departman Onorab nou annan nou 11 *staff* avek diferan *background* e mon pou admet ki vre napa personn ki annan *really* en *background* ki relye direkteman avek *Blue Economy*. Me selman vi ki *Blue Economy* i annan sa laspe milti-sektoral, nou sey konplimant kanmarad, e anba presyon resours finansyel apre Resours Imen pou 2021. E kwa ki nou anvi *achieve* pou sa lannen, mon krwar *we good to go for at least* sa lannen. Pou nou devwal lo nou bann manda ki nou'n ganny *handout* lo nou. Mersi.

MR SPEAKER

Mersi Onorab Andre.

HON CLIFFORD ANDRE

Mersi Mr Chair. Bonzour Minis ek ou delegasyon. Minis mon kestyon i lo SP2. Delimitasyon zone maritim i lakle okenn potansyel ki annan dan nou zone maritim. Alors mon premye kestyon se letan mon pe get Bidze, in sorti 3.2 in desann 2.4, so en rediksyon 1 milyon. E mon pa krwar si sa i baze pirman lo *rent*. Mon ti a kontan en lesplikasyon la.

Aprè letan nou pe get lo paz 70, latab 4. Latab 4 dan SP 2 i dir nou ki limero 1, '*Increase number of opportunities for request and scientific research in our Maritime's space.*' E letan nou get 2021, 2020 *sorry*. 2020 ti annan 4, e 2021 i reste 4. Be solman nou'n dir lo *increase*. Akoz nou pa pe *increase* la? Akoz avan 2019 ti 5, in desann. Aprè 2022 aparaman i pou mont 500 aktivite.

Mon lot kestyon se, an referans ek menm zafer dezyenm pwen. I dir ou '*percentage increase or investment in our maritime space.*' I pou sorti 60poursan pou li mont 80poursan. Ki bann retonbe ekonomik ki sa pou annan e ki kalite lenvestisman nou pe mazen pou annan dan nou lespas maritim?

I an referans avek sa mon trwazyenm pwen, '*Increase number of activities and engagement to manage Seychelles international maritime space,*' nou reste 4. Konmsi mon ti a kontan konnen vi ki sa delimitasyon i primordyal pou okenn antite, menm lapès, i tonm dan sa bann, nou *extended* plato. Nou *extended continental shelf* ki nou pe - mon war ladan in mete ki nou pe *technical team*.

Pou donn prominans pou li defann sa soumisyon ki nou'n mete avek UN. So mon ti a kontan konnen ki nou pe fer? E akoz nou deza an retar, mon leksperyans nou deza an retar. So eski nou'n ganny en kominikasyon avek Lanbasad Sesel, *New York* lo sa demann pou nou *extend* sa letan? Mersi.

MR SPEAKER

Mersi Onorab. Minis lekel ki pou? Wi Mr Michaud.

CONSULTANT PHILIPPE MICHAUD

Mersi Onorab. Ou annan en kantite kestyon. Mon pou esey reponn laplipar me PS i ava kapab antre si mon manke. Nou annan en gran EEZ e nou kapab dir an se moman ki gran parti nou EEZ in fini terminen son delimitasyon. Me sirtou kote

dan sid nou annan serten problem akoz nou balizaz ek ban pei ki bann *zone* i ganny konteste.

Setadir i pa neserman pou atase ek nou, me sirtou si ou al ek en pei (a) i pou dir ou be pei (b) li osi i ape konteste sa *zone*. Donk nou bezwen vey lokazyon kan sa de pei pou kapab plizoumwen dakor koman nou pou al an avan. Akoz i pou anbarasan si nou al negosye ek en pei ki byen ek nou e lot pei ki byen osi ek nou i dir ou sa *zone* pou mwan. En pe konplike.

Konsernan bann *territorial seas, contiguous zone*, sa nou ape demann lasistans ek *Commonwealth*. La mon krwar nou pou finaliz sa ek Gouvernman.

Konsernan *prolongation of continental shelf*. Mon konnen *northern plato* in fini ganny aksepte. E lannen pase ti annan Lezislasyon ki'n fer dan nou prop Lezislasyon pou konfirm sa.

Konsernan *Aldabra region*, kot i annan sa *prolongation of continental shelf*. La nou napa ase lenformasyon pou nou kapab al lavan. E *comme* se bann lenformasyon ki kout en kantite larzan, nou bezwen osi gete e ki pei ki pou kapab ed nou petet

kan sa bato resers i pas dan sa *zone*.

Epi konsernan, mon konnen nou annan *joint management area* ek *Maurice*. Malerezman ek *COVID* i pa ti, i annan en kantite aktivite ki pa'n al lavan. Nou ti'n annan en konpanyen ki ti pou fer sa *seismic* pou petrol. Me malerezman sa Kontra in, pa neserman in kase. In senpleman *lapse*.

E la nou ape esey negosye ek en lot konpanyen ki pou kapab enterese ek sa. Donk sa si i marse i a zener en bon pe larzan pou sa *joint management area designated authority*.

Mon krwar mon pa'n reponn tou me si i annan bann bout ki.....

MR SPEAKER

PS ou santi ou bezwen azoute? *Ok*.

PS KENNETH RACOMBO

Onorab ou kekyon akoz i annan en *decrease* dan sa Bidze. Dan nou plan nou ti sipoze fer en *symposium* pou *GMA*. E parey ou konnen sa pa pou kapab materyalize. So nou'n pa'n war li pridan pou nou met li dan Bidze kan nou konnen nou pa pou kapab fer li 2021.

E i ti sipoze lannen pase, me selman *to be on the safe side* plito nou fer li pli tar. Akoz osi tou nou bann problemm *GMA in more or less* en pe ralanti, *following the current challenge* ki nou pe dil avek. Mersi.

MR SPEAKER

Wi Onorab Andre.

HON CLIFFORD ANDRE

Mersi. Mr Speaker i annan 2 kestyon ni Mr Michaud, ni *PS* pa'n tous lo la. Sa logmantasyon 80poursan dan *increase investment in our marine space* ki retonbe. E ki nou pou gannyen ladan?

Aprè sa, mon ti'n demann sa, ti annan *extension* pou *submission*;- *defend the submission*, zot pa'n dir mwan si nou'n ganny rezilta. Akoz dernyen *meeting* ki mon ti annan ek zot, zot pa ti'n ankor gannyen. So si zot in ganny rezilta sorti *New York* kot Lanbasad Sesel ki Nasyon Ini in aksepte sa oubyen non? Mersi.

MR SPEAKER

Mersi. Minis lekel ki pou pran?

CONSULTANT PHILIPPE MICHAUD

Onorab petet mon kapab pran se dezyenm bout konsernan sa ekstansyon. Anfen dapre

dernyen lenformasyon mon'n gannyen *c'est que* napa problemm dele en? Me nou a re konfirm ek *New York* pou gete si tou zafer i korek. Mersi.

MR SPEAKER

Wi *PS* ou'n terminen? Byen, nou a pas lo Onorab Labrosse.

HON RICHARD LABROSSE

Bonzour Mr Speaker, bonzour Minis ek ou delegasyon. Mon annan en pti kestyon lo konsernan, mon'n remarke ki devlopman sa sekter i bezwen resours ek bann *skills* tre teknik.

E mon'n vwar zot alokasyon lo dan '*wages and salaries*'. Mon'n konklir ki sa departman i annan en fonksyon vremen anbisyè, sirtou lo sa sekter ki nou pe koz lo la, la.

Mon ti a kontan si *PS* ti kapab donn nou en apersi lo son resours imen ki dan gouvènanans Lekonomi Ble.

E mon dezyenm kestyon Mr Speaker vi ki semenn pase, nou ti annan en gran deba lo sa zafer ansyen Lofis Prezidan. E mon'n vwar ki i annan en ansyen Prezidan ki annan en gran lentere avek sa sekter, sa se Prezidan Michel, ki'n menm kree en Fondasyon. E mon ti a kontan ki si *PS* ti kapab dir avek

Lasanble si i pe ganny okenn lasistans koman, dan biro ansyen Prezidan lo sa domenn e ki pe ed zot dan zot louvraz, ouswa i annan bann lezot louvertir ki i fer pou Sesel lo la? Mersi.

MR SPEAKER

Mersi Onorab. Minis.

MINISTER JEAN-FRANCOIS FERRARI

Wi mersi Onorab. Lo sa dezyenm pwen, i pa zis ansyen Prezidan Michel ki'n montre lentere dan Lekonomi Ble, me osi ansyen Prezidan Faure. E mon kapab dir ou ki koman en Gouvernman nou ofer tou bann lasistans teknik. Okenn ansyen Prezidan oubyen okenn personaz Seselwa ki demann nou pou zot al reprezant Sesel, oubyen pou zot al koz en pe lo lapar Sesel dan bann *forum* enternasyonal.

E nou fek fer li dernyerman pou ansyen Prezidan Faure. Kot Departman Lekonomi Ble in prepar en papye pou li. Donk nou fer sa dan lespri ki nenport Seselwa ki annan en kontribisyon pozitiv pou li anmennen, i pa kout nou nanryen pou le moman. E nou fer li. E si ou, ou demen ou ganny sa sans, sa loportinite,

ou ganny sa lenvitasyon, nou ava fer li pou ou e pou nenport lezot Seselwa. Sa i lo premye pwen.

MR SPEAKER

PS.

PS KENNETH RACOMBO

Onorab si pou azoute, parey ou konnen, Prezidan Michel anba son ladministrasyon, li ki ti *spearhead* devlopman *Blue Economy*. *So through* son Fondasyon nou'n deza siny en *MOU* avek li.

E zot ti vreman aktiv ler nou ti pe *formulate* nou *roadmap* avek *Commonwealth*. E ti annan *obviously* sa lannen pou napa epi lannen presedan ti napa. Me selman an 2019 ler ti annan *the Abu Dhabi Sustainable Week*, Prezidan Michel ti ganny envite personnelman. E ki i ti *initiate* li, en delegasyon dan governans *Blue Economy* i asiste.

E laba lo bann platform ki li i ti partisipe i ti met delegasyon Sesel ansanm avek li. E osi i bon note ki avek en *philanthropist* en bilyonner sorti Lanmerik, nou ti pe organiz ki en bato resers i vin Sesel, pou fer en seri dokimanter lo ki i

annan otour nou bann zil ki *around* Aldabra.

So epi finalman zot pe, James Michel *Foundation* pe fer en letid lo bann *carbon sink*. E *obviously* zot bann *finding*, zot pou anvoy kot nou. Akoz i bon note ki nou, nou rol i kordinasyon. E nou travay avek tou bann sekter ki *involve* dan lenplimantasyon *Blue Economy*. E pou mwan i annan lespas pou tou dimoun. So nou travay ansanm pou nou pous sa azanda.

Ou'n demann mwan lo resours imen. Zis pou donn ou en apersi, mon annan 11 *staff* teknik avek diferan *background*. I annan ki dan antropoloji, i annan ki'n *study Maritime Law*, i annan *teacher*, i annan ki'n *study Business Administration*, mon en *economist by - well* mon'n *study economist*.

So ansanm nou sey met sa bann resours pou fer, pou fer sa lazanda *Blue Economy* marse. Akoz parey mon'n dir ou, nou, nou dan gouvènan. E anba parey mon'n dir avan, pou reponn kestyon Onorab Lemiel, anba en sityasyon kot nou napa ase resours finansyel, nou travay ansanm, e mon kapab konplimant mon lekip, nou *still* travay ansanm pou

nou delivre lo nou manda ki nou annan pou 2021. Mersi.

MR SPEAKER

Mersi. Mon pou pran dernyen kestyon sorti kot Onorab Pillay.

HON SEBASTIEN PILLAY

Mersi Mr Speaker, Mr Chairman. Bonzour *Designated Minister* avek ou lekip. Mon kestyon mon al direk ver sa bann *Grants* ek sa bann *loans*. *According to* lenformasyon ki ti annan 2017, nou ti sipoze ganny nou \$5 milyon anba *International Bank for Reconstruction and Development*.

Ti annan en matirite 20an en *grace period* 10an. Ti annan en *GEF loan*, *Global Environment Fund* \$5milyon ekivalan. Apre ti annan en *Grant*, \$5.29 milyon ekivalan.

Prezan ler mon pe get dan nou Bidze, nou'n met tou sa bann *loan* anba nou Bidze. Ziskan la, konbyen, depi 2017 nou'n ganny, nou'n sipoze annan sa bann fasilite - ziska la konbyen dan sa bann fasilite ki'n ganny servi pou bann proze an relasyon avek proteksyon oubyen an relasyon avek devlopman, oubyen anmenn *value addition* dan bann aktivite Lekonomi Ble?

E dezyenmman mon war osi anba la, anba sa bann, anba sa Bidze, i annan en konponan larzan ki nou'n mete pou fer ki i ava annan devlopman bann *MSMEs, Medium, Small Enterprise* eksetera, *value chains, ok?*

E la mon vwar en logmantasyon 7.3 - 7.4milyon *ok*. Kot nou pe sorti 3.4 milyon pou nou vin 7.4milyon. En logmantasyon 4milyon. Eski Minis i kapab dir nou sa fasilite la ki manner i pe ale, ki manner i pe ganny zere?

E si bann dimoun ki ti sipoze ganny akse ek sa bann fasilite pe kapab ganny akse avek parey nou'n *set out*.

Akoz konsern ki i annan, se ki atraver Labank Devlopman i annan en *interface* ki egziste kot *SFA* osi i *involve* dan *signing-off* lo sa bann proze oubyen sa i en keksoz totalman separe? Mersi Mr Chairman.

MR SPEAKER

Mersi. *PS* ou ava pran sa.

PS KENNETH RACOMBO

Ok. Onorab, so sa pou sa *value chain* i *Small, Medium and Micro Enterprises*. I, sa proze fek komanse 2021 e nou dan prosedir pou *recruit* bann konsiltan.

Sa bann konsiltan zot pou al idantifye ki potansyel Sekter *Marine Biotechnology* i annan Sesel. So i fek komanse la sa lannen. *Yes* i *appear* dan nou Bidze lannen pase, me selman nou pa'n servi sa *fund* lannen pase. Pou kekfwa pou lenformasyon, an total nou ti gannyen *grant* 0.8 *US million* milyon *from ADB*.

Lo ou premye kestyon, bout ki relye avek Departman Lekonomi Ble i sa \$15 milyon ki nou'n gannyen pou *Blue Finance*.

Parey nou'n dir avan, sa 12 milyon pa ankor touse. Me selman lendikasyon ki nou annan from *DBS*, i ki bann demann ki annan pou sa fasilite i deza in ariv 12 milyon.

Me selman nou pa ankor ariv lo sa bann prosedir kot, konmsi *the added initial*, nou annan zis laplikasyon *for the time being*. Nou pa ankor *process* sa bann *loan*.

Me selman dan sa 15 milyon konbyen nou'n depanse, i zis 1.5 milyon ki nou'n donn *SeyCCAT*. Akoz sa proze 2021 i lanmwatye son *lifespan*. Mersi.

MR SPEAKER

Mersi. Onorab Pillay wi. Minis ou annan en repons, wi?

MINISTER JEAN-FRANCOIS FERRARI

Non, non Mr Speaker. Mon ti anvi zis senpleman dir ki i nou konsyan poudir i regretab ki sa bann fon pa'n ganny *disbursed*. E parey mon'n eksplike pli boner, i annan plizyer rezon.

E nou'n fasilite tou, nou'n fasilite, non mon pa ti lo komite mwan. Mr Pillay ou ti lo *Komite* ou? Non. So, me selman nou'n fini akseler tou bann prosedir. E mon annan kantite konfyans ki keksoz pe al ganny arive byento. Mersi.

MR SPEAKER

Mersi. Ou a terminen, ale.

HON SEBASTIEN PILLAY

Mersi Mr Speaker. Mr Chairman mon konsern ki mon pe eksprimen, mon krwar Minis pou senpatiz avek sa ki mon pe al dir li. Lefe ki nou annan nou en kantite sa bann matirite ki pe ariv an 2027, 2028 e sityasyon ekonomik ki nou trouv nou ladan, eski Minis ou pa santi poudir i annan serten konponan dan sa bann *Grants*, malgre nou'n ganny zot, i probableman pou an deor nou kapasite pou kapab servi li konpletman?

E eski pa ti ava meyer ki i ganny *stagger over a longer*

period letan, e nou revwar sa *maturity period*? Akoz pa bliye, nou annan det entern pei ki sipoze dan pozisyon difisil ki i ete ozordi.

Nou'n ariv *around 90 percent ratio* avek *GDP*. E nou konnen poudir sa pou ogmante. Nou *still* annan sa size *Air Seychelles* ki ankor lo nou liv. Eski ou Minis petet mon ava demann ou osi pou klarifye.

Eski ou santi poudir sa larzan pou kapab ganny zere, pou kapab ganny servi *within* sa peryod letan, ki'n ganny *set out* parey in ganny mete dan sa dokiman? Mersi Mr Chairman.

MR SPEAKER

Mersi Onorab. Wi Minis.

DESIGNATED MINISTER JEAN-RANCOIS FERRARI

Mersi Mr Speaker. Mr Speaker mon, parey mon'n dir pli boner, i tris ki nou'n ariv dan sa sityasyon koumsa, ki sa bann *loan* pa'n ganny *facilitate* pou *disbursement*. I en sityasyon ki pa ti devret zanmen koumsa.

Me selman la i la sa ki mwan mon'n erite. E parey nou konnen, ler nou koz lo leritaz, nou konnen poudir nou'n erit osi en *debt to GDP ratio* 100 poursan, preski, 99poursan.

Me sa se bann keksoz ki nou'n erite.

E mon ti a kontan reasir Lasanble ki sa ladministrasyon ki la, i pe travay san en pozman pou fer ki sa bann keksoz ki pa'n arive, i arive prezan. E dan sa moman nou ladministrasyon i santi ki pou nou kapab relans lekonomi, dan nou program relans lekonomi, i enportan ki nou met kapital a dispozisyon bann investiser. I enportan ki nou mete. Akoz si non nou pou napa sa relans dan lekonomi.

Alors nou pou fer tou, mon krwar Mr Pillay, Onorab, mon krwar ki sa bann, nou pou kapab *disburse* sa bann sonm. Zot pou kapab ganny fer dan en fason korek. E mon krwar ki i esansyel ki nou fer sa arive. Akoz se atraver sa bann proze dan Lekonomi Ble, dan lezot sektor ki nou pou kapab, parey mon'n dir, relans lekonomi e remet Sesel lo son lipye. Mersi.

MR SPEAKER

Mersi. Avek sa nou a pas lo vot pou sa Bidze. Vot pou *Department of Blue Economy* paz 66 ziskan 71, pou en Bidze R144 milyon 627 mil. Manm ki an faver lev lanmen silvouple? Okenn ki kont?

Madanm Clerk. Bidze pou *Department of Blue Economy, pages 66 to 71, Budget R144*

million 627 thousand, in ganny 29 vot pour, 0 vot kont e 1 abstansyon. Alor mon deklare ki sa Bidze in ganny aprouve. Mersi. In ariv ler pou nou *adjourn*.

Mon a remersye bann zofisye Lekonomi Ble. Madanm Clerk nou a rebran nou bann laranzman pou 2er lo nou *schedule* labitid si ou kapab *manage*? E mersi Minis osi, akoz i, mon krwar pa si i pou la, i pa pou la ek nou apre midi. Mersi bokou.

DESIGNATED MINISTER **JEAN-FRANCOIS FERRARI**

Speaker.

MR SPEAKER

Wi.

DESIGNATED MINISTER **JEAN-FRANCOIS FERRARI**

Mon en pti pe dezapwente, napa, mon ti pe esper enn de kestyon en pe ...

MR SPEAKER

Ale. Minis pa bezwen dezapwente, ou'n ganny kestyon ki Manm i annan e mon krwar zis annou remersi ...

HON SEBASTIEN PILLAY

Non si i anvi detrwa kestyon, nou ti ava donn li Mr Speaker en.

MR SPEAKER

Annou remerci ...

HON SEBASTIEN PILLAY

Nou ti a donn li taler la ...

MR SPEAKER

Lakor ki in annan lo tou lede kote lasal pou aprouv sa Bidze e nou a swet sa departman bon travay. Mersi. Nou *adjourn*.

(BREAK)

**OFFICE OF THE
COMMISSIONER OF PUBLIC
PERSONS**

MR DEPUTY SPEAKER

Bonn apre midi tou dimoun. E nou zis prezant en pti leskiz pou sa pti retar ki nou'n gannyen. Donk nou pou kontinyen avek nou deliberasyon lo dan Komite *Stage* pou *Appropriation Bill*.

E apre midi avek nou, nou annan Ziz Bernadin Renaud, ki'n zwenn nou e nou pou regard Bidze pou *Office of the Commissioner of Public Persons*, ki *PS Damien Thesee* ou ava diriz nou ki paz i lo la silvouple?

PS DAMIEN THESEE

Bonn apre midi Mr Chair. I trouve lo paz 132, pou en sonm R324mil. Mersi.

MR DEPUTY SPEAKER

Ok. Donk nou ava ouver lasal pou kestyon. Onorab Sebastien Pillay.

HON SEBASTIEN PILLAY

Mr Chairman. Ou pe demann mwan pou demann kestyon, oubyen mon ti annan en pwen mon ti le *raise* Mr Chairman.

MR DEPUTY SPEAKER

En pwen oule leve, konsernan?

HON SEBASTIEN PILLAY

Mr Chairman. Bomaten mon ti *raise en matter of privilege*, ki mon ankor pe esper Speaker *rule* lo la.

MR DEPUTY SPEAKER

Onorab mon ava aret ou, mon ava aret ou la. I pa apropiye ki ou'n met en *request* devan Speaker ki pa la, la. So letan i vini sertennman i ava, li ki pe *deal* ek sa dosye.

Mwan mon ti laba bomaten, so dan son lozik. Ou konpran ki mon pe dir ou? So nou pou al direk lo kestyon. Savedir letan Speaker i vini ou ava lev sa size avek li. Mersi.

(APPLAUSE)

HON SEBASTIEN PILLAY

Mr Chairman.

MR DEPUTY SPEAKER

Okenn Manm ki'n lev lanmen, pou kestyon?

HON SEBASTIEN PILLAY

Mr Chairman, mon ava al direk lo mon kestyon. Selman mon bezwen dir pou dir, i avek i gras a respe ki nou annan pour Ziz Bernadin Renaud, ki osi *Chairman Human Rights Commission ...*

MR DEPUTY SPEAKER

Kestyon Onorab. Kestyon.

HON SEBASTIEN PILLAY

... ki mon kote latab pe kontinyen avek sa prosesis malgre ki i anba ou *Chairmanship*, Mr Chairman. E ki mon krwar mon *reiterate*, ou devret *apologize* avek Lanasyon Seselwa.

Mr Chairman mon kestyon pour Mr Renaud i koumsa, anba sa Bidze, ki ou'n gannyen. Eski sa Bidze pou permet ou pou delivre lo bann fonksyon ki ou departman, ki ou lofis i annan, sirtou par lefe ki annan en kantite, en kantite bann dimoun ki tonm dan sa kategori?

E ki mannyer ou kapab, amelyor nivo travay ki ou annan, pou asire ki piblik i annan akse avek lenformasyon, *regarding* bann deklarasyon bann *assets* ki tonm anba ou responsabilite? Mersi Mr Chairman.

MR DEPUTY SPEAKER

Ok. Avan ki Ziz Renaud i ganny laparol, Onorab Arissol, ti annan en pwen klarifikasyon.

HON SANDY ARISSOL

Wi Mr Speaker. Mon ti anvi zis dir ou met dan ou latansyon, poudir Mr Renaud pa'n fer en pti, parey nou dir en pti *summary* kekfwa pou donn nou en apersi avan ou ouver kestyon. Mersi.

MR DEPUTY SPEAKER

Wi, mon krwar. Avan ki i reponn kestyon Ziz Renaud nou ava envit ou, pour zis fer en pti rezimen lo sa lofis apre ou ava al lo kestyon, larepons pou kestyon *Leader* Lopozisyon.

JUSTICE BERNADIN RENAUD

Mersi Onorab Chairman. E bonn apre midi tou Manm Onorab.

Sel pti lentrodiksyon, apropiye ki mon panse ti a bon apre midi la, pou nou pa pran bokou letan, se pour atir

latansyon ki sa lofis i en nouvo lofis, fek kree, menm ki sa Lalwa ti pas depi 2016.

En keksoz ki mon remarke depi ler mon'n pran sa lofis, se ki son lenportans pa tro ganny apresye, pa tro ganny rekonnet. I paret ki, i ganny pran pou zis en dimoun i ale anmas bann form i met la, apre i rann bann form i pran lot form, i rann i ale vini.

Prezan letan ti pou fer sa mon demann mon lekor, akoz ki bezwen en dimoun, dan en kalib en *Ziz* oubyen *whatever*, pou al anmas sa bann form apre pou rann bann form, pou tourn ek form. Be sa ki mon anvi fer sorti byen e sa mal konpreansyon, petet i penetre partou. Ler nou pran li anba Drwa Imen, sak endividi i annan en drwa pou dinyite, i annan en drwa pou respe pou son lenformasyon personnel.

Sa i tre, trez enportan pou nou respekte. En Lalwa in fer ki obliz, i obliz serten kategori dimoun dan nou sosyete pou devwal bann lenformasyon. Pertinan, profon e menm petet konfidansyel pa zis pou li, pou son *partner*, osi byen ki bann dimoun ki reste avek li.

Sa bann form pa zis bann papye. Pou mwan mon anvi fer sorti, se bann lenformasyon, personnel endividyel, sansib,

tou sord pou bann dimoun dan sa kategori ki pe donn mwan sa.

Ki Manm tou Manm Lasanble Nasyonal zot bezwen donn sa, Speaker, Deputy Speaker, *Leader Government Business*, *Leader* Lopozisyon, Prezidan, Vis-Prezidan, Minis *Designate*, tou bann Minis enkli *Mayor* e zot deklar tou sa lenformasyon.

E mon krwar letan sa Lalwa ti fer, zot ti fer li zot menm dan Lasanble pou rekonnet, poudir sa dimoun ki pou atrap sa bann papye i merit zot respe, i merit zot konfyans e i merit annan sa valer pou zot aksepte pou zot devwal sa ki zot in devwale.

E zis sa ki mon ti oule dir, poudir i pa en lofis anmas papye, rod papye. Me mon pou pran sa zot *trust* zot in met dan mwan serten konfyans, e sa konfyans i bezwen al lo en nivo ki zot aksepte ki pa nenport ki zot pe donn lenformasyon avek.

Bon, prezan pou mwan lofis, depi ler mon konmanse an Zilyet, lannen pase ou'n pran serman, mon'n ganny bokou difikilte. E sa difikilte pa'n vin lo akoz okenn nanryen ditou sa, akoz sistenm. I annan en defayans dan sistenm ki mon ava dir zot pou lefitir. Ler lenstitisyon i kree, i kree, en

dimoun i ganny apwente pou sa lenstitisyon i fini lanmenm.

Parey sa drayver ou'n apwent li, ou'n donn li en bis, be dan son bis napa ni batri, ni *fuel*, ni nanryen. Pov li debout o bor son bis, me i sipoze sarye tou sa bann pasaze pou anmenn.

Sistenm ki en problem. E mwan letan zot ti apwent mwan pa dir Mr Chairman, mon ti ekspekte mon annan lasistans pou *set up* lofis. Mon pa konnen kote mon pou ale pou *setup* sa lofis. E dan mwan Lalwa i dir mwan, mon responsab avek Prezidan, Lofis Prezidan mon ti al vwar Prezidan.

E Prezidan ti dir mwan, be pran enn son, demann enn son travayer pou ed mwan, in konmans ed mwan avek sa. Mon pou eksplik sa, akoz i enportan letan nou *set up* lenstitisyon e son bann *ramification* i ganny panse pou fer li marse, e depi sa mon pe komans lager pou fer lofis marse.

Mon a dir zot, konn byen poudir mon napa en lofis. Sa telefonn mon'n pey dan mon pos, enn de fwa aprezan in aret marse. Ni son *email*, e tou sa bann keksoz ki'n fer mon pey dan mon pos. E i pa byen, me selman lefe ki mon annan en

respe pou mwan lekor, mon bezwen fer sa marse, sa lofis.

Me la i konmans pran laform, e ek sa morso larzan ki la, i annan bann depans ki mon'n fer, nou bezwen kouver bann dimoun ki pe anvoy mwan zot *bill*.

Nou pou bezwen, nou'n komanse selman. Minister Finans in komans ede pou pey bann keksoz, pou met organize, pou nou kapab komans ganny *computer* e mon ava dir zot *maintenant* dan, petet dan en mwan prosen, nou ava ganny en lofis petet, ek tou son bann enplikasyon.

Alors sa Bidze, i pou menm, i pou parey ti la pou sa lannen. Me mon krwar Minis Finans pou konpran mwan poudir i annan bann depans lannen pase, ki pou bezwen peye ladan.

Vwala se tou ki mon pou partaz avek zot, pou komanse. Mersi bokou Mr Chairman.

MR DEPUTY SPEAKER

Onorab Clifford Andre.

HON CLIFFORD ANDRE

Mersi Mr Chair. Mr Chair mon ti a kontan demann, *one second* mon zis. Mon ti a kontan demann Ziz Renaud, sa sonm larzan ki pe ganny *appropriated* pou 2021, konbyen *staff* e ou'n

dir la ki poudir posibleman lefikasite sa lofis pa pou kapab ganny *attend*.

Me konbyen *staff*, anba sa Bidze, pou ganny konmsi ki ou annan. E parey nou'n antann e ou osi ou'n dir la ki i annan sa konsern ki mannyer sa lofis pou ganny trete, oubyen ki mannyer pou annan rapor ki ganny fer, e kalib sa dimoun ki ti mete dan Lalwa sete kalib, en Ziz pa ni kalib en Avoka annefe.

Ti dir kalib en Ziz, *anyway*. En Avoka ki vin Ziz, so si sa larzan pou ase pou ou perform e ki mannyer ou krwar ou pou bezwen ganny, e sa lofis i bezwen ganny son *due respect*? Mersi.

MR DEPUTY SPEAKER

Ziz Renaud.

JUSTICE BERNADIN RENAUD

Avek ou permisyon Mr Chairman, mon ava reponn. Pou komanse mon, mon a dir si mon konpran li, pou komanse nou dan en vid. Sa Lalwa i *provide* ki sa lofis i annan en sekreter ki travay pou permanans, e nou pa ankor *recruit* la.

Alor o mwen, nou ti kapab met en pe larzan pou al mete la, pou nou sey kapab *recruit* sa dimoun, e pou met li an plas. E mon konpreansyon letan mon ti

zwenn avek Minis Finans e son *staff*, se ki sityasyon ki mannyer i ete i napa le mwayen. Alor in donn nou en pe.

Mwan mon konpreansyon se ki i depan ki mannyer sityasyon i devlope, mon bezwen re-al kot zot pou fer lofis marse. Akoz menm sa Lalwa i dir en sekreter, zot konpran ki pa nenport ki dimoun ki ou pou met li koman sekreter. Ek tou sa pake lenformasyon ki i annan la.

Akoz sa dimoun ki pou vini, i pou bezwen *upload* tou sa lenformasyon, ou pou war tou sa keksoz. I bezwen en dimoun *of high standard*, konmsi en dimoun ki annan vremen annan *trust*. Mon ava aret la. Mersi.

MR DEPUTY SPEAKER

Ou annan en pwen klarifikasyon Onorab Andre?

HON CLIFFORD ANDRE

Mersi Mr Chair. Ziz Renaud savedir ou pe dir nou i pou *upload* tou sa bann lenformasyon. Akoz par egzanp letan nou, nou donn sa bann lenformasyon, *at least* mon pe koz ki mwan mon'n fer. Nou donn li dan en dokiman i *seal*, so i fermen dan en lanvlop.

Savedir ou pe dir nou ki sa lanvlop, pou ganny ouver en

dapre Lalwa, dapre Lalwa i sipoze ganny ouver si i annan en konplent kont mwan.

Mon'n ganny mwan 4 *BMW*, zot pe rode kote mon'n ganny 4 *BMW*, la prezan en lenvestigasyon pou fer lo mwan, pou al ouver sa deklarasyon ki mon ti fer pou gete, avek bann lezot travay ki mon'n fer si i *match*. So ou pou dir nou sa pou ganny *upload*.

Sa pou ganny ouver enn, e eski i pou annan lekipman pou ou *upload*? Akoz semenn pase, nou'n ganny klarifikasyon avek *VP* an referans avek, *Land Registrar*, kot i pe al *upload* tou bann sa i pou bezwen en pe plis lekipman en pe plis sofistike.

So ou pe dir nou sa pou ganny fer e si sa, pou ganny fer eski ou annan sa bann lekipman pou ou fer sa ki ou sipoze fer? Apre sa pti bout si i pa en pti konfli, letan ou ouver mon lanvlop, pou ou *upload*, avan mon lanvlop i sipoze ganny ouver, napa en konplent lo mwan. Mersi.

MR DEPUTY SPEAKER

Ziz Renaud.

JUSTICE BERNADIN RENAUD

Sorry vwala, mon pe eksplike pou dir nou bezwen al byen dan sa Lalwa pou nou konpran sityasyon. Ou konnen

i pa zis kestyon anba *Public Ethics Commission Act* ou lanvlop i sele, anba la i mon responsabilite pou resevwar sa, zot bann form e etidye sa bann form.

E si mon annan dout ki annan keksoz pa byen avek, *call* zot pou zot eksplike. E sa keksoz ki mon pa anvi fer, ziska prezan. Mon pa ankor zanmen konfortab pou mwan kapab al get dan keksoz personnel bann dimoun.

Me si arive mon pou bezwen fer, enn wi. Komisyoner i annan drwa etidye tou son bann papye, tou sa bann *return* ki zot in anvoye, enn.

Dezyenm mwan mon bezwen mentenir sa bann rikord, alor pou mentenir rikord i reste lo mwan pou mwan fer sir, ki sa bann rikord i ganny gard en landrwa. Pour sa rezon dan mon Bidze mon'n demann en *safe*, en *safe* pou met ladan.

E prezan, ozordi zour sa bann papye mon met li pou *upload*, pou fasilite travay. Prezan bann dimoun pou vini, mon pou eksplik ou.

En dimoun pou vin get sa bann papye, mon pa pou anvi tir ou papye orizinal pou donn li, mon ava plito les li a ganny *access*, limite oubyen lafason ki pou fer lo la. Apre osi, si en ka i

arive mon bezwen annan *backup*.

Trwazyenm rezon se ki, mon pou esper kler, sa lofis i bezwen annan son sistenm rikord prive pou li. I pa kapab *link* avek okenn lenstitisyon Leta. Akoz sa zot lenformasyon personnel, ki zot in *entrust* avek en sel dimoun sa.

I pa pou kapab al lo *link* avek tou dimoun pou regard ladan. Kapab konpran sa, alor nou pa ankor ganny sa lekipman, pa ankor met an plas nou'n gannyen, nou pe esper lofis. Nou'n idantifye lofis, prezan i reste pou formaliz li, nou pe sey fer la koman sa pti larzan pou vini la. Pou nou met an plas.

Lannen pase nou ti ganny en pti pe larzan e *President's Office* in aste en pe lekipman. Nou pe esper lofis pou met ladan. Petet dan en mwan, de mwan koumsa nou ava kapab fonksyonnen. Mon bezwen sey eksplik byen, reget byen sa Lalwa akoz sa lofis i plis sa ki nou krwar i ete. Mersi.

MR DEPUTY SPEAKER

Mersi Ziz Renaud. Zis pou latansyon bann Manm lo sa enn *headings*, nou pou pran bann kestyon ziska mwen en kar.

Aprè nou pou bouz lo en lot *heading*. So mon ava pas laparol avek Onorab Lemiel.

HON SYLVANNE LEMIEL

Mersi Mr Chair. Bonn aprè midi Ziz Renaud. Ou'n tous an pasan lo sa ki mon ti pe al demande, me selman mon ti a kontan ganny en pti pe plis detay *Judge Renaud*.

Premyerman enn, mon war ki anba '*challenges*', zot in dir ki napa okenn *challenges* ki'n annan. Me selman parkont ler ou'n la devan, Ziz Renaud mon'n tann ou pe dir en kantite problem, ki ou'n pas ladan. E ki petet ou ankor pe pas atraver avan ou kapab *set up* ou lofis. Petet akoz, i pa'n ganny mete dan sa dokiman? Tou sa bann *challenges* ki la, ler ou'n vin devan Lasanble ou pe nonmen.

E dezyenmman, ler nou pe get latab 2, nou war anba '*goods, and services*', ou annan R56mil pou lofis. Ou'n dir pou dir zot dan demars pou al *set up* en biro.

Mon ti a kontan konnen petet, wi petet ou'n idantifye kote sa lofis i ete. Petet ti a bon la letan nou dan Lasanble, nou fer piblik konnen, en pti pe detay. Kote egzaktman ki ou'n idantifye sa lofis? E petet dan zot bann negosyasyon konbyen

zot pe mazinen pou pey sa *rent* sa lofis par mwan? Mersi.

MR DEPUTY SPEAKER

Ziz Renaud.

JUSTICE BERNADIN RENAUD

Mersi. Mersi Mr Chair, mersi Onorab. Premye, bann *challenge* Onorab mon pa'n dekrir tou sa bann keksoz pou la premye, akoz premye Bidze ki nou fer.

Personnelman mon pa anvi, detay tou sa bann sityasyon. Mon bezwen pran li avek en serten sans matirite, parey mon'n o komansman mon'n dir, en *challenge* i pa aplik zis selman la.

Ou'n dir ler nou *setup* en lenstitisyon, toultan swiv avek *what next, what next*. I pa zis mwan, sa bann *challenge* ki nou'n gannyen. Selman mwan bezwen konpran sa akoz i pa, i pa zis en keksoz i ariv zis ek mwan tousel.

Se pou sa rezon, mon pa'n liste li, la e mon dir donn en sans ankor, eski lannen prosenn dan lot Bidze, e si mon ankor la. Nou ava eksplike sa *challenge* in rezourd. Akoz mon krwar nou pe rezourd dousman, dousman.

E dezyenm, pou lofis wi nou'n idantifye lofis. Me i ti pou bezwen fer bann *touchup, and*

so on and so forth, tousala i sa bann pti sityasyon *teething problem*, ki pa neserman bann *challenge*.

Lofis ki nou'n idantifye, pou le moman *President's Office* in idantifye pou mete. Se i pou laba kot *Central Point* laba. Sa bilding, mannyer i apel. *Le Chantier* la, in en lofis *Pension Fund*, zot in ganny sa, prezan zot pe organize li pou fer li meble, pou met rido. Pou met li, met sa telefonn, bann zafer ladan.

E sa ki mon pe panse la i ava dan en mwan dir si kekfw, pe penn, pe repare i kapab ganny sa lofis. I pou anler isi, dernyen letaz dan, i pou, i ti pou, i pou dan sa dernyen letaz, sa bilding *Le Chantier Mall*. Mon krwar mon'n reponn sa.

E son larzan apepre, nou pe sey fer mannyer, mon pa tro krwar i pou sot R25mil par mwan. E i posib ek *Pension Fund* osi, parey mon pe dir *PS President's Office* i a pe sey negosye mannyer pou nou war li, desann pli ba posib. Mersi.

MR DEPUTY SPEAKER

Mersi Ziz Renaud. Onorab Pillay ou annan.

HON SEBASTIEN PILLAY

Mon annan en *point of order* ki bezwen ganny, ki nou bezwen

ganny en klarifikasyon avek PS Thesee.

Pou klarifye sansan ki Lasanble pa fer, en travay dan *futility* oubyen initil, ozordi apre midi. Si ou ava permet mwan klarifye?

MR DEPUTY SPEAKER

Eksplike?

HON SEBASTIEN PILLAY

ACCS i sipoze pran rol deklarasyon, administre bann deklarasyon bann *public officers*. E *declaration of asset by Constitutional Appointees*.

E prezan *the role of Ethics Commission e Public Declaration of Assets Liabilities Commissioner would be phased-out*.

Eski sa Bidze ki nou pe diskite la, sey eksplik nou ki pou arive egzakteman aköz Prezidan, in dir nou en keksoz e nou pe vot en *full budget for the year for Mr Renaud* e li i pe koz ek nou koman i annan travay pou al fer.

I pa paret poudir Prezidan in diskite sa bann keksoz avek Mr Renaud. So, petet PS ou ki'n form par bann diskisyon lo Bidze, ou ti kapab klarifye avek Lasanble lekel ki pou pran sa rol, e aköz nou pe diskite sa Bidze la apre midi? Mersi Mr Chairman.

MR DEPUTY SPEAKER

PS Thesee, ou ti oule dir en keksoz.

PS DAMIEN THESEE

Mersi Mr Chair. Parey Minis in dir dan son Ladres, nou'n met Bidze dan son totalite la, an vi ki annan serten travay ki bezwen fer, ek bann Lalwa pou fer amannman. Savedir nou pa kapab pa neserman donn sa komisyon larzan, vi ki legalman i egziste.

Me solman i annan bann travay ki pou ganny fer, kot i annan *merger*, oubyen kot i annan *repeals*, kot la bezwen vin devan Lasanble avek sa bann Lalwa. Pou prezante, pou laprouvasyon Lasanble. Savedir pou le moman san menm sa, nou'n donn tou sa bann Bidze, avek sa *understanding* ki ler Lalwa i aprouve.

La prezan nou pou fer sa bann amannman Bidze ki *by Bidze mid-year* nou ava kapab re-montre sa *picture*, ki mannyer nouvo Bidze avek sa klasifikasyon ladministrasyon piblik pou ete. Mersi.

MR DEPUTY SPEAKER

Mersi Mr Thesee. Onorab Pillay.

HON SEBASTIEN PILLAY

Mersi Mr Chairman. Mr Chairman mwan mon konsernen par lefe ki nou pe tann de langaz. Nou pe tann en langaz sorti kot *the Commissioner* li menm, ki li pou li i pe antisipe pou li ganny en Bidze, pou li al fer en travay. E menm Onorab Andre in demann i kestyon lo la in reponn.

Me Gouvernman li i annan en lot lentansyon. Mon krwar ti ava bon Gouvernman i ganny son *timing* byen, lo ki egzaktaman i le fer avek sa Komisyon, akoz mon en pti pe konsernen ki mon pou donn Ziz Renaud en Bidze, me ki apre Gouvernman pou *re-appropriate* li dan en lot fason ki i nesaser, ki nesaser i anmenn en nouvo Lalwa devan Lasanble, Mr Chairman.

Mon konsern i sa, e mon konnen si Lasanble i eksprim menm konsern, ki nou devret eksprimen, akoz Ziz Renaud pe montre nou lanvi travay ki li annan.

Me lapros ki ler nou regard bann detay dan *SONA* ki pe ganny sizere, e ki Minis in koz lo la koman premye faz reform. Mersi Mr Chairman.

MR DEPUTY SPEAKER

Mon krwar nou ava bouze lo sa pwen, parske i ti en size ki

ti'n leve, ki ou ti'n leve dan *ABC*. E nou ti'n parey *PS Thesee* in eksplike, Gouvernman in ganny elekte, i son prerogativ pou li anons, fer serten lanons.

Me tan ki dan en kad legal, sa pa ankor arive, nou pa kapab pa donn larzan en antite. Akoz i egziste legalman, letan prezan in ariv kot sa pon nou ava traverse.

Akoz Gouvernman i kapab fer sa *merger* avek *ACCS*, an 2021. Me egalman, i kapab fer li an 2022, an 2023. Akoz i osi *ACCS* pou bezwen anmenn lamannman legal dan son Lalwa, so letan nou ariv kot sa pon, nou ava travers. Mon krwar poudir sa nou ava kapab aksepte, sa leksplikasyon. Mon pas laparol avek Onorab Aglae.

HON EGBERT AGLAE

Mr Speaker. Bonn apre midi Ziz Renaud. Mr Speaker, mon krwar i osi enportan en keksoz akoz, mon pou demann Ziz Renaud en kestyon.

Akoz dan son *strategic priorities* li menm premyerman, i sipoze annan en piblikasyon en rapor ki i sipoze ganny fer, ki date an 2021 a 2023. Petet eski Ziz Renaud pou ganny sa sans, ou menm ou krwar ou pou ganny sa sans pou fer sa rapor, si demen i annan serten sanzman ki pou arive, avek sa

ou *Commission* li menm? E mon ti a kontan osi, demann ou petet dan la *franchisme* si ou'n ganny okenn rezistans par okenn *listed person* ki sipoze tonm anba sa Lalwa pou fer bann deklarasyon. Eski ou'n ganny okenn rezistans?

E si wi, ki *resort* ki Lalwa, ou Lalwa i donn ou, pou ou kapab pran okenn aksyon kont okenn endividi, an se moman ki sa Komisyon i ankor an egzistans? Mersi.

MR DEPUTY SPEAKER

Ziz Renaud.

JUSTICE BERNADIN RENAUD

Mersi Onorab pou kestyon. Mersi Mr Chair. Premyerman mwan mon pe sey *focus*, ou ganny apwente, pran serman pou en lofis anba en Lalwa ki dir mwan fer serten keksoz. Mon oblize fer sa keksoz dapre sa Lalwa.

Mon pa antisip nanryen mwan, me ler Lalwa i sanze, *naturellement* sa i vin en lot sityasyon. Mon pou kontinyen fer li parey Lalwa i dir mwan fer. E san okenn antisipasyon, menm bann propozisyon parske zot isi dan Lasanble, ki pou deside ki mannyer sa pou met a mon *of course*, e ki mannyer i pou sanze. Vwala sa

mon pwen lo sa sityasyon ki konsernan sa bann sanzman.

E konsernan, difikilte, mon asir zot, mon asir zot person, person antre zot isi, person dan Egzekitiv, pa'n kree pou mwan okenn problem, pou korpere avek mwan, pou donn mwan lenformasyon.

I annan lanpesman ki mon'n konpran sa bann lanpesman, enn ou de. Me sa bann lanpesman *genuine*, zot in fer mwan konpran e mon'n konpran zot. E pou sa mon ava administre li koman *fodre*. Me rezistans, lanpesman, person antre zot, person pa'n kree sa pou mwan. Mon'n ganny korperasyon san poursan. Mersi.

MR DEPUTY SPEAKER

Mersi Ziz Renaud. Mon a pas laparol avek Onorab Cosgrow.

HON WALLACE COSGROW

Mersi Mr Chair. Mr Chair mon pe get sa Bidze, ki devan nou ozordi la. Mon vremen konsernen, i en Bidze pou en lannen antye 2021 si mon pe lir li byen, i R324mil, pou en lofis ki annan sitan lenportans parey, Ziz Renaud in eksplik nou.

Mon konsernen ki Ziz Renaud pa pou kapab deservi

son manda, e menm fer bann keksoz ki anvi akonplir, *regardless* kan ki Lalwa i sanze si sa lannen, lot lannen.

Konmsi avek R62,000, '*other use of goods and services*,' mon pa war ki mannyer i pou kapab *operate* en lofis, avek sa kalite Bidze.

Petet mon mal petet i kapab fer serten, mirak, be sa zafer ki la mon pa pe war Ziz Renaud kapab fer gran keksoz, baze lo sa ki Ziz Renaud eksplik nou.

Petet mon ti ava met sa a Ziz Renaud, ler ou get sa Bidze, eski ou krwar Ziz Renaud ou pou kapab delivre sa manda enportan, dan sa lofis enportan, ki'n ganny etabli pou asir bon gouvènanans dan nou pei, si ou pou kapab delivre anba la Mr Renaud? Mersi bokou Mr Speaker.

MR DEPUTY SPEAKER

Ziz Renaud.

JUSTICE BERNADIN RENAUD

Yes. Mersi Mr Chair. Mersi Onorab Cosgrow. Letan nou'n koz avek par egzanp pou diskit sa premye Bidze, ou pou vwar, mwan mon'n santi demann ki nou'n fer, e laprouvasyon ki'n fer. E lesplikasyon ki'n eksplik mwan anvi sityasyon finansyer mwan mon'n konpran, poudir

sa Bidze mwan personnelman pa pou kapab *operate* mwens ki petet sa detrwa mwan, pou detrwa mwan.

E *come day mid-year review*, definitivman si sa lofis pou la, mon pa asire Minister Finans pou konpran sa larzan la pa ase pou arive ziske Desanm. Me mwan mon pa ti okouran keston, amalagamasyon ziska ki mon'n tande, petet Minister Finans zot, zot ti konnen, ler nou ti anvoy nou *chiffre* zot in *slash*, zot in donn nou sa.

E ler mon ti zwenn ek zot, zot dir mwan pou le moman sa, servi sa e si mon annan problem apre mon ava anmennen. Sa mon'n fini konpran sa. Mersi bokou.

MR DEPUTY SPEAKER

Mersi Ziz Renaud. Onorab Cosgrow lo sa *Headings*, i deryen lanmen ki mon ti'n remarke, fodre a mwen i annan en Manm ki - Onorab Loze.

HON JOHAN LOZE

Mersi Mr Speaker. Mr Speaker Ziz Renaud pli boner ti mansyon sa zafer fodre ou annan kalifikasyon en Ziz. Mon ti zis oule eklersi pou benefis dimoun ki deor. Eski nou pa ti amande sa, an 2017 sa nou? Sa requirements pou *hold* sa

pos *Commissioner*? Mersi Mr Speaker.

MR DEPUTY SPEAKER

Ziz Renaud.

JUSTICE BERNADIN RENAUD

Wi, mersi Mr Chairman. Mersi Onorab. Letan mon krwar ti *advertise* premye fwa, pa ti ganny pos sa ki mwan mon'n konpran, ti bezwen retourn dan Lasanble. E Lasanble, le 23 Avril 1919, mon krwar. 19 Mars 1919 zot ti amande sa, pou fer *sorry*, 2019. Eskiz mwan.

19 Mars 2019 Lasanble ti pas sa *Bill* pou fer dir, ki dan labsans si zot pa ganny en dimoun parey in dekrir anba seksyon, *subsection 4, Chairperson Commission* i kapab ganny apwente *ex-officio* e sa bann lapwentman i kapab resevwar en *allowance*. Savedir en lot zofisyé, en dimoun dan en lofis parla i a pran.

E sa lamannman ki ti pase, me apre sa letan ti *advertise*. Mon ava dir zot akoz mon ti *apply*, mon'n ti'n *retire* pa akoz lotremman. Akoz ler mon tir lir sa Lalwa e sa pwa lenformasyon personnel, ki zot pe al met lo en papye pou donner.

Mon ti santi poudir sa lofis i pa zis en pti, keksoz ki ou kit avek nenport dimoun sa. Zot

pa pou kontan, i dan lanmen nenport dimoun sa, e mon ti *apply* pou mwan deservi zot. Mersi.

MR DEPUTY SPEAKER

Mersi Ziz Renaud. E mon pa'n idantifye okenn lezot Manm ki le demann kestyon, lo sa *headings*.

Donk nou ava aprezan, pran en vot lo alokasyon pour *Office of the Commissioner of Public Persons* ki trouve lo paz 132 a133 pou en sonm 324mil.

Donk mon ava demann tou Manm ki an faver pou endike. Mersi. Okenn Manm ki kont? Mersi Madanm Clerk. Donk vot pou *Office of the Commissioner of Public Persons*, trouve lo paz 132 a133 pou en sonm R324mil.

I annan 28 Manm ki'n vot an faver, napa personn ki'n vot kont e enn i *abstain*. Donk sa vot i pase.

SEYCHELLES HUMAN RIGHTS COMMISSION

MR DEPUTY SPEAKER

Nou pou pas lo lot *headings* aprezan, e mon prezimen i annan en lot dimoun ki sipoze zwenn nou.

Donk nou ava demande ki i rantre. Nou pou al pas lo, Bidze pou *Seychelles Humans Right*

Commission, i trouve lo paz 109 a 112 e i annan en Bidze R7milyon 743mil.

Donk nou ava dir bonn apre midi manmzel Beth Gertrude ki *Senior Financial and Administration Officer*, kot *Seychelles Humans Right Commission*. Mersi pou zwenn nou.

Ziz Renaud i reste avek nou, donk nou ava envit li pou fer en lentrodiksyon lo sa *headings*, lo sa komisyon. E apre nou ava pran kestyon bann Manm.

CHAIRPERSON JUSTICE BERNADIN RENAUD

Mersi Mr Chairman. Mon ava premyerman prezant leskiz. Mon ti a voudre ki nou *Chief Executive Officer* i vin la prezan, olye ki mon tousel vini avek *finance*. Me malerezman i endispoze pou le moman, pou bann rezon ki i pa la apre midi. Me bann lenformasyon, nou a fer nou mye pou nou asiste Lasanble avek bann, dan zot deliberasyon.

Premyerman mon pou fer zot rapel ki sa lenstitisyon, i ganny etabli anba en *Act*, e i ti pase *Act* nimer 7, 2018 *Seychelles Humans Right Commission*.

E ladan i annan tou son bann, responsabilite pou ki i sipoze desarze, e i en lenstitisyon. Parey i dir ladan i en lenstitisyon ki *'self-governing, neutral and independent which is not subjected to the direct control of any person or authority.'*

E sa seksyon,3,2. Seksyon 14 i detay tou son bann travay ki i sipoze fer. E sa lenstitisyon son sistenm finans, i dekrir osi ladan seksyon 20 mon panse.

Ki mannyer i sipoze *manage* son finans, e osi son bann kont ensidswit, i bezwen al kot oditer Seksyon 19.

E anba seksyon 19 i fer bann rapor i anvoy kot Lasanble Nasyonal, e osi avek Prezidan tou le sis mwan, avek en rapor toulezan. I annan bann lofans anba la ki nou fer, nou kapab pourswiv, oubyen non.

Kestyon ki mon ti oule fer sorti menm ki mon pann ekrir li la. Mon ekspekte dan letan *avenir* nou pou zwenn Lasanble nou pou koz avek sa, me mon'n demann avek Egzekitiv pou koz lo la.

Ankor taler mon ti dir sa ler nou *set up* en lenstitisyon, nou *set li up*, me nou pa get, son lenplikasyon. Premyerman mon ti a voudre, mon ti a voudre la koman mon pou

enform tou dimoun, ki a sa i *Seychelles Human Rights Commission*.

I pa en komite, i pa en *Council*, i pa en *NGO*, i pa en *advocacy institution*, i en *Human Rights Commission*.

I swiv lofis, sa lofis i swiv bann Konvansyon ki nou'n sinyen koman en Leta avek Nasyon Ini avek son *Office of Human Rights* Nasyon Ini e sa in evolue rezyonal, in evolue Nasyonal. I en *Commission* endepandan, i pa form parti ni, Gouvernman, ni nanryen.

Premye keksoz ki mon krwar nou bezwen rezourd pou nou konpran, *what is a Human Rights Commission?* E sa i enn bann *challenge* ki pa'n ekrir akoz nou bezwen pase al eksplike, *what is a Human Rights Commission in a country*.

Sel keksoz ki tous avek Leta, se ler i ganny en pti ponnyen larzan pou met dan son fon. Son fon i endepandan, son fonksyon i endepandan, tou son keksoz i endepandan.

E Leta i oblize donn sa larzan, anvi ki nou'n siny en Konvansyon avek *United Nation*. *That's the only thing*.

Apard sa i rod son larzan, si oule i fer son bann program, e akoz li i en, *camera* ki regard Leta antye ki mannyer i fer an

relasyon avek son *Charter Human Rights*.

I pa en keksoz mon kapab eksplik zot bokou la, selman mon krwar mon'n tous fer zot konnen. I en *Commission it's not a Council, it's not a Committee, it's not an NGO*. *It's a Commission, independent* ki vwar ki bann *Human Rights* i ganny aplike, i ganny met an plas, dan en Leta ki Leta i pe fer sa bann keksoz.

E mon ava dir zot ki nou, nou lapros ki nou pou fer pa neserman nou bezwen kopi lot landrwa.

Lapros ki nou fer mon rekonnet ki, Legzekitiv pe al dan sa menm, en direksyon. Zidisyer al dan menm direksyon, Lezislater al dan menm direksyon. E *Human Rights Commission* dan menm direksyon, pou fer avanse nivo *happiness* e liberte nou *peuple*.

I arive, i pou arive, in arive bann landrwa kot i annan bann defayans. Sa nou ki pas deryer ki vin regarde apre, nou vin diskit avek bann lenstitisyon, pour aranz sa bann defayans. E sa ki nou anvi fer. Mon ava dir zot sa ki nou pou fer *actuellement*.

Human Rights Commission wi, nou resevwar konplent. E sa bann konplent se bann analis

bann dimoun kot nou ki analiz sa konplent.

Pou vwar akòz konplent i vini. Pa zis get sa konplent, nou le vwar *system*, e nou'n dekouver nou problem e sa o fir amezir nou pou pran *the systemic defects* ki annan, e pe kontinyen e perpetye, i ale, i ale, i ale, si nou pa adres *system* tou lazournen nou pou parey *Fire Brigade* pou nou tay deryer bann problem.

Alor nou ti a voudre ki bann lenstitisyon Leta i konpran *Commission*, poudir nou pe travay ansanm avek zot, pou nou adres *system*. Defayans dan sistenm pou bann keksoz pa arive. Nou annan nou seksyon ledikasyon kot nou pou montre bann dimoun Lalwa, nou resers, bann ki fer konfli dan ki anmenn kot nou *and so on and so forth*.

E nou bezwen *monitor* tou sa bann *Charter* ki nou'n sinyen ek *United Nation everything, everywhere*. Fer vwar ek sa bann *Charter* i ganny enplike, i *apply* dan nou pei.

I en gro ta responsabilite, nou'n swazir detrwa dimoun e o kalib pou fer li, me *main-d'œuvre* zanmen pou ase e nou pe sey fer. E menm bann *commissioners* zot fer plis ki sa ki zot sipoze fer pou ede ki sa

lenstitisyon dousman, dousman, i pran son laform i mont lo son lipye pou li kapab desarz son responsabilite.

Vwala an bref Mr Chair, ki mon ti ava dir zis pou entrodwir a *Human Rights Commissions is not an NGO. It's a Commission* anba nou Lalwa enternasyonal. Mersi.

MR DEPUTY SPEAKER

Mersi pou sa lentrodiksyon. Mon ava donn laparol Onorab Lemiel.

HON SYLVANNE LEMIEL

Mersi Mr Chair. Mr Chair mwan mon santi e mon panse nou tou lo sa kote latay, e nou tou dan sa Lasanble, nou santi ki lenportans sa Komisyon i annan pou la demokrasi Sesel.

E nou vwar ki nou demokrasi pe kontinyen evolye e definitivman nou bezwen annan en *Human Rights Commission* ki for. E ki kapab fer son travay pou anmenn sa *équilibre* dan pei. Sirtou an sa ki konsern Drwa Imen.

Mon kestyon pou Ziz Renaud i se ki, ki kantite *staff* ou annan Ziz Renaud? E mon ti a kontan konn en pti pe, ki zot bann limitasyon ki zot annan? E kant a ki konsern bann ka kekfwa ki'n kapab ariv devan

zot, petet depi ler zot in enstal zot, mwan pe mazinen petet lannen pase, ziska la ki kantite ka, petet rapor ki zot in gannyen ki'n vin kot zot?

E ki mannyer zot in sey *solve* sa bann ka, eski i annan ka ki ankor *pending*, kot zot? E en pti pe leksplikasyon dan sa laliny. Mersi.

MR DEPUTY SPEAKER

Ziz Renaud.

CHAIRMAN JUSTICE BERNADIN RENAUD

Mersi Mr Chair. Mersi Onorab Lemiel. Bon pou komanse, ou pou demann nou bann *staff* ki nou annan *actuellement*. 12 avek en *CEO* nou fek gannyen la. E plis bann komisyoner.

En keksoz nou ti kontan ki prensip ki nou'n swazir, pou komans avek se nou *recruit* bann *staff* a en nivo byen, byen o. Preski tou sa bann *staff* ki annan pou dan bann nivo, say *Masters* oubyen *Graduate*. Spesyalis ki konn zot louvraz tre byen. E sa nou pe sey fer realize, pou ou ganny sa kalite dimoun ou bezwen pey zot en serten nivo.

Sa en *challenge* pou dimoun konpran poudir olye ou pran kat dimoun pou fer en louvraz, ou pran en dimoun ki konn fer kat louvraz.

E la, e sa *COVID* in montre nou, ki nou ban *staff* i *multi-tasked*. Donn zot de, trwa *task* zot kapab fer, akoz sa nivo ki zot ete. E sa nou santi pe fer en kantite *saving*. Non i pa ase *staff* e sa lofis kot nou ete i limite, alor nou pran sa bann *staff*, nou sey fer antre dan sa lofis kot nou ete. Mete kan i sere, me sa ki enportan i annan en *esprit de corps* ki egziste parmi sa bann dimoun, ki ou a krwar letan zot avek *Human Rights Commission* zot plito bann misyonner.

Nenport kwa nou pou sey met ansanm nou fer, e ziska petet letan i a vin meyer, pou nou fer. Nou annan sa kantite *staff*, ek bann *commissioners* i mete, met zot mye.

Kot i konsern, e wi i pa pou ase *staff*, me solman nou konpran sityasyon nou. Bann limitasyon se sa. Bann limitasyon par egzant pou ou devlop en *Human Rights Commission*, resers i en kantite, ou bezwen fer resers lokal pou get en sityasyon ki devlope.

Aprè ou bezwen konnen ki pase dan lemonn eksteryer. Nou bezwen *setup documentation*, nou bezwen vit, nou bezwen tou sa bann keksoz. Aprè i annan en bann keksoz, ki mon ava dir zot ki *trés* enportan. En kantite

keksoz partou pe dir lot ti dir, lot ti dir, lot ti dir. Prezan ou a krwar koman bann laba i dir, nou Sesel nek nou taye nou al fer sa bann keksoz. Prezan i annan en kantite keksoz ki nou Sesel kot Drwa Imen i konsernen la, nou'n depase, nou'n ale nou. Prezan sak fwa laba i dir en keksoz ou tourn deryer ou vin fer krwar nou, kot nou osi i annan sa problemn.

Be i enn fonksyon *Human Rights Commission* ler nou fer nou resers, pou montre pou dir, i annan serten domenn kot pti Sesel in ale, i lwen li.

I pa pe kapab retourn deryer, pou zwenn bann ki pa'n fer pou li, be sa pa pe sorti byen sa. E sa bann resers pa pe montre nou byen. Apre i annan landrwa kot nou afe ki nou ptipti nou napa ase dimoun, wi nou tonm deryer.

Me sa tonm deryer i annan en fason pou rezourd, ki *Human Rights Commission* i kapab fer bann rekomandasyon pou nou *achieve*. Sa si ou pe demann mwan konsernan, i pa neserman, i en limitasyon pou montre poudir nou lwen me selman, toultan ou a krwar nou reste dernyen menm.

E kot i konsern bann ka, wi i annan apepre 200 ka ki'n vin met kot nou. Bann dimoun vin met zot konplent. Sa bann

konplent ki'n vini pa neserman tou *Human Rights complain*. Me i enportan ki nou resevwar sa bann konplent ler nou bann dimoun kot nou, i analize i vwar.

Konnen dan en konplent ler en dimoun i met kot ou, i annan bann keksoz ki li in met devan ou ki li i konsevwar. Be nou, nou bann dimoun kot nou, nou get deryer sa konplent. Pou vwar psikoloji, pou war sistenm akoz sa keksoz in vini. Nou, nou pou al atak sa, sa keksoz la son koz. La kot nou zwenn, nou dir ek bann Minister, nou le zwenn zot pou koze pou nou adres zot sa keksoz.

Mon ava donn zot legzanp, ou konnen enn nou bann defayans isi, se nou fer bann Lalwa nou dir en bann kantite keksoz, apre nou pa desann son regilasyon son prosedir, son sistenm.

Ou konnen ozordi zour Gouvernman i ankor pe ekrir let, zis i dir ou mon ekrir ou en let mon dir ou pa fer sa. Be depi '93 fodre ou ekrir en let dimoun ou dir "*I am empowered by section this, this of the law. To inform you that you can't do this because the law says that*".

Be i pa ankor sorti sa bann let. I zis nou ekrir let parey lontan, e nou vwar nou bezwen sey al tradwir. Be non,

ler ou ekrir en let ou bezwen dir anba ki *powers*, koman en *civil servant* ou annan, poudir en sitwayen sa keksoz.

E ler ou dir li, ki sa Lalwa ki'n dir li pa kapab fer sa keksoz, be sa i pou pran en prosis. En prosis. Nou nou'n konpran sa prosis i pou tarde arive akòz nou *civil service* i ganny *recruit from Universities schools, and if* i antre dan servis piblik. Me se ki ou pou realize, nou servis piblik i pa formel, i pa ankadre.

Parey lezot pei avan ou antre dan servis piblik, ou bezwen annan bann *training*, ou bezwen annan bann legzanmen, ou bezwen annan bann prosis pou pase, avan ou antre dan servis piblik.

E mon a donn legzanp, i annan dimoun i travay dan servis piblik, i pe administre Lalwa, ler ou demann li be kote ki'n dir sa? I dir dan sa Lalwa. Be kote sa Lalwa in dir?

I pa ni menm konnen, akòz i ti abitye fer koumsa. Be prezizeman nou bezwen dir ou poudir be sak dimoun i bezwen annan en *training*, pou ou konnen akòz sa keksoz i koumsa.

Be sa bann difikilte ki nou annan, dan nou sistenm e en kantite sa bann *case* ki nou pe gannnen i pe montre nou sa.

E sa bann case nou pe al fer, kot i *solve* bann *case*. Wi, i pa fasil pou rezourd bann *case* avek nou sistenm ki nou annan konmela.

Premyerman pou ou konpran, pou *Human Rights Commission* kapab rezourd sa, fodre sa bann lenstitisyon Leta parey sa Lalwa in dir i konpran, premyerman ki si sa en *Human Rights Commission* dan en pei.

Be nou pou annan sa premye difikilte, ziska ki nou *Education Unit*, pe devlop bann program ledikasyon ki pou pran depi primer ziska liniversite.

Aprè pou annan en program pou nou al avek bann lenstitisyon, Lapolis, partou, partou pou kapab *trained* savedir *Human Rights*. E osi nou pe sey fer mannyer pou devlop en akademik *qualification*, *Certificate Diploma in Human Right*.

Prezan dimoun demande akòz sa, bann keksoz, nou bezwen fer? En ler dimoun ankor krwar poudir *Human Rights* se zis ou fer bann *report*, ou marse ou fer plakar ou aktivis. Nou, nou en pei ki baze lo viziter, lo etranze pou vin kot nou. Ki swa *FDI* ou swa touris.

Nou pa realize ki bann dimoun avan vin dan en pei i

gete ki mannyer son sityasyon, viv, dan sa pei i ete.

Enn en endikater se ki son, *Human Rights Index* i ete, e nou *Human Rights Commission* nou fonksyon, pou fer sir ki *Human Right Index*, Sesel toultan i mont pli o. Mersi Mr Chair.

MR DEPUTY SPEAKER

Mersi Ziz Renaud, Onorab Aglae.

HON EGBERT AGLAE

Mersi. Ziz Renaud mon'n ekout ou atantivman. Mon krwar petet avan mon demann sa kestryon, petet i annan en rol pli avangard e edikasyonnel, mon krwar sa Komisyon i bezwen zwe pou edik pep Seselwa li menm. Malgre ou'n dir bokou bann keksoz ki'n vin devan ou, pa neseserman i annan pou fer ek *Human Rights violation*.

Ok Minis, Ziz, eski zot departman, zot pe anploy ouswa pe an servis, pa anploye an servis okenn bann konsiltan ki zot travay avek pou deservi sa travay?

E dezyenm se vi ki, zot annan bann afilyasyon avek bann *international bodies*, vi ki i en rekomandasyon par Nasyon Ini ki laplipar pei i bezwen annan en Komisyon en

pe dan sa zanr, kot i konsern *Human Right*.

Alors petet ki fason ki zot pe war zot pe travay, ansanm avek sa bann *international bodies*? An vi ki nou siny bann Konvansyon bann Trete e osi ki Sesel i pa neseserman pe tonm dan sa bann kategori kot i annan sa bann kalite drwa *Human Right* ki pe ganny abize dan pir parey bann lezot pei nou pe vwar.

So, ki rol zot sa Komisyon i pe zwe fas avek sa bann antite enternasyonal, ki zot afilye avek petet? Mersi.

MR DEPUTY SPEAKER

Ziz Renaud.

CHAIRMAN JUSTICE BERNADIN RENAUD

Mersi Mr Chair. Mersi Onorab Aglae. Ou konnen mwan, mon avek lide. Ankor enn landrwa ki mwan mon ti kapab fer lot keksoz mon ti pou kontan avek *Human Rights*, pou sey ed direksyon ki en *Human Rights* dan Sesel. Pa dan tou pei i ete, Sesel.

Premye keksoz, se ki bann dimoun i koz *Human Rights*, mon mazin serten keksoz limite. *Human Rights* set en, lafason koman nou sivilizasyon pour bann dimoun viv dan

dinyite. Mwan mon war li koumsa.

Prezan fodre nou tou nou ganny edike pou konpran, nou esper lot, pou sa lot respekte nou. Zafer dinyite, sa en gro problem ki annan dan nou pei. E sa drwa premye, si ou ganny sa byen tou bann *rights* i tonm dan son plas. Si bann lenstitisyon i aplay sa, en *rights* i tonm ladan.

Wi, alor nou, nou annan en departman spesifikman avek de, trwa, *highly qualified*, bann dimoun ki dan domenn ledikasyon, bann dan *pédagogique*, *curriculum* devlopman *whatever*. Zot pe sey fer en travay me ankor, ek resours ki nou annan. Bezwen edike, depi bann zanfan lakres, primer, devlop program *right to the university*.

Akoz ou pou ganny prodwi liniversite, *Masters*, *Doctorate*. Me ler i pou vini pou annan konesans *intellectuelle* me parey mon'n dir, mon pa pe dir tou me selman an ka i kapab mank serten keksoz fondamantal.

Alor ledikasyon i lakle, pou bann dimoun ki mon krwar dan nou program nou annan, pou bann dimoun ki travay dan Gouvernman, bann non teknik ki zot apele konmela la.

Nou annan *focal point of a* departman, apre osi nou annan sa bann *stakeholders or whatever*. Wi bezwen fer sa, e nou ekspekte ganny lasistans avek plizyer lenstitisyon, enkli radyo, medya *and so on and so forth*. Ki letan nou devlop, pe devlop program dousman, dousman nou pe fer, e nou menm nou pou al fer *lecture*.

Mon ava dir zot en keksoz, ki mon pe pran bokou letan pou partaz avek zot, ou konnen nou'n demann serten kestyon ou etonnen vwar - mon kapab dir par lao 90poursan dimoun pa konnen poudir ki annan, pa'n deza atrap en Konstitisyon ni li lir, i preske san poursan zanmen deza lir *Charter* Konstitisyon.

I annan dimoun tenir o fonksyon dan nou sistenm pa konn nanryen kot i konsern en *Charter Right*, ni Konstitisyon ni nanryen.

Nou pou annan defayans, e ou konnen menm nou pe ofer petet bann lenstitisyon koman Lapolis, *and so, and so forth*, set a kantite travay, sistenm pou amelyore ki annan e mwayen i limite. Selman nou kapab fer li ek bann ki annan.

E kot i konsern konsiltan. Personnelman mon ava dir zot en keksoz, sa mon leksperyans,

meyer konsiltan ki ou annan se ou dimoun.

E pou sa rezon ki'n *recruit* dimoun, ou lo en kalib. Menm i annan serten proze ki nonm ou de konsiltan, sorti *London* sepa ki zafer zistwar. Be i pou pran ou en pe letan pou mwan krwar, poudir vremen nou bezwen dan lavi sosyal, ledikasyon sosyal, lavi Kreol, natif lavi.

En konsiltan i pou kapab ed ou bokou apard fer ou ekrir bann *report and so on and so forth*. E *reports* sa en keksoz ki nou annan plis, mon ava dir ou e pou asiste avek.

Ozordi ou pou vwar, ou'n nonm mwan afilyasyon *United Nation and all*, konnen kantite *man hours*, sa pti Sesel, sa pti nou la bezwen asize tou lannwit pou prepar *report, report and report, and report*. Rapor avek rapor akoz sa bann dokimantasyon ki nou'n sinyen pou bezwen raporte, raporte, raporte.

Kat Seselwa ki annan, i annan detrwa dan *Foreign Affairs Office*, detrwa kot nou. Si ou pe get rapor i enkrwayab akoz nou afilyasyon, ou bezwen fer sa pou ou ganny ou, ou kalifikasyon.

Ou *tick* konmkwa ou pe lo *Human Rights Index*. Alor wi ledikasyon e konsiltan nou pa

bezwen pou le moman nou annan Sesel. E bann afilyasyon i demann en kantite, nou annan bann afilyasyon e sa afilyasyon osi anmenn en kantite travay lo li. Mersi Mr Chair.

MR DEPUTY SPEAKER

Mersi Ziz Renaud. Mon pou donn laparol, Onorab Michel Roucou.

HON MICHEL ROUCOU

Mersi Mr Chair. Bonn apre midi Ziz Renaud ek ou lekip. Ziz Renaud mon'n tann ou koz en bon pe lo sa kestyon ki mon pe al demann ou la, petet si ou ti kapab dir nou en pti pe plis an detay. Eski ou santi, ki Seselwa li menm li i pa byen get edike lo tenm lo kote son drwa li menm li?

E ki zot pe fer, pou edik plito nou bann zenn, komans zot depi zenn dan lekol pou konn zot drwa? Akoz mon war pli ale poudir i annan bokou Seselwa, nou'n perdi sa respe parey ou pe dir.

Sey koz ek nou en pti pe lo sa bout. Ki zot pou fer, pou edik plis nou bann zenn ki ler zot leve, zot konnen poudir zot annan sa? Mersi.

MR DEPUTY SPEAKER

Ziz Renaud.

CHAIRMAN **JUSTICE**
BERNADIN RENAUD

Mersi Mr Chairman. Mersi Onorab Roucou. Pou koz lo ledikasyon, nou annan en *unit* ledikasyon, *pégadogie* ki devlop bann program. La nou pe komans pran kontak avek liniversite, avek *school*, Minister Ledikasyon.

Wi, nou bezwen fer antre dan sistenm pou pa fer *duplication*. Petet finalman nou pou al kot medya, nou pou al kot liniversite.

Me selman nou pe devlop program, *curriculum* pou fer antre dan sistenm. Pou depi ptipti primer i monte ziske *tertiary education*, liniversite, *we* bezwen sa. *Ok?*

Apré osi nou pran bann *module* pou dan lenstitisyon Leta, partikilyerman egzantp ou war Lapolis. Nou'n koz avek zot nou'n an kontak byen ek Lapolis, avek Imigrasyon ek Lanplwa. Bann landrwa kot nou konsilte e pou gete ki manner nou pou ed zot pou zot fer sa bann, zot nivo kot i konsern *Human Rights* monte.

E sa i enkli dan sa bann program. Ki nou pou fer, me ankor i dapre resours ki nou annan, nou a pe sey debourye gete ki manner nou pou kapab fer. Mersi.

MR DEPUTY SPEAKER

Mersi Ziz Renaud. Mon ava donn laparol Onorab Cosgrow.

HON WALLACE COSGROW

Mersi Mr Chair. Mr Ziz Renaud mon pe fer referans ek ou Bidze, '*wages and salaries in cash.*' Mon war i annan e gran logmantasyon konpare ek lannen pase, preski dir double in term ou *basic pay*.

Well pa pou ou, pou ou Komisyon. Avek bann *allowances*, ki'n preski dir double sorti 1.8 pou al 3.4 -1.5 pou al 3.3.

Eski sa i relye avek *increment* dan saler, *or* avek *allowance* *or* i relye avek bokou plis staff ki ou'n ki ou pe pran pou fer travay marse?

E osi lo kote '*other uses of goods and services*', mon war *Board allowance* ki apepre R1.4milyon, konpare avek R1milyon lannen pase. Dan sa letan kot Prezidan in dir nou, sey travay avek leker, sey pa pran larzan, mon war pou zot in ogmante.

E mon konnen zot annan apepre 3 *commissioners* enkli ou. *Sorry*, trwa *commissioners* apre ou avek en depite. So eski sa i *cater* pou sa bann *allowances*? Mersi.

MR DEPUTY SPEAKER

Ziz Renaud.

**CHAIRMAN JUSTICE
BERNADIN RENAUD**

Mersi Mr Chairman. Mersi Onorab. Wi, ki ou pou remarke, mon dir ou komansman nou *set up* lenstitisyon, apre nou kit li lanmenm. Lannen pase, nou ti *set up* 2019 an Mars, ki sipoze in pran serman, e pou komans fer Mars.

Me enn bann keksoz, difikilte pou gannyen se pou bezwen rod sa Bidze. Antye lannen pase 2019, en pe 2020 osi. Bidze ti kouver zis mon krwar nou ti annan en *staff*, avek sa senk *commissioners*.

Me apre sa nou bezwen pou sey kapab fer marse ale, ale, ale ziska nou'n bezwen gannyen, nou'n gannyen en *senior investigator*, en *senior educator*, *training officer*, *research officer*, *educational assistant*, *assistant investigator* en *CEO* e en *senior national and international*.

Konpran? Sa bann dimoun ki la, zot fer sis zot, fer louvraz, parey mon'n eksplike 12 ,13 dimoun. Bann *commissioners* zot sipoze vwar son diferans, zot pa parey *Board Member*. Zot aktyelman bezwen vin zwenn, *hear case* e

tann ka, fer lopinyon, donn zizman.

I pa parey en *commission Board* li, e ler mon regarde konmsi ou vwar prezan *Truth and Reconciliation Commission*.

Sa bann dimoun, ki sa *commissioner* i parey senk Ziz. Prezan ler ou gete "anr be sa senk dimoun dan *Board* se pa ki zafer." Zistwar.

Mon a sorti mon a vin asiz koman en *Board commissioner*? Non, akoz sa i demann ou pou en nivo, en nivo tou sa bann dimoun ki lo *Commission* koman *commissioner* mon ava dir zot.

Tou bann *graduate, post-graduate of a level*, akoz zot bezwen fer bann desizyon, pou zot dir avek Leta ki deza en lenstitisyon *powerful*, pou li kapab aproz, pou negosye a en nivo.

Alor sa bann *commissioners* pa bann *Committee Members* oubyen *Board members* sa. *Right?* Prezan sa bann *staff* ou war in double la, nou'n demann en pe plis larzan nou bezwen sa bann *staff* kalib, mon pa pou diskitek sa me selman en zour si oule plis data nou ava dir zot.

Sa bann dimoun la zot pe fer de, trwa louvraz. Par egzannp nou pran *research officer*, *you know all these* ki mannyer ou

apele, Konvansyon ki nou'n sinyen, tousala. I annan *report, periodic report* ki ou bezwen fer. Nou bezwen fer *input* dan tousala, *ok*, medya i demann nou lenformasyon *and so on and so forth*. Nou pa pou al dan detay, enn fwa ki nou konpran rol *commission*.

Sa ki la sa larzan la i pa ankor ariv lo nivo, i *50 percent, of what we plan*, oubyen *what we supposed to do*. Nou kapab fer 50 pousan, sa ki sa Lalwa seksyon 14 i dir nou fer. Zis lanmwatye apepre, ou pa pou kapab fer tou, pou le moman. *Thank you*.

Sa i eksplike sa Bidze ti komans lo zero li, apre in fek *set up* i pa'n ganny nanryen prezan i ape komans ganny en pe. E ler i ganny en pe *COVID* in vini, in blok nou lanmenm, e nou bezwen sanz nou sistenm travay la. *Squeeze in* prezan. Mersi.

MR DEPUTY SPEAKER

Mersi Ziz Renaud. Onorab Pillay.

HON SEBASTIEN PILLAY

Mersi Mr Chairman. Mr Chairman *Bidze Human Rights Commission*, i en Bidze ki vremen enportan e travay ki *Human Rights Commission* i

annan pou fer i en travay ki ekstrememan enportan.

Sirtou dan letap kot, nou pei i ete kot nou annan en sanzman Gouvernman e ki annan diferan keksoz ki, pou ganny dir par enn a lot. E ki dimoun pou eksprim diferan kalite santiman.

Sa ki mon ti ava kontan demann Ziz Renaud, an relasyon avek son Bidze, se eski lapros *Human Rights Commission* pou zis regard Drwa Imen *from* sa perspektiv, tradisyonnèl. Oubyen zot pe fer en travay pou fer, pou regard li *from* en lot perspektiv, son perspektiv *socio-economic*.

Par egzamp ler en Gouvernman i retir en mezir sosyal ki lenpak sa i annan. Eski sa i pa en, i annan en lenpak lo Drwa Imen dimoun.

Eski sa i en lapros ki zot pe pran e eski Bidze ki zot pe gannye i permet zot pou kapab *tap into* en *knowledge-based* ki ava kapab ed zot devlop konpetans pou konpran sa sityasyon? Mersi Mr Chairman.

MR DEPUTY SPEAKER

Ziz Renaud.

CHAIRMAN JUSTICE BERNADIN RENAUD

Mersi Mr Chairman. Mersi Onorab. Ankor toultan mon

pou tourn lo sa, ler nou pou apresye ki sa i *Human Rights Commission*, la ki nou pou kapab fer *Human Rights Commission, that level of people* pou asiste sistenm pou fer marse.

Wi, e personnelman parey mon'n dir o komansman i, mon pa krwar Sesel koman en pti zil, e sa kalite dimoun ki egziste lo sa zil, ou kapab zis kopi nenport kwa pou anmenn isi pou vin fer marse. *Ok?*

Alor *ok*, olye sa zafer tradisyonnèl, i byen nou swiv sistenm tradisyonnèl. Me selman sa ki nou pe sey fer *Human Rights Commission* Sesel, mon a redir, mon ava servi sa mo toultan.

Nou pe pran en lapros *systemic, systemic approach* an menm tan ki nou pou pran en sityasyon kot nou fer *conflict resolution*, ki annan ladan. En konfli ek endividi nou rod en fason pou rezourd li. Me pou nou sa ki pli enportan se ki akòz sa enn endividi in ganny sa konfli?

Ler ou al gete deryer son sistenm in en *failure*. E la nou, nou oule fer sa lapros, ler ou'n demann mwan si drwa *traditional system. In addition to in traditional system*, nou le al apros *system systemic*.

Nou pou al ansanm avek sa Leta pou sey vwar. Par egzant mon ava dir ou, donn pti legzanp taler se ki zot fer bann Lalwa, kantite Lalwa i annan Sesel.

Eski ou kapab polish sa bann Lalwa? E ler nou fer bann Lalwa nou pa kapab polish bann Lalwa i kree en problenm.

E ki mannyer nou pou *police* sa bann Lalwa, eski toultan fodre en dimoun dan liniform?

Nou, nou pe dir lalwa i ganny polish par bann dimoun. Be la, la kot *non-traditional human rights* i edik dimoun, pou li menm li *police* son *own* sistenm. E mon ava koz lo bann kestyon spesifik, se mon ti ava kapab koze me petet pa pou byen poudir, dir bann keksoz ki pa normal.

Wi nou pe *engage* avek bann lenstitisyon, pou montre zot ki mannyer, nou kapab travay ansanm pou devlop sa. E sirtou pou ariv lo sa domenn *socio-economic. You know*, mon'n kontan konmsi vwar bann pti keksoz ki pe sanze.

Dernyerman mon'n tann en konferans ti fer. En zenn fiy ti fer en Ladres. Mon krwar ti al lo *WhatsApp* partou la, kot en zenn fiy pe koz laverite ki mannyer, ki mannyer *Human Rights in Africa* i ete.

E la kot nou bezwen sanz nou *mindset*. E *Human Rights* ozordi dan bann pei parey pou nou, laspe sosyoekonomik. I en keksoz ekstrememan enportan. E pou ou kapab konpran sa fodre ou konpran sa ki apel, nou, nou apel sa *neocolonialism*, sa nouvo *concept* ki mannyer pei endistriyalize i kontinyen *enslave* bann pei parey nou.

E laspe sosyoekonomik nou bezwen edik dimoun, pou kapab konpran pou li rekonnèt letan i ganny eksplwate.

Lot keksoz, mwan pa pou al dan bann detay sa petet en *debate* ki nou pe sey travay pou sey vwar. Rekonnèt ler ou ganny eksplwate ou bann *economic resources*.

Kot i konsern laspe sosyoekonomik, nou bezwen veye, ler nou koz lekonomi, nou met finans premye anler, *financial resources* e nou *Human Rights Commission*, nou pou sey pran sa letan, pou nou sey kapab met *human resources*, imen konte e valer imen, apre nou desann pli ba. Sansan, nou kapab diskite lo la Onorab Pillay longman.

Si ou *focus lo economy, finance, human resources and material resources*, ou mank ou *human resources*, i en kekyon pou nou debout lo la.

Lo laspe sosyoekonomik. I annan en lot keksoz ki ou pou aprann, se ki en *peuple* i ganny edike pou li rekonnèt, ler son resours i ganny eksplwate san ki li i kapab dir nanryen ladan. Pa vo lapenn ou annan *human rights* ou pa kapab dir nanryen ler ou resours i eksplwate.

Anfen sa bann keksoz ki mon dir an zeneralman lo kontern *socioeconomic aspect*. Par egzanp, menm la nou'n anvoy en mon krwar *PS Thesee* i konnen, *Human Rights*, nou'n partaz avek zot en dokimantasyon kot i konsern *socioeconomic situation*, espesyalman dan sa letan *COVID* e mannyer pou zer, balans en pti git.

Nou pa ankor ganny sans diskite ek zot, nou'n partaz avek zot sa dokiman, lo laspe *socioeconomic*. E nou *Human Rights Commission* nou annan en pozisyon lo la, e nou bezwen veye ki i pa deborde sa. Mersi Mr Chairman.

MR DEPUTY SPEAKER

Mersi Ziz Renaud, Onorab Andre.

HON CLIFFORD ANDRE

Mersi Mr Chair. Mr Chair, mon ti a kontan demann Ziz Renaud ki menm si i dir bokou dimoun i bezwen ganny edike lo zot

drwa, i annan bokou sitwayen ki konn son drwa. E dan sa konteks par ler zot santi ki bann lotorite, pe abiz zot drwa. E parler zot dir avek sa lotorite letan sa labi pe arive, konmsi be zantiman konmsi sa sityasyon, pe arive alors annou pran li en pe kalmeman.

E ou ou'n dir pou annan sa ledikasyon, avek sa bann antite, me antretan ki sa ledikasyon pe ganny fer, sa dimoun i santi son drwa in ganny vyole. Sa i enn. So ki...? Mon konnen ou'n eksplik en pti pe ledikasyon tousala, me selman sa dimoun li i le son i ganny en rekour ki son problem la.

Mon dezyenm kestyon se etandonnen ki ou, ou'n deza *Ombudsman*, eski ou pa krwar i annan serten, konplent oubyen serten vyolasyon drwa Imen. Ki al en pti pe dan tou le de sans? So kekfwa i annan en pti pe *duplication*, aköz anler dimoun i al laba, apre i ganny dir al laba konmsi i annan sa, i pa tro konnen kot i pou ale avan. So eski ou kapab eksplik nou sa?

Apre Ziz Renaud, ou'n donn dan ou latab nimerò 4, lo paz 112, senkyenm pwen dan *contribution indicators* ou'n dir '*percentage of users satisfaction of Human Rights complain procedure.*'

E ou'n sorti 50 porsan an 2020 pou vin 80porsan. So sa nou pe koz satisfaksyon sa. Me ki mannyer ou pou *achieve* sa satisfaksyon, si i ankor annan en mank ledikasyon *both to the authorities* avek *the end users* li menm.

So sa ki mon ti ava kontan demande. Eski sa, parey Onorab Cosgrow in demande si sa, li in dir poudir ou Bidze in mont par de fwa.

E mwan mon kontan ou Bidze in mont par de fwa. Sa ladministrasyon ki la in war nesosite pou fer ou Bidze mont par de fwa aköz i santi, ki ou louvraz i en louvraz ki enportan dan sa sosyete, dan sa klima ki nou ladan e i demontre ki poudir, sa ladministrasyon pa toler, okenn labi Drwa Imen.

Menm par lotorite, swa ki lapolis, ki militer, ki lezot lotorite. E i montre ki poudir nou pe pran sa konsern, nou piblik, nou sitwayen, vreman o serye. Mersi.

MR DEPUTY SPEAKER

Ziz Renaud.

CHAIRPERSON JUSTICE BERNADIN RENAUD

Mersi Mr Chair. Mersi Onorab Andre. Pe fer mwan al dan koz, en kantite lo en bann keksoz. Me selman bezwen, mon

konpran poudir ki manner i *relate* avek nou Bidze, sa en. Ler nou koz *educate* petet nou, nou pou rod bann fason ler nou dir *educate, what it means, ok?*

E i dir *citizens* i annan konn zot drwa, wi e apre zot pa konnen ki manner pou zot revandik sa bann drwa.

E lotorite i abes bann Lalwa, drwa. E mwan sa ki mwan mon pou kontribye lo la, sa ki nou'n fer sa 50poursan ti en *survey* bann dimoun ki'n vin kot nou, e repons ki nou'n donner, 50 poursan.

Be lefe zot in donn sa, zot satisfè, nou, nou pa satisfè avek sa nou. Akoz nou, nou krwar i bezwen rezourd san poursan satisfè tou dimoun. Alor nou pou bezwen met plis zefor, pou nou fer plis zefor nou bezwen, ganny plis *result*.

Pou ganny plis *result* fodre sa bann lenstisyon Leta i reponn. Lenstisyon Leta pa pe reponn akoz nou napa sa mwayen pou anvoy *investigator*, pou anvoy, tou lazournen pou nou koze. Pou sa rezon ou pou war bann *commissioners*, menm zot *part time*, zot preski *full time* al *meet* bann landrwa pou kapab koz avek zot.

Onorab Andre se ki son problem, nou bliye bann dimoun ki abes drwa lezot, se menm dimoun ki annandler

son drwa i ganny abize. Akoz menm dimoun ki konn son *right*, i abiz drwa lezot.

Manner nou pou rezourd sa? Mwan mon pe panse enn ki nou toultan sey pe koz lo la, bann *survey* ki nou'n fer se ki nou'n vwar, nou annan en *public service*, e mon pa pe blanm ditou sa bann *public servants* ki debrouye an mor.

Me si selman zot ti'n kapab ankadre zot pou zot rekonnet, ki manner ou fer kontan en sitwayen, letan zot pe travay, pou pa abiz zot drwa.

Sa en keksoz nou a koz lo la, e mon toultan krwar en *human*, en *civil service college* oubyen *institute* i pou ed en kantite. Ler ou an *train* laba, e ladan enn son konponan se respe dinyite lezot.

Violation sa bann *right* i vini, annandler mon tann gran, gran, personnalite i koz, i pe dir bann keksoz. Me be mon dir, mon dir be in manke la. Preski sa ki i pe dir, i en *total abus de droit*, *me* selman ki arive?

Mon ava dir ou en lot keksoz se ki nou pou fer, kot i manke. Ankor mon pou al en pe vit, tou sa bann keksoz mon pe agree avek ou, Mr Andre.

Access to justice, it's a fundamental, pli fondamantal. Be eski nou realize pa fasil pou *access, to justice* isi Sesel?

Drwa Imen. *Violation of the Charter Rights*, i sipoze en keksoz pli senp pou arive devan Lakour Konstitisyonnèl, ou konnen, *how complicated it is?*

Nou bezwen, rod nou pe travay konsilte ki mannyer pou war en solisyon pou ariv kot Lakour konstitisyonnèl, kot ou revandik ou drwa. Ek letan nou ava kapab fer sa. I annan lezot ki ou'n koz lo la. Ou drwa lanplwa, i annan en kantite drwa, e Mr Onorab ou konn byen eski nou bann Tribinal i donn sa bann drwa lanplwa, bann dimoun i kapab pran 4an, 5an. Be nou'n analize. *Anyway* kan ou pe dir, nou'n edike, *citizens* i konnen. Zot rod zot drwa, me dan bann lenstitisyon pa pe kapab delivre akòz manm sa bann lenstitisyon zot menm zot pa'n ganny *train*. *Ok?* E la kot nou bezwen larzan pou *train* sa bann dimoun.

Lofis *Ombudsman* ek lezot, mon krwar dan bann miting nou ti fer letan nou ti pe diskite Bidze. Minis ti lev sa pwen *duplication*. E petet nou devret *streamline* pou fer si ki napa *duplication*.

E ler ou vin kot *Human Rights Commission*, premye *step* se ou ranpli en *formulaire*, *personal detail*.

E enn ladan nou oule konnen tou sa bann

lenstitisyon ki annan, lekel ou'n al kot lekel. Pou nou konnen pou nou pa fer *duplication*. *Ok* nou fer bann relasyon entern pou nou vwar ki annan. E *duplication*, *Ombudsman*, *user satisfaction* pou nou kapab *improve* lo la.

Me selman mon ava dir zot sa *COVID* la, in deranz tou nou pei antye anba lao, problem partou kote sa. E bann konplent ki ou pe gannyen, ou pa pe kapab menm, *common sense* i kapab rezourd, me *it's the situation* ki egziste. Selman nou pou fer li byento, ek letan, avenir. Mersi Mr Chairman.

MR DEPUTY SPEAKER

Mersi Ziz Renaud. Mon pa'n rekonnet okenn lezot Manm ki ti lev lanmen pou demann kestyon lo sa *headings*. Zis avan nou pran en vot. Mon ti annan zis de pti kestyon mon ti le demann Ziz Renaud.

Ou *CEO*, ou'n mansyonnen poudir ou annan enn. Si zis ou ti kapab enform Lasanble lekel?

Aprè ou'n osi koz lo, *Human Rights Index*, mon zis anvi konnen pour ki bann Manm Lasanble petet i kapab swiv, pou nou vwar ki kalite progresyon Sesel i fer o fir bann lannen ki pase. Baze lo Bidze ki nou pe donn ou, pou ou kapab

anmenn amelyorasyon pou nou pei. Lekel sa lorganizasyon spesifik, ki regard sa size, ki pibliy sa rapor anyelman? Mersi.

**CHAIRPERSON JUSTICE
BERNADIN RENAUD**

Mersi Mr Chair. Premye nou CEO, nou'n fek gannyen depi Zanvye, in vin avek nou. E se Mr Elvis Julie, e pou le moman i pa, i endispoze la. Me i pe fer en kantite pou ed nou.

E dezyenm kot i konsern *Human Rights Index*. *Human Rights Index* plizyer landrwa i pibliye. Me si nou get, sakenn i, sak bann lenstitisyon Nasyonal i eksplik, i pibliy bann *index*. Me selman *index* nou pa konnen ki mannyer zot mezire sa, zot al rod tou sa bann lenformasyon ki nou, nou anvoye, ki lezot i anvoye, ki NGO i anvoye. Ki zot dimoun isi i anmase, e zot pibliye.

Me par egzantp Mr Chair in dir, i trez enportan menm zot koman en lenstitisyon, les bann lendeks i sorti nou bezwen demann kestyon.

Kot sa bann data i sorti, lo ki'n baze pou kree sa bann *index*? Akoz tou sa bann sistenm ki en zour sa petet en lot konversasyon, nou ava kapab koz lo la, ki mannyer konmsi, sa bann *index*, sa bann

mezirasyon, tou sa bann kalite zafer ki sa bann gran pei oubyen gran lotorite i enpoz lo nou, i afekte nou, kantite.

Sa *index* wi, i enpotan akoz dimoun avan i vin isi, i get sa *index*, *Human Right Index*, *investors*, touris ensidswit.

Me sa ki ti a byen *maintenant* nou koman *Human Rights Commission*, si nou ti annan le mwayen, ler nou ganny le mwayen nou pou fer bann *scientific research*.

Syantifik resers, mezirasyon, definitivman i konkret baze lo larealite syantifik, ler ou fer bann resers parey zot fer *whatever*. Pou nou montre ki nou *Index Human Rights* i vini.

Par egzantp mon la, Mr Chair eski nou *Index Human Rights* kot i konsern drwa, madanm Sesel. Eski in sorti byen sa? Me mon pa tro krwar i sorti byen dan Lafrik mwan. Lo petet, nou ganny konte ansanm ek bann pei Lafrik.

E ki ti a bon nou, nou ganny sans pou vin en pe pli, fer bann dimoun vin vizit nou pei e vwar ki mannyer nou fason viv i ete. Mersi Mr Chair.

MR DEPUTY SPEAKER

Mersi, Ziz Renaud. Donk nou ariv moman pou nou pran en vot lo, alokasyon pou

Seychelles Human Rights Commission ki trouve lo paz 109 a 112 R7milyon, 743mil.

Donk mon ti ava demann tou bann Manm ki an faver pou endike? Mersi, okenn Manm ki kont? Mersi Madanm Clerk. Alor vot lo alokasyon *Seychelles Human Rights Commission* ki trouve lo paz 109 a 112 pou en Bidze R7milyon, 743mil, 29 Manm in vot an faver, personn pa'n vot kont, e personn pa'n *abstain*. Donk vot pou sa *headings*, i pase.

Nou ava remersye Ziz Renaud e osi manmzel Beth Gertrude pou avek nou ozordi apre midi.

Nou pou aprezan *adjourn* e nou pou rebran 4er.

OFFICE OF THE OMBUDSMAN

MR SPEAKER

Nou *item* pou sa peryod i Bidze Biro *Ombudsman* e mon annan plezir swet la byenveni madanm *Ombudsman*. Madanm Nichole Tirant-Gheradi e dan son lekip i annan madanm Marie-Paule Gertrude *office manager* e osi madanm Wendy Michel, *account assistant*.

Alor mon a lir detay *comme d'habitude*. *Office of the Ombudsman* lo paz 93 ziska 95,

pou en Bidze R2million766 mil.

Madanm *Ombudsman*, mon a envit ou pou ou fer en lentrodiksyon.

OMBUDSMAN MRS NICHOLE TIRANT-GHERADI

Mr Chair, mersi bokou pou resevwar mwan ozordi, pou mon Bidze. Mon swet bonn apre midi tou Manm Lasanble. Premye fwa ki mon aparet devan zot anfet pou prezante mon Bidze, pou demann e pou reponn tou kestyon ki zot ava annan pou mwan lofis.

Mon lofis i Biro *Ombudsman*, i en lenstitisyon ki'n kree anba Konstitisyon depi 1993. I en biro ki regard tou sa ki konsern ladministrasyon piblik, mon krwar zot, tou Manm Lasanble in resevwar mon rapor ki, mon rapor *annuel* ki'n fek sorti la.

E zot, si zot in ganny letan regard li zot a vwar en pe bann difikilte, bann problem, be osi bann sa ki mon konsider koman sikse. Mon biro pandan sa dernyen lannen.

Ladministrasyon i konsern, ladministrasyon piblik an zeneral ki dan konteks Sesel i enkli tou Departman Gouvernman, tou Minister, tou Departman Gouvernman tou

lotorite piblik ki anba en Lalwa, tou *compagnie* osi, sa ki nou apel *State-Owned Enterprises*.

Tou *compagnie* ki annan la mazoriter par Sesel, par Gouvernman Sesel. Donk, tou lenstitisyon ki annan servis piblik ladan, i tonm anba mon *droit de regard*.

Mon *droit de regard*, se kwa, se prensipalman baze lo kalite ladministrasyon, kalite sa servis piblik ki nou donn sitwayen Sesel. I regard osi posibilite koripsyon, frod dan servis piblik fer par en fonksyonner.

E osi vyolasyon Drwa Imen, par en zofisye servis piblik dan son travay dan son konportman. Nou *operate* anba en biro ki relativman pti koman ou vwar son Bidze i, 2milyon 700 pou sa lannen.

I mwens ki ler mon ti vin ladan 2017 mwan Mars 2017. Nou Bidze in bese e mon krwar avek sa, menm avek sa bes nou'n kapab annan en bon performans. Mon krwar ki nou'n fer, nou'n fer ase bon travay.

Byen evidaman avan ki mon vin kot zot, pou mwan demann zot plis larzan si mon ti vini fodre mon ti ava fer en pe plis, plis travay a enteryerman mon biro, pou vin demann plis,

plis kapasite, plis konpetans, plis kapasite travayer.

Sa ki nou bezwen, se nou bezwen en konpetans rapor. *Investigation*, rapor final pou nou kapab met an ekrir bann obzervasyon ki nou fer, bann difikilte ki nou rankontre. Obzervasyon ki nou fer, lo ki mannyer nou kapab amelyor servis piblik.

Parske lobzektif prensipal, se zisteman sa, se pou fer an sort ki nou kalite servis piblik i vin pli bon, pli efisyan, pli efikas par rapor avek lekspektasyon piblik. Mon pa tro konnen si i annan lezot keksoz ki mon devret dir zot la, a sa staz ekspekte byen evidaman, aksepte kestyon ki zot ava annan pou mwan.

MR SPEAKER

Mersi madam, si i annan lot keksoz i ava monte dan kestyon pa trakase. E nou ava komans avek kestyon. Onorab Vidot.

HON AUDREY VIDOT

Mersi Mr Chair. Bonn apre midi Mr Chair. *Panel* avek tou dimoun ki a lekout.

Mr Chair mon kestyon pou, lekip devan, Madanm *Ombudsman*, in fer resorti ki menm si zon Bidze, in oparavan i ti'n redwir, e in fer son mye posibil pou sey delivre.

Me mon ti ava kontan demann avek *panel*. Prenon kont ki zot lofis i enn ki annan son gran lenportans ozordi dan pei, e in annan bokou kritik, lepase e menm ozordi menm si Gouvernman i sanze i ankor annan kritik, kot i annan travayer pe *still* ganny viktimize dan zot lorganizasyon travay.

E *still* nou ankor pe tande poudir i annan koripsyon, ki egziste me selman an pratik nou pa pe vwar bann sitan, laprev kot pe ganny anmennen devan lazistis.

Alors atraver sa Bidze ki ou pe gannyen la pou 2021, ki lasirans ki ou pe donn nou Lasanble pou dir baze avek finans ki ou pe gannyen pou travay avek.

I pou adres sa bann konsern, pli byen ki bann Bidze presedan ki ou'n resevwar, pou byensir bann dimoun ki konnen poudir sa lofis i egziste osi i ganny otan lenformasyon pou zot kapab vin devan ou?

E petet ou, lofis si napa ou pa santi poudir in osi annan lezot lenstitisyon, ki'n mars lo menm lipye avek zot dan les sans ki fer menm travay, ki petet i annan ankor bann bokou diplikasyon.

Akoz mon get Biro Anti-Koripsyon in dan lepase demann plis larzan in resevwar,

me dan ou ka ou osi annan sitan lenportans, me ou pa'n ganny parey. Mersi .

MR SPEAKER

Mersi Onorab. Madanm *Ombudsman*.

OMBUDSMAN MRS NICHOLE TIRANT-GHERADI

Mersi Manm Onorab. Mersi Mr Chair. Wi pou reponn ou kestyon. Prensipalman mon krwar i enportan ki mon eksplike ki, an sa ki konsern travayer, mon biro i kapab regard travayer fonksyon, servis piblik, travayer ki dan servis piblik i kapab vin kot mwan.

Me i kapab vin kot mwan apre ki in servi tou sa ki egziste tou lot kapasite ki egziste pou li anmenn son problem. I annan setadir ki par egzanp i annan dimoun ki dan servis piblik, i kapab al devan *PSAB, Public Service Appeals Board* si i krwar in ganny, in ganny met deor mal apropo dan son travay.

Sa se en premye pa ki i pou bezwen fer, e ki mon pou bezwen anvoy li dan sa direksyon avan ki mwan mon kapab regard sa ka, kot li i ganny met deor dan son travay.

Donk pour, i en pti pe, en lanmen anmare ki *Ombudsman* i annan sistematikman, fodre i

al regarde ki lot kapasite, ki lot oportinite i egziste, pou en dimoun kapab anmenn son problemn avan ki mwan mon regard ladan.

Mon vin en pti pe en dernyen rekour anfet. Ler tou dimoun in, ler sa dimoun in *fail* partou kot in ale, la prezan i vin kot mwan.

Donk sa se en premye keksoz. Tou sa lezot travayer ki dan sekter prive par egzanzp, mon napa en drwa regard lo zot, ki ariv zot dan zot lanplwa, donk mon pou bezwen anway zot devan *Employment Tribunal* par egzanzp.

Tou keksoz ki mwan mon fer, mon fer li avek *investigators*. Mon prosedir entern ki mon'n adopte pou mwan pa bezwen *setup* en Komisyon Lanket sak fwa, parske mon napa sa mwayen pou fer li.

Mon annan en lapros pli direk avek sa Minister. Setadir mon ava met sa konplent devan sa Minister, mon ava demann li kestyon, pou sey gid li kote ki mon pe ale avek sa *enquiry*.

E ler li i reponn, la mon ava travay lo sa bann repons pou mwan demann lot kestyon, pou mwan ganny lot lenformasyon, si i resorti ki mon bezwen lot lenformasyon.

Donk sa prosesis *investigations* i enportan.

Me i ase limite avek resours ki mon annan. I annan sis nou an tou, e enkli mwan dan biro. Donk nou vreman limite avek sa, avek sa kapasite. Me i pa zis en kestyon azout dimoun, i en kestyon azout dimoun, mon krwar Ziz Renaud taler in eksplike zot ki nou annan, i annan serten kalib dimoun ki ou pe sey rode; *investigators*, osi byen ki dimoun ki kapab al pli lwen ek sa *investigation*, pou donn nou, pou nou prepare en rapor.

Donk nou ase konstrent, ladan nou annan en difikilte pou nou trouv sa kalib dimoun. An sa ki konsern ou kestyon lo, si nou pou adres sa bann problemn a lavenir? Byen evidaman wi nou kontinyen adres tou problemn ki nou annan.

E sa i anmenn mwan lo pwen, lot lenstitisyon. Efektivman i annan lot lenstitisyon ki'n ganny kree, sa bann dernyen lannen, *Human Right Commission* i enn par egzanzp ki okip, tou sa ki konsern vyolasyon Drwa Imen.

Anti-Corruption

Commission in pran si oule sa laspe frod avek, koripsyon. E koman zot in demann plis mwayen pou zot, pou zot reisi

delivre lo zot manda, mon realize ki nou annan nou en gro problemm Sesel, se pou trouv dimoun, pou trouv dimoun dan tou form metye deza.

E pli nou miltipliye sa bann lenstitsiyon, pli nou pou annan mankman, dan kalite dimoun ki nou pe rode. Parske nou tou nou pou komans rod, nou annan *investigators*, pa bliye lapolis osi i bezwen *investigators*, *Human Right Commission* i bezwen *investigators*, mwan mon bezwen.

Bokou lot lenstitsiyon i bezwen ki fer ki sak fwa ki ou pou miltipliye en nouvo, lenstitsiyon ki pe rod menm dimoun. Nou pa prodwi sa dimoun, nou pa. Napa lekol ki donn ki kree, ki montre ki mannyer pou vin enn bon *investigator*. Alor nou bezwen aprann lo ta avek *moyens du bord*.

So, an sa ki konsern, *Anti-Corruption Commission*, par egzantp an partikilye *corruption* e *fraud* dan mon manda. Mon manda i limite, lo resevwar en konplent. Alor mon bezwen ganny en dimoun, ki anmenn en konplent kot mwan avan.

E mwan sel keksoz ki mon kapab fer a lafen sa *investigation* se dir, wi poudir sa

konplent sa dimoun ki'n vin fer sa konplent i annan rezon.

Alor avek sa resours ki ou bezwen pou ou *carry out* en *investigation corruption* ou *fraud*, mon napa sa kapasite, e mon pa krwar i zistifye pou mwan ganny sa kapasite non-*plus*. Pou mwan zis kapab dir, wi i annan *fraud* ou *corruption* la. Parske i bezwen al kot en lot dimoun prezan pou fer lot keksoz, mwan mon pa pe kapab fer nanryen avek apard fer sa, obzervasyon sa konklizyon. E fransman sa, i pa vo lapenn.

MR SPEAKER

Mersi madanm *Ombudsman*, Onorab Samynadin.

HON KELLY SAMYNADIN

Mersi Mr Chair. Bonn apre madanm Tirant avek ou delegasyon.

Parmi zot bann '*current challenges*', ou lofis in endike ki zot annan en limitasyon dan *staff* spesyalize, e ki sa i kree en defayans kot i konsern adres bann konplent ki vin kot ou lofis, dan en fason ki efikas e efektiv.

Me mon dan zot plan pou travay, pou amelyor sa sityasyon. Mon ti a voudre en leksplikasyon atraver sa Bidze ki devan nou, ki mannyer ou

lofis i anvizaze pou fer sa?
Mersi.

MR SPEAKER

Mersi Onorab. Madanm.

**OMBUDSMAN MRS NICHOLE
TIRANT-GHERADI**

Mersi Onorab. Mersi Chair. Pou nou kapab adres sa nou bezwen *recruit* en dimoun ki annan en bon konpetans. Mon lanbisyon pou biro se vreman ki nou ganny en dimoun avek en nivo Avoka.

En dimoun ki, sirtou si en dimoun ki pe, ki'n deza pratike, pratik koman en Avoka ou ki, annan sa leksperyans Avoka i ti a vreman sa kalite dimoun ki mon bezwen pour sa. Pou diferan rezon, enn se ki parske sa biro i napa *deputy*, i napa en *CEO* i napa, konmsi i vreman zis mon tousel.

E mon krwar ki Biro *Ombudsman* i bezwen annan en dimoun ki pou kapab reste a en nivo, tre, tre o, pour ki i kapab asir en kontinyite, ler mwan mon ale. Ki pou dan 3an, en lot dimoun ava, avan ki sa lot dimoun i kapab vini sa enn ki la i kapab garanti sa kontinyite. Parske mon krwar i en pti pe domaz napa sa kontinyite dan biro koman i ete ozordi.

E mon krwar i enportan ki nou etabli, parske defayans

koman mon'n dir dan mon rapor sa febles ki mon annan, se ki mon annan zis enn menm mwan. E mon vwar ki bokou sa rapor, kekfwa mwan osi, mwan ki pe fer li mal, mon pa konnen. Me selman bokou sa rapor i vin mon *profile* sa rapor a enn pwen ki mon angaz mwan bokou dan sak rapor ki mon fer, e i enportan ki mon ti ava kapab ganny led pour sa.

Mon *staff* i bon lo *investigation*, i bon lo zot preparasyon. Me apre i annan sa pti bout pli lwen kot mon ti ava kontan ale, ki in fer li en pti pe pli difisil pou mwan.

Donk pour sa, mon anvizaze ki wi vreman, ki mon pou bezwen adres sa par *recruitment* en dimoun. E mon ti ava kontan lans lapel osi a tou dimoun sirtou Avoka ki enterese pou vin travay, travay kot mwan, ki ti en bon loportinite pou vini. Mersi.

MR SPEAKER

Mersi madam. Onorab Lemiel.

HON SYLVANNE LEMIEL

Mersi Mr Chair. Bonn apre midi madanm *Ombudsman* avek ou *staff*. Madanm *Ombudsman* ou'n nonmen ki annan zis sis staff kot ou, lofis. E mon ti ava kontan konnen lekel sa bann pos sa sis staff, ki

pos ki zot pe okipe? Apard ou koman *Ombudsman* ki lezot pos zot pe okipe?

E si ti pou ou kapab fer ou lofis koman *Ombudsman* vin efektif, marse, ki kantite *staff* ankor ki pou bezwen e ki kantite bann pos ki ou bezwen zot ladan?

Enn ou bann *challenges* ki ou'n nonmen, i se ki i annan en '*lack of public awareness.*' E apre lo kote konpran en pti pe zot rol e responsabilite, sirtou lo kote ou lofis, ki petet ou pe mazinek ek sa Bidze ki'n donnen sa lannen, ki'n donn ou lofis?

Ki ou pe mazinek fer pou ou kapab anmenn en pti pe plis *awareness*, plis konprezon rol ek responsabilite Biro *Ombudsman*? Mersi.

MR SPEAKER

Mersi Onorab. Madanm.

OMBUDSMAN MRS NICHOLE TIRANT-GHERADI

Mersi Mr Chair. Mersi Onorab. Pour *build* biro, anfet i annan 2an de sela mon ti'n deza komans travay lo en plan, epi sa proze ti deza dan mon Bidze pour 2019.

E parkont mon pa'n met li pou sa lannen pou la senprezon ki in fer byen kler avek

nou, Minis Finans in fer byen kler ek nou ki napa larzan.

Nou pa pe ganny larzan e mwan fransman mon napa ni, ni konpetans, ni letan vreman. Mon annan en kantite louvraz mon napa letan, pou mwan asize fer proze, ki pa pe al okenn par. Donk pou mwan sa ti premye keksoz.

I en premye deba ki mon pe sey fer, depi 2019 pou sey met an plas en rekonesans lotonomi sa biro. Son lotonomi finansye, osi byen ki administratif ki *management*. Parske mon krwar ki Biro *Ombudsman* koman serten lot lenstitisyon konstitisyonnel osi, ki i en pe parey dan mon ka, mon krwar nou devret annan en serten lotonomi, en serten lendepandans pour Lasanble i ava vot en Bidze pou nou, e nou, nou okip nou Bidze nou travay ek nou Bidze, nou rankont byen evidaman.

Me nou annan nou serten lotonomi ki mannyer nou depans sa larzan. Setadir nou santi pou dir tel fason kree, *set up* nou biro i pli bon i pli efikas nou devret kapab fer li, dan la mezir ki nou kapab zistifye nou eksplike akouz nou'n fer sa.

Me malerezman sa i pa le ka, pou kree en *post* ou bezwen Lotorite Ladministrasyon Piblik, pour kapab ganny en vot

larzan ou bezwen Lotorite Minister Finans.

Donk sa i vin en *challenge* an li menm. Parske nou napa sa kapasite *in-house* pou nou fer sa legzersis bidzeter, lo en lannen e mon fer resorti ankor dan rapor lo la. Me sa se mon pli gran lobstak ki mon annan se, ki mannyer mon pou *build* sa biro, zistifye, zistifye en ogmantasyon larzan i pou, *it's parts of* - i vin sa legzersis wi.

Me mon pou bezwen kapab montre dabor ki kalite pos ki mon bezwen ki kantite larzan ki mon bezwen ki en legzersis enorm li menm.

Donk, pou reponn ou lot kestyon, *lack of awareness* piblik; efektifman nou kontinyen vwar, statistik i montre ki bokou, bokou plis gran mazorite, konplent ki ariv kot mwan i swa *out of remit* parey ou dir, ki i pa anba mon manda ditou.

Ou i annan ankor sa lot, sa lot kote ki sa dimoun i devret kapab al swiv en lot prosedir, avan ki i pou vin kot mwan, parske i annan en lot keksoz ankor pou li fer.

Ki vedir ki konklizyon ki mon tire ladan se ki, piblik pa konnen vreman kwa ki sa biro i fer. Ziska ki mon ava ganny statistik avek lezot lenstitisyon, mon pa pou kapab mezire si sa

i en keksoz ki Nasyonal, ki partou kot dimoun i al dan en biro, le moman ki zot tande poudir i annan en biro ki kapab adres zot konplent, apre zot konnen poudir pa bon.

Me pou mwan i en kestyon, ki eski mon pou fer program? Ki kalite program? Mon annan detrwa lide ankor program ki mon pou fer. Mon ti oule deza komans prevwar lannen pase, mon ti'n prevwar ki mon ti pou komans al dan lekol, pou mwan sey koz avek, bann lekol pli avanse, bann lekol segonder, pli tersyer avan pou sey koz lo size *Ombudsman*.

Mon'n sezi tou lokazyon partou kot nou annan, in annan en levennman piblik kot in demann nou pou vin fer prezantasyon pou mwan fer li.

Donk se plito sa kalite *awareness* ki nou pe fer. Apre nou'n fer, nou'n devlop en pti *brochure* pour ki la, ki disponib. Be i annan efektifman en kantite lot keksoz ki fodre fer ki pa neserman bezwen en kantite larzan, me ki bezwen letan avek en dimoun ki devoue pou sa, ki vreman annan sa pou li fer. Mersi Mr Speaker.

MR SPEAKER

Mersi, ou ti annan adisyonnèl Onorab, wi.

HON SYLVANNE LEMIEL

Mr Chair, i pa adisyonnèl mon santi ki madanm *Ombudsman* petet i pa'n tro ganny en konpran mwan. Mon ti oule konnen.

Lekel bann *staff* ki ou annan dan sa sis, i annan ou koman *Ombudsman*, apre ou annan en sekreter ou annan en, *ok* la koumsa.

E apre mon konpran ou'n dir napa larzan. Nou konpran napa larzan me pou ou lofis *fully* fonksyonnen koman, parey ou ti a kontan. Konmsi ki kantite *post* ankor ou, ou menm ou, ou konnen poudir ou ti pou bezwen, pou ou lofis kapab fonksyonnen byen koman sa Lofis *Ombudsman* pou zot kapab fer tou zot keksoz ki zot anvè fer. Mersi

MR SPEAKER

Mersi Onorab. Madam.

OMBUDSMAN MRS NICHOLE TIRANT-GHERADI

Mersi Mr Chair. Mersi Onorab. Eskiz mwan mon ti'n bliy sa bout. Wi efektivman mon *staff* aktyelman koman mon dir i annan sis nou.

Mon annan en *senior investigation officer* ki madanm Gertrude, pa madanm Gertrude la me Sylvette Gertrude. Ki vin

kot mwan sorti kot Servis Sosyal, avan i ti kot Servis Sosyal.

Mon annan en zenn *recruit* ki sorti liniversite, en zenn Avoka anfet, ek *Law Degree*. Sophie Lagrenade, ki en *investigation legal*. Mon'n met en pe sa de parske efektivman sa ki enpotan dan mon biro, se ki dimoun i kapab fer plizyer keksoz. So ant tit son travay ek vremen sa ki i fer i toultan annan en diferans.

I annan Sophie Lagrenade, i annan madanm Dine, Tracy Dine ki en *investigation officer*. Me ki double en pe koman mon sekreter. I fer en kantite lot keksoz avek mon biro personnelman.

Mon annan isi nou de dimoun ki dan nou ladministrasyon, se sa de dimoun ki mon ti vin zwenn dan biro deza e ki'n reste, in kontinyen dan sa kote ladministrasyon.

Donk madam Gertrude, ki fer en pe tou lo kote administrasyon, *human resources*.

Mon kote, *accounts*, kote *office administration* an zeneral avek byen evidaman en dimoun ki ed li madanm Michel, Wendy Michel ki *à ma gauche* la. Donk sa se nou *setup*.

Ki nou ti ava kontan, mon ti a pour vreman byen fer biro mon krwar nou bezwen en dimoun kekfwa ki ti ava pli kale dan kont.

Me *ceci dit* si nou pou ganny en dimoun ki kale dan kont ki i pa pou ganny letan, i pa pou en *full time job* parske i pa ... Mon pa krwar avek en Bidze 2milyon, 3milyon ki nou zistifye annan en *accounts*, en *accounts* kalibre konmsi.

Se sa kalite difikilte ki nou annan. Donk en dimoun dan nou kote administrasyon, me sirtou dan mon kote *investigation, my core activity* koman mon dir.

Mon ti a kontan en dimoun ki kapab okip nou *visibility* kanpanye e la se tou se ki konsern, *internet, website*, program edikasyonnel, program *spot* edikasyonnel osi lo televizyon e *ailleurs*. E sirtou en dimoun ki pou donn mwan en koudmen ek mon rapor.

Me la, se sa enn anfet ki pou pli ki pou kout pli ser, si nou ganny en sa, mon krwar mon biro i kapab fonksyon tre byen. Mersi.

MR SPEAKER

Mersi madanm. Onorab Bistoquet.

HON ROSIE BISTOQUET

Mersi Mr Chair. Bonn apre midi tou envite. Mon pa pou, mwan kestyon i annan en bout ki'n deza, ganny pran oparavan. Selman mon pou donn ou, mon pou donn ou de pti kestyon madanm Gheradi.

Premyerman mon trou *under* ou Bidze anba '*other uses of goods and services*,' konpare avek 2020, mon war in desann sorti 676 pou desan 561.

Apre vi ki mon pa pou al ankor dan sa bann detay ou lofis, avek tou sa bann kontrent ki ou pe pas ladan. Mon ti ava kontan demann ou sel pti kestyon, eski vi ki annan zot pe fer ou manda e preski menm manda avek larestan lorganizasyon ki zot, ou'n diskrit lo la oparavan?

Par egzanp i annan *unit, CID, FIU, FCIU, ACCS*, eski ou annan en *memorandum of understanding* avek sa bann group, bann lezot lazans, or eski ou pe prevwar pou annan en *MOU* avek sa bann lazans? Mersi.

MR SPEAKER

Mersi Onorab, madanm.

OMBUDSMAN MRS NICHOLE TIRANT-GHERADI

Eskiz mwan Onorab, mon pa'n tro sezi ou kestyon. Mon annan en pti problemm *sourdité* donk,

mon'n mank ou kestyon vremen. Si ou pa, ou pa *mind* pou repete silvouple?

MR SPEAKER

Onorab ou a repete, vitman silvouple?

HON ROSIE BISTOQUET

Premye ti annan sa bout anba ou *budget* anba '*other uses and goods services*. '

Mon vwar poudir ou lakantite ki ou ti annan an 2020 i pli pti git apepre en 100, apepre R100mil apepre en pti pe pli pti git, mon pe demande aköz? Apre lot i konsern *MOU*. Mersi.

MR SPEAKER

Mersi. Madanm.

OMBUDSMAN MRS NICHOLE TIRANT-GHERADI

Mersi Mr Chairman. Mersi Onorab. An fet, an fet enn bann pli gran keksoz ki'n arive lannen pase se ki biro, biro osi. mon ti vwayaz detrwa fwa dan lannen pou partisipasyon dan avek de lorganizasyon avek ki mon travay setadir;- *the African Ombudsman Organization* e Asosyasyon *Ombudsman la francophonie*, deza sa aköz ti koup net lannen pase tou vwayaz, *from* imedyatman apre ki *COVID* ti deklare. Tou sa ki

ti'n prevwar dan sa pos, i ti disparet dan son, dan sa dezyenm Bidze. Pou sa lannen sa koupe ki'n ganny fer, i konsern *reducing rent* par 25poursan, donk i reprezant sa koupe dan sa Bidze.

E ou dezyenm kestyon ti o size, *MOU* si mon'n konpran ou byen. Wi efektivman aköz mwan mon dir ki, koman nou manda i ete, la plizyer lenstitisyon ki pe ganny kree, ki'n ganny kree depi 93, donk depi ki *Ombudsman* i egziste.

I annan en serten *overlap* ki ganny fer mon krwar, Onorab Lemiel ti mansyonnen taler, i annan en serten *overlap* ki ganny fer dan nou travay. E i nesese ki mwan, anfen mon vwar li i nesese ki mon travay, ki nou met an plas serten *MOU* pou ed nou travay an kolaborasyon ki nou konnen, kote nou, nou pou arete, kote lot pou komanse.

Pour ki evit, pour ki zisteman evit doub lanplwa. Pa nesese ki nou fer keksoz de fwa, me se sirtou pou evite ki mon toultan dir ler i annan de dimoun ki pe, ki sipoze fer en keksoz personn pa pou fer parske tou lede i krwar ki lot ki pou fer.

Donk se pou evit sa. *MOU* in fini ganny, nou annan en *MOU* ki deza, in ganny degrosi

ant *TRNUC, Truth and Reconciliation Commission.*

Parske deza mon mon'n anvway plizyer dosye ki mwan mon ti gannyen ki *or* mon konpetans kot zot, e osi serten travay ki pe fer avek, ant mon biro avek *Anti-Corruption Commission* pardon. *Anti-Corruption Commission* ki la nou osi nou pe elabor, *MOUs* avek *Human Right Commission* nou pa ankor travay lo.

Me mon krwar, se sa ki mon pe sizere ki ganny fer dan sa lannen e mon annan lide pran lo la pou kapab avans li.

MR SPEAKER

Mersi madanm. Onorab Labrosse.

HON RICHARD LABROSSE

Bonn apre midi madanm *Ombudsman*. Mon kestyon vize ver lo paz, lo *current challenges*.

Ki mon pe remarke ki, ou'n mete ki ou *main*, ou *main current challenges* ki ou pe gannyen i sa korperasyon ant bann Minister avek bann departman servis piblik. E mon war sa en pti pe - si ou ti kapab donn en pe detay vi ki ou lofis i sipoze en lofis ki enn pti pe o. I ganny etabli anba Konstitisyon. E ler mon tann ou pe dir bann keksoz parey i fer nou demann en pe kestyon.

So ki ou pe fer dan sa laliny la? Akoz ou lofis i en rekour ki bokou dimoun i bezwen vin tap zot lanmen lo la, ler zot dan difikilte.

Apre mon dezyenm kestyon, mon'n vwar ki ou annan en pti pe *challenging* ankor lo kote *awareness* lo piblik, pou konnen ki vreman ou lofis i fer. Mon krwar ki bokou dimoun la deor osi i annan sa krentif, lo ki responsabilite en *Ombudsman*, so mon pe gete dan sa laliny, ki kot ou pe ale lo kote ledikasyon pou edik dimoun deor lo vre, ou louvraz.

E si dan sa Bidze nou kapab dir si i annan en pti granm ladan. Mersi.

MR SPEAKER

Mersi Onorab. Madanm *Ombudsman*.

OMBUDSMAN MRS NICHOLE TIRANT-GHERADI

Mersi Mr Chair, mersi Onorab. Efektivman enn bann pli gran *challenge* i reste sa lapros ki mon pe fer. Parske mon pe sey fer plito en lapros ou kapab dir medyater. Kot mon demann avek sa sa lenstitisyon, ki pe, sa ki mon pe apel en *respondent* lenstitisyon, pour adres sa konplent ki'n arive. Vwala sa ki dimoun pe

dir, vwala sa konplent ki mwan mon'n vwar ki problem ki annan.

Si i kapab donn mwan en rapor, al dan serten direksyon. Parske mon sey pous sa Minister pou montre li, kwa ki mwan mon pe vwar ki pa byen dan sa lapros, pou li kapab adres sa kestasyon.

E lide deryer sa se sistematikman pour souliny lefe ki annan en problem, i annan en problem ki'n arive, i annan en keksoz ki'n al mal dan Minister, ki ou sa lenstitisyon. E ki i devret kapab ganny rezourd ase, ase fasilman, ase vitman.

Ou konnen ou menm poudir nou tou nou imen, e bokou imen, koman imen nou pa kontan ki dimoun i kritik nou, e forseman nou vwar sa koman en kritik. Sa se en premye problem ki nou annan, se ki sa dimoun i santi deswit poudir, i pou al lo defansiv, i pou sey eksplike ki non mon pa'n fer nanryen mal, li ki mal konpran.

Donk sa se en premye lobstak ki ou annan efektivman avek, avek Minister, se pou montre zot ki nou devret tou kapab benefisye dan sak konplent ki arive.

Parske, sak konplent ki arive, i montre nou en landrwa

kot nou ti ava kapab fer mye. I en pti pe mon filozofi dan lavi, mon toultan regarde ki mannyer mon kapab fer keksoz pli byen, plito ki zis kontant mwan poudir mon pe fer li byen.

Me ler mon'n fini fer rapor, e la tre souvan par lepase mon krwar plizyer Minister ti santi, poudir zanmen zot in ganny anbete avek *Ombudsman* pour, pour kwa, ki i pe rode pour ki rezon i pe demann mwan keksoz. E zot ti pran li en pe alalezer. Mon'n vwar dan sa bann lot lannen ki se souvan ler mon'n fer, rapor ler mon anvway kot zot.

Parske toultan mon fer mon rapor, mon anvoy pour komanter. Mon envit zot pou fer komanter lo la, la, la sa ki mon'n vwar dan sa konplent ki mon ti pe koz ek zot lo la, eski zot regard sa rapor e fer mon komanter?

Tre souvan, se la ki zot dir a *Chairman*, i annan en keksoz pe al pase alor la zot reponn. I annan ler zot vin ek lenformasyon, ki mon ti'n demann zot avan ki zot pa ti'n donn mwan.

E ler mwan, sa langazman prezan, ler mon'n anvway sa rekomandasyon mon pran konsiderasyon sa ki zot in dir, e mon ava amelyor li, mon ava

sanz li lezerman pou pran konsiderasyon, sa ki zot in dir.

Aprè sa rapor i vin lo rekomandasyon.

Rekomandasyon ki fodre fer pou adres sa problem sa dimoun, me osi pou evite ki sa kalite problem i arive a lavenir. Donk si en keksoz administrativ ki fodre fer met an plas en prosedir, en striktir tousala mon fer rekomandasyon ladan.

I annan keksoz e se la, kot souvan i annan sa reaksyon en pe negativ, se ki si mon'n dir be ou maltret sa dimoun, ou'n fer, ou'n kree en problem pou sa dimoun ki ou devre adrese.

Setadir konsider pey li konpansasyon, parske mwan mon pa en Lakour, mon pa en Ziz mwan, mon pa kapab fors li pou pey personn.

Me mon kapab rekomande ki i konsider, pey sa dimoun en serten konpansasyon. E la repons i sistematik i vini prezan i dir mwan, in tyeke avek Lalwa e Lalwa in dir li pa bezwen pran mwan, i pa dakor, avek sa ki mon pe dir li.

Donk pou mwan, se si nou pe dir poudir sa Biro *Ombudsman* i sipoze en nespes *conflict resolution*, Ziz Renaud taler ti koz lo size *access to justice*, si nou pou anvoy tou

dimoun ankor, parske nou kapab anvoy sa dimoun.

Mwan osi mon ti'n kapab anway li Ankour de o depar, e i annan ka kot mon anway li, mon dir li. Seryezman reflexir al anmenn ou *case* Ankour ki vin en *referral* i vin plito en, *out of remit*. Mon pou dir li mwan mon pa pou *deal* ek ou *case*, al anmenn ou *case* Ankour.

Be si i annan ler ki nou ti kapab rezourd sa problem avek en senp pti zes, par rapor ek sa dimoun, eski i fer *jurisprudence*?

Mon kit sa avek bann Avoka, me mon krwar i ava i fer bann administrasyon, si nou kapab regle sa problem e pi fer sir ki nou pa repet menm zafer pour lavenir. Donk se en pti pe sa lapros ki mon pran, dan travay ki mon fer. Mersi.

MR SPEAKER

Mersi Onorab, in demann en kestyon lo *public awareness*. I en size ki ou'n adres de fwa deza.

Selman kekfwa ou ti a kontan donn li en repons bref, vit lo ou langazman anver *public awareness*. Mersi madanm.

OMBUDSMAN MRS NICHOLE TIRANT-GHERADI

Mersi Mr Chair. Wi anfet lo sa kestyon ledikasyon *awareness*

an zeneral, i annan plizyer fason.

E la an trot, nou bezwen ganny langazman medya lokal ki i ava ede osi pou fer pase sa bann program lo sansibilizasyon, ki mannyer nou fer dimoun konnen, fer distenksyon nou annan *spot* piblisiter ki nou kapab fer.

Me i pa zis mwan tousel. Mon krwar, sa i en keksoz ki nou kapab fer dan sinerzi, nou met an plas plizyer program ki tous en pe tou sa bann biro, tou sa bann lenstitisyon. E ki sakenn i vini prezan i annan en leksplikasyon i dir sa enn ou al isi, sa enn ou al laba, sa enn ou al pou kot lot.

Mon krwar i plis ki, i pou pli pratik, i pou pli efikas, si nou pran en laspe, nou pran sa kalite prosedir koumsa kot nou fer li ansanm, ki plito sakenn i pe koz son pti bout dan son kwen.

Donk sa bann keksoz ki mwan mon annan, se *posters*, se annan keksoz ki vizibilite anfet, e pou mwan malerezman Sesel *visibility* se televizyon.

Se trouv en fason, pa pou mwan mon pas lo televizyon lwen *de la*. Me pour trouv en fason pou fer ki nou, tou sa bann diferan lenstitisyon i travay ansanm pou fer pas sa

lenformasyon lo televizyon. Mersi.

MR SPEAKER

Mersi madanm. Nou'n programmen pou termin 5er, mon annan ankor de dimoun lo lalis. Mon ava pas sa de kestyon, Onorab Henrie.

HON GERVAIS HENRIE

Mersi Mr Chair. Dabor mon annan de pti rekomandasyon. Mon ti ava rekomande ki Biro *Ombudsman* vitman i zwenn avek *Human Rights Commission*, pou sey trouv sa sinerzi ant zot. Akoz ler mon'n ekout, prezantasyon Ziz Renaud i demande sa. So sa i mon premye rekomandasyon.

Dezyenmman ki parey *Human Rights Commission* in fer, enn zot bann endikater performans, se satisfaksyon kliyan.

Zot in met enn sa koman enn zot *performance indicator*, mon krwar i ti ava osi bon pou Biro *Ombudsman*. So these are the two recommendations that I have.

Prezan kestyon, mon'n note ki bann lo latab 3, kot '*percentage of recommendation acted upon*,' mon war li i ba.

Konmsi ou a di i mank en pe lanbisyon ladan. Akoz, akoz i ba koumsa?

E finalman mon'n note dan rapor ki *Ombudsman* i tre anbisye pou anmenn en Lalwa, parey Lartik Konstitisyon 143(6) i rekomande.

Be solman mon pa war li dan ou plan stratezik. Donk mon pe rode akoz i absan, ladan? Mersi.

MR SPEAKER

Mersi Onorab, madam.

OMBUDSMAN MRS NICHOLE TIRANT-GHERADI

Mersi Mr Chair. Mersi Onorab. Anfet mon a konmans avek sa dernyen, wi sa Lalwa *Ombudsman* i vin nesese apre ki mon'n vwar sa dernyen lannen, depi ki mon la mon fer bokou, sa ki mon ti ava kontan fer bokou plis se medyasyon. Se pou kapab travay vreman lo sa kote medyasyon, pour ki nou kapab rezourd problem sa ki nou'n pran sa kote adverser setadir i annan ki byen fer ki lot.

Me plito annan sa laspe medyasyon. Donk sa in vin apre, in vin apre ki nou *strategic statement* ti ganny fer, an 2017, ler mon rantre. I en travay ki nou, i Ankour la, ki nou pe sey, nou ti pe sey fer li lannen pase, me nou'n ganny avek tou bann zafer *COVID*, nou'n ganny en pe retar, nou'n

met keksoz *on hold* pou nou konsantre lo lot keksoz.

Donk in ganny en pti pe les dekote. Me mon kapab garanti ou ki wi efektifman nou pou pran ou, nou pou travay lo la e nou ava pran li ou de rekomandasyon ki, rekomandasyon ki deza i en pti pe deryer dan latet. Me ki definitivman i ava revin devan.

Lo sa ki konsern *satisfaction* kliyan, mon'n ti'n fini prepar en kestyonner anfet pou ki mon ti oule met dan rapor sa lannen. Me i pa'n ganny mete finalman, parske mon ti pe kalkil ler i ava tro long, ki dimoun pa ti pou regarde.

Donk nou ava, nou pe travay lo la, pou li kapab sorti, i ava sorti dan kouran lannen, kot nou a komans rod en pti pe sa retour lo la.

Lo ou kestyon, nou *indicator* sikse. Nou'n, in toultan en lafreyer pou met keksoz ki tro anbisye, parske apre premye lannen mon'n vwar lakantite travay ki ti'n ganny fer, lakantite rekomandasyon ki ti'n ale. Ler nou ti pe sey rod ki mannyer pou kalkil *indicators* nou ti realize poudir si vreman, nou lobzektif se en rekomandasyon ki ganny met an viger, nou pou, nou pou bite seryezman.

Parske i pa ariv deswit, i pran letan. Alor se pour sela ki nou ti rekil lo la. Nou'n fer li pli ba posibil, pou ki nou vreman realist ler nou pe fer sa legzersis. Parske se difisil pou ou konnen si, sa ki ou ti rekomande in ganny fer.

I annan ler ou demann, ou demande. I annan ki mon'n anway devan Lasanble Nasyonal, i annan ki mon'n anvoy kot biro Prezidan an dizan poudir sa Minister pa'n fer nanryen, regard ladan e *still* pa ankor ariv nanryen lo la.

Donk *trois ans, quatre ans après*. Donk i difisil pou nou kapab, mon pa pou oule sanz sa dan sa kondisyon. Mersi.

MR SPEAKER

Mersi madam. Onorab Roucou, Michel.

HON MICHEL ROUCOU

Mersi Mr Chair. Bonn apre midi madanm *Ombudsman*.

Si ou kapab dir avek nou, ki bann kalite konplent i ganny, i anrezistre plis silvouple? Mersi.

MR SPEAKER

Madanm.

OMBUDSMAN MRS NICHOLE TIRANT-GHERADI

Mersi Onorab. Mersi Mr Chair. Sa ki vin plis kot nou se keksoz ki konsern, ki annan pou fer avek lanplwa. Se sa ki vin pli souvan dan tou laktivite, dan tou Minister i annan travayer bann Minister ki osi vin kot nou avek en problem lanplwa. Donk sa se pli gro ran.

I osi koman mon dir enn malerezman ki nou anvoy souvan, *back* dan sistenm kot ou bezwen sizer *PSAB*, ou bezwen sizer, *Employment Tribunal*.

Parske nou pa kapab fer li nou menm. Avan ki zot in *deal* avek sa bann lenstitisyon.

Aprè lot ki pa lwen deryer se tou sa ki an kantite *case* ki konsern alokasyon lakaz, later. Donk i konsern *Minister Land Use Housing and Infrastructure*. Mersi.

MR SPEAKER

Onorab Pillay, ou'n esper mwan esper, anonse ki nou lo dernyen kestasyon avan ou lev ou lanmen.

Me aköz ou *Leader* Lopozisyon, mon akord ou sa voyaz. Me silvouple, annou al bref e en pe vit.

HON SEBASTIEN PILLAY

Mersi Mr Speaker, mon ti'n leve mon lanmen be ou ki pa'n remarke, *ok*.

Mon kestyon pou *Ombudsman* i enn ki, ki al dan laliny ou travay ki vreman enportan.

Par lefe ki ou annan en rol enportan pou zwe pou bann, pou nenport ki dimoun ki annan en *grievance* kont *public service*, pou ladministrasyon piblik.

So mon premye kestyon se ler nou pe regard *schedule 5* nou Konstitisyon e ou koze dan ou rapor, ki ou napa ledan. Akoz dan Bidze, zot pa ti met en larzan pou annan en *consultancy* pou fer en revizyon, dan *schedule 5*.

E pou donn *Ombudsman* sa bann pouvwar ki petet ti ava neser ou gannyen pou ou kapab *deal* avek sa bann lenstans, bann sityasyon ler ou rankontre li, *as oppose* pou donn ou, ou annan pouvwar en Ziz pou *investigate* be ou, napa pouvwar pou *enforce* sa rekomandasyon. *So why not* ki nou start dan sa direksyon?

Mon lot pwen i konsern, an relasyon avek ou Bidze. Mon personelman mon santi poudir sa Bidze *regarding* ou lofis i en Bidze ki, pa *commensurate* ek travay ki ou annan pou fer.

Akoz par egzanp la nou vwar par egzanp, dan bann dan *pubic service* serten pos pe

ganny aboli parey pou *Special Advisors*, me serten *Special Advisors* pe fer vin bann konsiltan, *whilst* lezot pe ganny met deor.

So, in term of *investigatory powers*, e bann Bidze ki ou'n gannyen pou fer li. Eski ou *initiate*, bann rapor lo bann pratik ki ou war bann *public service* pe pran, ki kapab pa bann pratik ki pa neserman al dan lespri nou Konstitisyon?

Par egzanp ler ou pe retir en pos me selman, serten dimoun i sorti, serten dimoun ou garde. Eski ou annan sa *purview*, akoz mon rapel ou ti anvoy en rapor kot Lasanble *regarding* ler sizyenm Lasanble ti pou al debat, *Amended Appropriation Act*, so mon ekspekte petet sa osi i en, i en keksoz ki dan ou *remit*.

E pou Mr Speaker, petet, mon ti ava swete ki ler enn sa rekomandasyon ki ou'n mete dan ou rapor, konsernan Komite Anti-Viktimizasyon i ava en keksoz ki dan setyenm Lasanble nou rezourd *once and for all*. Mersi bokou.

MR SPEAKER

Mersi Onorab. Madanm *Ombudsman*.

OMBUDSMAN MRS NICHOLE TIRANT-GHERADI

Mersi Mr Chair. Mersi Onorab. *Schedule 5* efektifman, se mon *se blue print*, se mon Lalwa, se la ki donn mwan tou mon konpetans.

Mon krwar premye keksoz ki fodre gard antet, se ki mon pouvwar *investigation* i malgre ki i dir i donn mwan pouvwar koman en *Supreme Court Judge* i selman an sa ki konsern, *investigation*.

Setadir, posibilite pou apel en dokiman pou apel en temwen pou fer li vin, devan mwan pou fer li vin anmenn okenn keksoz ki mwan mon bezwen ki mon oule vwar. Sa i donn mwan sa posibilite pou, fer sir ki napa okenn Minister ki pa reponn.

Mon pa ankor met an plas dan sa *standing operating procedures* mon pa ankor met an plas, sa dokiman ki mon pou kapab al servi lo sa Minis, Minister, departman pou fer zot vin kot mwan.

Me i sertennman en keksoz ki mon pe travay dan sa direksyon pou lavenir. Mon pe fer li toultan kantmenm mon dir lo en laspe medyasyon plito, ki *coersive*.

Donk i pa mon pa oule al dan sa direksyon pou fors sa vini, parske koman mon dir Minister Lasante, par egzanp. Mon oze krwar ki annan en lot

rezon akoz Minister Lasante i pa reponn mon kestyon. Pa anway lenformasyon ki mon demande. Me i leka ki mon pa gannyen lenformasyon avek zot.

E ki sa i fer en problem lo, travay ki mon fer parske mon travay i enkonplet si mon pa'n ekout, si mon pa'n donn loportinite lot kote. Donk sa sertennman i en keksoz. Eski i ti ava sifi zis sa, petet wi, mon pe travay, aktyelman mon pe travay lo en proze Lalwa, ki i a fer en *Ombudsman Act*, e mon a pe, mon krwar ki dan sa lannen ki vini, nou annan nou en ptipti sonm. En pti R35mil pour servi, fer en local *consultancy*.

Ki ti ava kapab ed mwan avek mon proze Lalwa, ki'n deza degrosi, mon'n deza degrosi li. Me kestyon ti ava byen eski nou propoz avek zot isi dan Lasanble en modifikasyon Konstitisyon, setadir *schedule 5* dan Konstitisyon? Ou eske nou propoz zot en Lalwa, en nouvo Lalwa ki ava pran en pe tou sa bann keksoz, ki manke a met ladan. Sa i ankor *en suspens*, i en kestyon *suspens*.

An sa ki konsern ou kestyon lo Bidze. Mon rapel byen ou kestyon, wi mon kapab *investigate* tou keksoz ki pe pase. Koman ou vwar dan sa, dan sa, ler zot ti pas Lalwa

Appropriation Act, Amendment Act, mon ti fer mon legzersis. Mon'n fer li lo sa ki mon apel en *own motion* ki *permissible* anba Konstitisyon anba *Schedule 5*.

I permet mwan pou mwan fer, kot mwan mon vwar en keksoz ki mal, pou angaz mon lekor dan en *enquiry*, en *investigation*.

E mon oule fer plis sa, mon oule fer bokou plis, bokou pli souvan parske wi i annan en kantite lensidan, en kantite lensidan ki'n pase par lepase ki pe pase aktyelman kot mon santi poudir, sa biro i devre *step up* e pran sa keksoz pou li fer *enquiry*, fer son konklizyon, anvoy kot zot. Pou o mwen la koman en gidans dan sa ki zot pe fer.

E pour sela pou kapab fer li. Wi, i annan enn, i annan zis enn mwan. Si mon kapab ganny plis dimoun, mon kapab ganny plis dimoun, mon kapab, mon *build up* mon kapasite a sa nivo. E a sa nivo mon annan en kapasite legal ki mon pou bezwen gannyen, mon ti a kapab fer plis, wi.

MR SPEAKER

Mersi, mersi madanm *Ombudsman*. Prezan nou ava pas lo vot pou *Office of The Ombudsman* lo paz 93 ziska 95. Pour en Bidze total R2milyon

766mil. Manm ki aprouve lev lanmen silvouple? Tre byen e okenn ki kont? Wi Madanm Clerk, mersi.

Vot lo *Office of The Ombudsman* Bidze, lo paz 93 ziska 95. Pour en Bidze total R2milyon 766mil, in ganny 26 vot pour, 0 vot kont e 5 abstansyon.

Alor mon deklare ki Bidze in aprouve, par Lasanble. Mersi.

A se pwen, mon ava remersye madanm *Ombudsman* e bann zofisye, e osi *PS Thesee* e mon ava envit zot pou fer zot depar. Mersi bokou e bonn sware.

(THE OMBUDSMAN AND HER DELEGATION WAS EXCUSED FROM THE HOUSE)

MR SPEAKER

E a se moman nou ava repas dan Staz Lasanble silvouple.

Bon mon pou profite kan mon annan en pe letan la pou pran en size ki'n leve bomaten. E sa se bann size ki Onorab *Leader* Lopoziyon, in met devan Lasanble.

Lo size ki Onorab Henrie, in kopye parol en lot dimoun dan son diskour, andotmo sa Lasanble, lo lakizasyon *plagiarism*.

Mon a dir mon pa'n bezwen al rod *verbatim*, parey mon tir akòz mon'n ganny sa konparezon, laliny pou laliny ki aparet lo medya sosyal.

Mon'n ganny osi son diskour. Wi mon rekonnèt similarite ant diskour Onorab Henrie e en diskour par en politisyen, Ostralyen. Sa morso ki aplike i en porsyon apepre de minit, dan diskour Onorab Henrie.

Me selman mon bezwen dir ki *plagiarism*, i annan diferan degre. Ou kapab annan *plagiarism* lo en size teknik avek langaz spesifik ki ou konpran, ou konnen, ki sa dimoun ki pe repran parol en lot, pa ti pou normalman servi sa bann parol.

Swa sa bann parol pa ti pou dan son vokabiler normal, oubyen i montre en nivo konesans oubyen en nivo elokans, ki i pa ti pou arive par li menm.

Andotmo parol, parol ki in servi pa dan son laporte ordiner.

Me dan sa ki konsern Ladres Onorab Henrie, mon war ki sa i en pe diferan, akòz i lo en size zeneral, en langaz politik ki koresponn avek sa ki Onorab Henrie i servi toulezour.

I pa en langaz ki an deor, oubyen, par lao son kapasite

lekspresyon. Mon note par egzantp, ki sa bann parol i osi aplik tre byen dan konteks son diskour e sityasyon ki i ti pe adrese.

E mon note ki in pran sa bann parol an Angle e in met li an Kreol. E sa pou mwan i fer en diferans, sa i konte. Akòz sa ki in fer, se in fer en zefor pou fer sa vin son langaz.

Donk Onorab Henrie in repran lide, in petet repran santiman e in repran fason adres sa size ki en lot politisyen in eksprimen, me pa neserman son parol.

Toudmenm mon krwar ki annan sa similarite, e ki Onorab Henrie in servi en model ki ti la devan li pou fer son diskour. Alor in servi sa bann parol ki'n ganny enspire, par diskour en lot politisyen e mon krwar sa mankman i ti'n devret zis *acknowledge* letan i pe fer son diskour.

Savedir i ti'n devret dir, donn legzanp kote sa dimoun ki'n enspir li, de dan ki konteks.

Lo pwen ki konsern nou isi dan Lasanble e ki Onorab Pillay in leve se eski sa in konpromet lentegrite Onorab Henrie? E eski in port prezidis, kont privez nou Lasanble, oubyen kont en Manm dan sa Lasanble?

Lo la, mon repons i non. Napa privelez sa Lasanble ki'n ganny afekte. E napa privelez okenn Manm ki'n ganny afekte.

Lo pwen, lev en *matter of privilege*, mon anmenn a latansyon Onorab Pillay ki *Standing Order* 40 i dir si en Manm i le lev en *matter of privilege* i bezwen enform Speaker avan, ki oule lev sa *matter*.

Speaker i a demann li poudir briyevman ki size e akoz i pe lev sa *matter*. Sa i dan *Standing Orders*.

Speaker i a decide si sa *matter* i vremen afekte privelez Lasanble, e se selman apre sa ki sa Manm i kapab anmenn en Mosyon pour sa *matter* ganny konsidere par Lasanble.

Lo lot pwen ki Onorab Pillay in leve e sa se ki Onorab Henrie ti dir ki Onorab Pillay, pa'n ekrir son diskour li menm.

Wi Onorab Henrie, dapre son diskour mon war i ti adres sa remark an referans, avek ou Onorab Pillay.

I pa egzaktaman en pese kapital, me mon krwar ki Onorab Henrie pa ti'n devret fer sa *statement* e mon envit li pou *retract* sa *statement* an referans avek Onorab Pillay.

Standing Orders, in fact Standing Orders 39 i osi fer provizyon pou en Manm ganny

drwa avek permisyon Speaker, fer en *personal explanation*.

I bezwen donn son leksplikasyon an ekrir avan e i bezwen dan Lasanble dir egzaktaman sa ki'n met lo papye pou li dir.

Onorab Henrie in demann mwan, pou fer en tel *personal explanation* e in swiv sa prosedir. Alor mon pou donn li laparol pou fer sa.

E en dernyen o finalman, nou le fer kler ki napa deba lo en *personal explanation*.

E desizyon Speaker lo en *matter of privilege* i final. Mon a permet Onorab Henrie pou fer son leksplikasyon.

HON GERVAIS HENRIE

Mersi Mr Speaker, ankor enn fwa bonn apre midi tou dimoun, e sirtou bann dimoun dan distrik Mont Buxton.

Swivan *matter of privilege* ki Onorab Sebastien Pillay, ti leve bomaten, mon ti ava apresye parey ou'n dir Mr Speaker ki mon ganny, ou permet mwan donn sa leksplikasyon personnel parey i mon drwa anba *Order* 39.

Mon oule asir Lasanble ki mon'n fer ou ganny mon *statement* avan parey *Order* 32(2) i demande.

E *statement* pou egzaktaman sa ki nou agree.

Zot a rapel ki mon larepons lo diskour Bidze, i ti avan dernyen diskour par *Chief Whip LDS*, Onorab Sandy Arissol.

Mon swe sete nou ti bezwen en diskour ki ti en *rallying call*, en diskour ki demann nou Nasyon pou vin ansanm ede, kot nou kapab e kontinyen ankouraz nou bann ser, avek frer Seselwa demande ki manner zot kapab kontinyen ede.

Dan sa letan difisil kot nou pe traverse, sa bann lapel, tel lapel i enportan, mon lenspirasyon i sorti dan diferan sours e laform.

Mon ti'n ekout parol Anthony Albanese, e sa ki in dir ti enspir mwan. Sa ki in dir e mon'n adapte lo dan konteks Sesel, i bann laverite iniversel. Son lentervansyon, ti en lenspirasyon.

E sa bann mo ti kapab ganny servi par nenport ki dimoun. Mwan, mon'n swazir pou servi zot. Sa ki i ti dir i pa ti neserman bann ensitasyon, se pou sa rezon ki alor mon pa'n zanmen, i pa'n zanmen son non. Pa'n zanmen ganny site, dan mon diskour e la mon a dir zot ki wi i ti mon lenspirasyon.

Wi mon'n vwar sa larepons koman en lenspirasyon, ki Sesel avek tou Seselwa i bezwen dan sa

moman ki nou pei i lo son zenou.

E kan i bezwen sipor nou tou, mon repete nou tou pou remet li debout lo son de lipye. Mon diskour ti annan en total mo, 3856 mo e mon adaptasyon diskour Mr Albanese ti 134 mo, ki mon'n adapte li dan konteks Sesel.

Sa ti apepre en lanmwatye paz parmi 21 paz ki mon'n lir sa zour. Dan en moman kot Sesel i bezwen nou tou, mon envit Lopoziyon, pou ganny enspire parey mwan.

Avek konsey e lasazes, lezot dirizan politik atraver lemonn, ki pe demann zot pep pou debout akote enn a lot. Pour ki zot Nasyon i travers sa moman difisil ansanm. Kot nou ed enn a lot, kot nou donn kanmarad en sans, e fer ki nou sorti dan sa difikilte, o pli vit posib.

Lo remark ki Onorab Pillay pa'n ekrir son diskour Mr Speaker, sa ti en komanter politik an pasan ki mon retire san okenn rezervasyon. Mersi Mr Speaker.

(APPLAUSE)

MR SPEAKER

Mersi Onorab. Onorab Pillay mon'n fer kler ki napa deba lo sa leksplikasyon, e *Ruling*

Speaker i final. Ou a kapab dir mwan lo ki oule adres nou silvouple?

HON SEBASTIEN PILLAY

Mr Speaker, mwan mon pe al ni *challenge* ou *ruling*, akoz ou *ruling* wi i final, ou *Ruling* Speaker Lasanble Nasyonal in deza ganny *challenge* Ankour dan en *case* oparavan.

E presedans in montre poudir *Ruling* Speaker i final. Mon pa ni pe al *challenge* leksplikasyon ki Onorab Henrie in donner, Lepep Seselwa in tann leksplikasyon, in tann tou sa ki'n arive be sa ki mon oule met devan Mr Speaker, se ki oule mon swiv *Standing Orders*, e mon ekrire ou pou demann ou en *matter of privilege*, mwan mon ti ava apresye ki ou pa *seek legal advice from* Onorab Georges e ki Lasanble i apwent son prop *Legal Advisor* pou donn ou *advice* lo *matters of procedure*, an sa ki konsern Lasanble Nasyonal.

Sa mon egzize ki si i arive, Mr Speaker.

(APPLAUSE)

HON SEBASTIEN PILLAY

Dezyenmman Mr Speaker mon egzize ankor enn fwa ki as

long ki ou reste koman *Leader LDS* e Speaker Lasanble Nasyonal, ou zizman pou ganny *clouded* e obzektivite ou *ruling* i kapab ganny met an kestyon malgre mon pa kapab *challenge* li Mr Speaker.

Pou premye fwa dan sa Lasanble, apre ki *LDS* in blanm nou pou fer keksoz diferaman, kot nou, nou pran tou lapros pou fer keksoz diferaman, demann diferan kestyon e anmenn diferan largiman, ozordi zot in swazir pou aplik en metod kot en keksoz i mal pou fer li vin byen!

Mon kit sa ek Lepep Seselwa pou li realize, lekel ki pe anmenn vre sanzman dan sa pei ozordi! Mersi Mr Speaker.

(APPLAUSE)

MR SPEAKER

Onorab Pillay sa size mon'n fini adrese, e mon pa pe pran okenn diskisyon ankor. Nou ava *adjourn*.

(ADJOURNMENT)

